

史記卷二十七

漢 太 史 令司馬遷 撰

宋中 郎外 兵曹參 軍裴 駟集解

唐國子博士弘文館學士司馬貞索隱

唐諸王侍讀率府長 史張守節正義

天官書第五

案天文有五官官者星官也星座有尊卑若人之官曹列位故曰天官
麗乎天其動者有七日月五星是也日者陽精之宗月者陰精之宗五星五行之精衆星列布體生於地精成於天列居錯峙各有所屬在野象物在朝象官在人象事其以神著有五列焉是有三十五名一居中央謂之北斗四布於方各七爲二十八舍日月運行歷示吉凶五緯躔

中宮天極星

素隱姚氏案春秋元命包云宮之爲言宣也宣氣立精爲神垣又文耀鉤曰中宮大

帝其精北極星含元出氣流精生一也爾雅云北極謂之北辰又春秋合誠圖云北辰其星五在紫微中楊泉物理論云北極天之中陽氣之北極也極南爲太陽極北爲太陰日月五星行太陰則無光行太陽則能照故爲昏明寒暑

其一明者太一常居也

素隱案春秋合誠圖云紫微大帝室

太一之精也正義泰一天帝之別名也劉伯莊云泰一天神之最尊貴者也

旁三星三公或

曰子屬

正義三公三星在北斗杓東又三公三星在北斗魁西並爲太尉司徒司空之象主變出陰陽

佐機務占以從爲不吉居常則安金火守之並爲咎也

後句四星末大星正如餘

三星後宮之屬也

素隱句音鉤句曲也援神契云辰極橫后妃四星從大妃光明又按星經

以後句四星名爲四輔其句陳六星爲六宮亦主六軍與此不同也

環之匡衛十二星藩

臣皆曰紫宮

索隱元命包曰紫之言此也宮之言中也言天神運動陰陽開閉皆在此中也宋均

又以爲十二宮中外位各定總謂之紫宮也

前列直斗口三星隋北端兌若

見若不曰陰德

索隱劉氏直音如字直當也又音直隋音他果反北一作比案漢書天文志北

作比端作崙兌作銳銳謂星形尖邪也文耀鉤曰陰德爲天下綱宋均以爲陰行德者道常也

德二星在紫微宮內尚書西主施德惠者故贊陰德遺惠周急賑撫占以不明爲宜明新君踐極也又云陰德

星中宮女主之象星動搖或曰天一

正義天一星

主戰鬪知人吉凶明而有光則陰陽和萬物成人主吉不然反是太一一星次天一南亦天帝之神主使十六

神知風雨水旱兵革饑饉疾疫占以不明及移爲災也星經云天一太一二星主王者卽位令諸立赤子而傳

國位者星不欲微微則廢立不當其次宗廟不享食也

紫宮左三星曰天槍右三

星曰天棊

集解蘇林曰音榔打之榔索隱槍音七庚反棊音皮韋昭音割詩緯云天槍三星天棊五

星在斗杓左右主槍人倍人石氏星讚云天槍天倍八
星備非常之變也正義槍麗掌反天倍五星在女牀東
北天子先驅所以禦兵也後六星絕漢抵營室曰閣道索隱

絕度也抵屬也又案樂汁圖徵云閣道北斗之輔石氏
云閣道六星神所乘也正義漢天河也直度曰絕抵至

也營室七星天子之宮亦爲玄宮亦爲清廟主上公亦
天子離宮別館也王者道被草木營室歷九象而可觀
閣道六星在王良北飛閣之道天子欲遊別宮之道
占一星不見則輦路不通動搖則宮掖之內起兵也北

斗七星所謂旋璣玉衡以齊七政

索隱春秋運斗樞云

第三璣第四權第五衡第六開陽第七搖光第一至第
四爲魁第五至第七爲杓合而爲斗文耀鉤云斗者天
之喉舌玉衡屬杓魁爲旋璣徐整長曆云北斗七星星
間相去九千里其二陰星不見者相去八千里也尚書
旋作璿馬融云璿美玉也璣渾天儀可轉旋故曰旋璣
衡其中橫箭以璿爲璣以玉爲衡蓋貴天象也鄭玄注
大傳言渾儀其中箭爲璿璣外規爲玉衡者是也尚書
大傳云七政謂春秋冬夏天文地理人道所以爲政也

人道正而萬事順成又馬融注尚書云七政者北斗七星各有主第一曰主日法天第二曰主月法地第三曰命火謂熒惑也第四曰煞土謂填星也第五曰伐水謂辰星也第六曰危木謂歲星也第七曰罰金謂太白也日月五星各異故名曰七政也

杓攜龍角

龍角東方宿也攜連也

義按角星爲天關其間天門其內天庭黃道所經七曜所行左角爲理主刑其南爲太陽道右角爲將主兵其北爲太陰道也蓋天之三門故其星明

衡殷南斗

晉灼

曰衡斗之中央殷中也

魁枕參首

義枕之禁反衡斗也魁斗第一星也

索隱宋均云殷當也

言北宮斗斗衡直北當之魁枕於參宿之首北斗之杓連於龍角南斗六星爲天廟丞相太宰之位主薦賢良授爵祿又主兵一曰天機南二星天梁中央一星天相北二星天府庭也占斗星盛明王道和平爵祿行不然反是參主斬刈又爲天獄主殺罰其中三星橫列者三將軍東北曰左肩主左將西北曰右肩主右將東南曰左足主後將軍西南曰右足主偏將軍故軒轅氏占參應七將也中央三小星曰伐天之都尉也主戎狄之國

不欲明若明與參等大臣謀亂兵起夷狄內戰七將皆明主天下兵振芒角張王道缺參失色軍散敗參芒角動搖邊候有急參左足入玉井中及金火守皆爲起兵

用昏建者杓杓自華以西

南

集解孟康曰傳曰斗第七星法太白主杓斗之尾也尾爲陰又其用昏昏陰位在西方故主西南

集解文云杓斗柄音匹遙反卽招搖也

也華華山也言北斗昏建用斗杓星指寅也杓華山西

南之也夜半建者衡

集解徐廣曰第五星衡殷中州河濟之間

曰假令杓昏建寅衡夜半亦建寅

北斗夜半建用斗衡指寅殷當也斗衡黃河濟水之間

地也平旦建者魁魁海岱以東北也

集解孟康曰傳曰斗也魁斗之首首陽也又其用在明陽與明德在東方故主東北齊分

集解言北斗旦建用斗魁指寅也海岱代郡也言魁星主海岱之東北地也隨三時所指有三建也斗爲帝車運于中央臨制四鄉分陰陽建四時均五行移節度定諸紀皆繫於斗

案 姚氏案宋均云言是大帝乘車巡狩故無所不紀也 **斗魁戴匡六星曰文昌宮**

集解 晉灼曰似戴故曰戴匡 **案** 文耀鉤云文昌宮爲天府孝經援神契云文者精所聚昌者揚天紀輔拂並

居以成天象 故曰文昌宮 一曰上將二曰次將三曰貴相四曰司命

五曰司中六曰司祿 **案** 春秋元命包曰上將建威武次將正左右貴相理文緒司祿賞

功進士司命主災 咎司中主左理也 **在斗魁中貴人之牢** **案** 孟康曰傳

斗魁中貴人牢名曰天理 **案** 樂汁圖徵曰天理貴人牢宋均曰以理牢獄也 **正義** 占明及其中有星此貴人

下獄也 **魁下六星兩兩相比者名曰三能** **集解** 蘇林曰能音台 **三能**

色齊君臣和不齊爲乖戾 **案** 漢書東方朔願陳泰階六符孟康曰泰階三台也

台星凡六星六符六星之符驗也應劭引黃帝泰階六符經曰泰階者天子之三階上階上星爲男主下星爲

女主中階上星爲諸侯三公下星爲卿大夫下階上星爲士下星爲庶人三階平則陰陽和風雨時不平則稼

乾隆四年校刊

穡不成冬雷夏霜天行暴令好與甲輔星明近輔臣親

兵脩宮榭廣苑囿則上階爲之坻也

彊斥小疏弱

集解孟康曰在北斗第六星旁蘇林曰斥遠也正義大臣象也占欲其小而明若大

而明則臣奪君政小而不明則臣不任職明大與斗合國兵暴起暗而遠斗臣不死則奪若近臣專賞排賢用

伎則輔生角近臣擅國符印將

謀社稷則輔生翼不然則死

杓端有兩星一內爲矛

招搖

集解孟康曰近北斗者招搖招搖爲天矛晉灼曰梗河三星天矛天鋒招搖一星耳案詩汜歷

梗云梗河中招搖爲胡兵宋均云招搖星在梗河內樂汁圖徵云梗河天矛星宋均以爲梗河名天矛則梗河

是星 **一外爲盾天鋒** 集解晉灼曰外遠北斗也在招搖南一名玄戈正義星經云梗河星

爲戟劍之星若星不見或進退不定鋒鏑亂起將爲邊境之患也 **有句園十五星屬杓**

索隱句音鈎圓音員其形如連環卽貫索星也正義屬音燭 **曰賤人之牢其牢中星**

實則囚多虛則開出 索隱詩汜歷樞云賤人牢一曰天獄又樂汁圖徵云連營賤人牢宋

均以爲連營貫索星也正義貫索九星在七公前一曰連索一曰連營一曰天牢主法律禁暴強故爲賤人牢也牢口一星爲門欲其開也九星悉見則獄事繁不見則刑務簡動搖則斧鉞用中虛則改元口開則有赦人主憂若閉口及星入牢中有自繫死者常夜候之一星不見有小喜二星不見則賜祿三星不見則人主德令且赦遠十七日近十六日若有容星出視其小大大有大赦小亦如之天一槍楛矛盾動

搖角大兵起

集解李奇曰角芒角

東宮蒼龍房心爲明堂

索隱文耀鉤云東宮蒼帝其精爲龍爾雅云大辰房心尾

也李巡曰大辰蒼龍宿體最明也春秋說題辭云房心爲明堂天王布政之宮尚書運期授曰所謂房四表之道宋均云四星間有三道大星天王前後星子屬不欲

日月五星所從出入也

直直則天王失計

索隱鴻範五行傳曰心之大星天王也前星太子後星庶子房爲

房爲

府曰天駟

索隱爾雅云天駟房也詩沱歷樞云房爲天馬主車駕宋均云房旣近心爲明堂又別爲

天府及其陰右驂

正義房星君之位亦主左驂亦主良馬故爲駟王者恒祠之是馬祖也

旁有兩星曰鈴

正義鈴音其炎反元命包曰鈞鈴兩星以開防神府闔舒爲主鈞距以備非常

也正義占明而近房天下同心鈞鈴房心北一星曰牽

之間有客星出及疎拆者皆地動之祥也

集解徐廣曰音轄正義說文云牽車軸端鍵也兩相穿

背也星經云鍵閉一星在房東北掌管蓋也占不居其

所則宮門不禁

居則反是也

東北曲十二星曰旗

正義兩旗者左旗九星在河鼓左也

右旗九星在河鼓右也皆天之鼓旗所以爲旌表占欲

其明大光潤將軍吉不然爲兵憂及不居其所則津梁

不通動搖

旗中四星曰天市中六星曰市樓市中星衆

者實其虛則耗

正義耗貧無也天市垣二十二星在房心東北主國市聚交易之所一曰天旗

明則市吏急商人無利忽然不明反是市中星衆則歲

實稀則歲虛熒惑犯戮不忠之臣彗星出當徙市易都

客星入兵大起

房南衆星曰騎官左角李右角將

正義李即

理法官也故元命包云左角理物以起右角將大角者率而動又石氏云左角爲天田右角爲天門也

天王帝廷

案隱援神契云大角爲坐候宋均云坐帝坐也正義六角一星在兩攝提間人君之象也

占其明盛黃潤則天下大同也其兩旁各有三星鼎足句之曰攝提攝

提者直斗杓所指以建時節故曰攝提格

集解晉灼曰如鼎之句曲

案隱元命包云攝提之爲言提携也言能提斗携角以接於下也正義攝提六星夾大角大臣之象恒直斗杓

所指紀八節察萬事者也占色溫溫不明而大者人君吉客星入之主人受制也亢爲疏廟主

疾

案隱元命包云亢四星爲廟廷文耀鉤爲疏廟宋均以爲疏外也廟或爲朝也正義聽政之所也其占明

大則輔臣忠天下其南北兩大星曰南門正義南門二星在庫樓南

寧不然則反是也天之外門占明則氏羌貢暗則氏爲天根主疫案隱星

諸夷叛客星守之外兵且至也四星爲路寢聽朝所居其占明大則臣下奉度春秋合誠圖云氏爲宿宮也爾雅云天根氏也孫炎以爲角亢

下繫於氏若木之有根宋均云疫疾也三月榆莢落故
主疾疫也然此時物雖生而日宿在奎行毒氣故有疫
疾也正義氏房心三宿爲尾爲九子曰君臣斥絕不和
火於辰在卯宋之分野

索隱

宋均云屬後宮場故得兼子子必九者取尾有九
星也元命包云尾九星箕四星爲後宮之場也正義尾

箕尾爲析木之津於辰在寅燕之分野尾九星爲後宮
亦爲九子星近心第一星爲后次三星妃次三星嬪末

二星妾占均明大小相承則後宮敘而多子不然則不
金火守之後宮兵起若明暗不常妃嬪乖亂妾媵失序

箕爲敖客曰口舌

索隱

宋均云敖調弄也箕以數揚調
弄爲象箕又受物有去去來來客之

象也詩云維南有箕載翕其舌又詩緯云箕爲天口主
出氣是箕有舌象讒言故詩曰哆兮侈兮成是南箕謂

爲敖客行諂諂也

正義

敖音傲箕主八風亦后妃之府
也移徙入河國人相食金火入守天下亂月宿其野爲

起風火犯守角則有戰房心王者惡之也

索隱

韋昭曰火
熒惑正義熒惑

犯守箕尾氏星自生芒角則有戰陣之事若熒
惑守房心及房心自生芒角則王者惡之也

南宮朱鳥

索隱文耀鉤云南宮赤帝其精爲朱鳥也

味

權衡

集解孟康曰軒轅爲權太微爲衡

玉藻權四星

明則警急動搖芒角亦如之衡太微之庭也

衡太微三光之廷

索隱宋均曰太微天帝南

宮也三光日月五星也

匡衛十二星藩臣

索隱春秋合誠圖曰太微主法式陳星十二以

備武患也

正義太微宮垣十星在翼軫地天子之宮庭

五帝之坐十二諸侯之府也其外藩九卿也南藩中二

星間爲端門次東第一星爲左執法廷尉之象第二星

爲上相第三星爲次相第四星爲次將第五星爲上將

端門西第一星爲右執法御史大夫之象也第二星爲

上將第三星爲次將第四星爲次相第五星爲上相其

東垣北左執法上相兩星間名曰左掖門上將兩星間

名曰東華門上相次相上將次將間名曰太陽門其西

垣右執法上相間名曰右掖門上將間名曰西華門次

將次相間名曰中華門次相兩星間名曰太陰門各依

其名是其職也占與紫宮垣同也

西將東相南四星執法中端門門左

右掖門門內六星諸侯

正義內五諸侯五星列在帝庭其星並欲光明潤澤若枯燥則

各於其處受其災變大至誅戮小至流亡若動搖則擅命以干主者審其分以占之則無惑也又云五諸侯五星在東井東北近北河主刺舉戒不虞又曰理陰陽察得失一曰帝師二曰帝友三曰三公四曰博士五曰太史此五者爲天子定疑議也占明大潤澤大小齊等則國之福不然則上下相猜忠臣不用

星五帝坐

索隱詩含神霧云五精星坐其東蒼帝坐神名靈威仰精爲青龍之類也

正義黃帝坐一

星在太微宮中含樞紐之神四星夾黃帝坐蒼帝東方靈威仰之神赤帝南方赤熛怒之神白帝西方白招矩之神黑帝北方叶光紀之神五帝並設神靈集謀者也占五座明而光則天子得天地之心不然則失位金火來守入太微若順入軌道司其出之所守則爲天子所誅也其逆入若不軌道以所犯命之中坐成形羣下從也

後聚一十五星蔚然

集解徐廣曰

曰郎位

索隱漢書

哀烏蔚然皆星之貌狀其星昭然所以象郎位也

正義郎位十五星在太微中帝坐東北周之元士漢之光祿

中散諫議此三署郎中是今之尚書
郎占欲其大小均耀光潤有之吉也
傍一大星將位也

索隱宋均云爲羣郎之將帥也
正義將子象反郎將一
星在郎位東北所以爲武備今之左右中郎將占大而

明角將恣
不可當也
月五星順入軌道
索隱韋昭云謂循軌道不
邪逆也順入從西入也

義謂月五星順入
軌道入太微庭也
司其出所守天子所誅也
索隱宋均

月五星所守列宿若請官屬不去
十日者於是天子命使誅之也
其逆入若不軌道以

所犯命之中坐成形皆羣下從謀也
集解晉灼曰中坐

福之形見也
索隱宋均云逆入從東入不軌道不由康
衢而入也以其所犯命者亦謂隨所犯之位天子必命

誅討其人也
正義命名也謂月五星逆入不依軌道司
察其所犯太微中帝坐帝坐必成其刑戮皆是羣下相

從而謀
上也
金火尤甚
索隱素火主銷物而金爲兵故尤急
則水土木爲小變也
正義若金火逆

入不軌道犯帝坐尤
甚於月及水土木也
廷藩西有隋星五曰少微士大夫

乾隆四年校刊
史記卷二十七
天官書

隋音他果反索隱宋均云南北爲隋隋謂垂下也春秋合誠圖云少微處士位又天官占云一名處士星也

義廷太微廷藩衛也少微四星在太微南北列第一星處士也第二星議士也第三星博士也第四星大夫也占以明大黃潤則賢士舉不明反是月五星犯守處士憂宰相易也

前大星女主象旁小星御者後宮屬

集解孟康曰形如騰龍索隱援神契

曰軒轅十二星后宮所居石氏星讚以軒轅龍體主后妃也正義軒轅十七星在七星北黃龍之體主雷雨之神

後宮之象也陰陽交感雷激爲電和爲雨怒爲風亂爲霧凝爲霜散爲露聚爲雲氣立爲虹蜺離爲背瑋分爲抱珥二十四變皆軒轅主之其大星女主也次北一星夫人也次北一星妃也其次諸星皆次妃之屬女主南一小星女御也左一星少民后宗也右一星大民太后宗也占欲其小黃而明吉大明則爲後宮爭競移徙則國人流迸東西角大張而振后族敗水火金守軒轅女主惡也

月五星守犯者如衡

占

索隱宋均云責在后黨嬉讒賊興占此祥天子亦當誅之

東井爲水事

索隱元命包云東井

八星主其西曲星曰鉞正義東井八星鉞一星輿鬼五

水衡也皆秦之分野一大星黃道所經爲天之亭候主水衡事

法令所取平也王者用法平則井星明而端列鉞一星

附井之前主伺奢淫而斬之占不欲明明與井齊鉞北

或搖動則天子用鉞於大臣月宿井有風雨之變

北河正義南河三星北河三星分夾東井南北

北河北戒一曰陰門亦爲胡門兩戒間三光之常道也

占以南星不見則南道不通北亦如之動搖及火守中

國兵起也又云動則胡越正義關丘二星

爲變或連近臣以結之正義關梁之限知邪僞也

河六星知逆邪言關梁之限知邪僞也正義關書之府金

在河南天子之雙闕諸侯之兩觀亦象魏縣書之府金

火守之主兵正義輿鬼五星主祠事天目也主視明察姦謀

戰闕下也正義輿鬼五星主祠事天目也主視明察姦謀

者爲質正義輿鬼五星主祠事天目也主視明察姦謀

東北星主積馬東南星主積兵西南星主積布帛西北

星主積金玉隨其變占之中一星爲積尸一名質主喪

死祠祀占鬼星明大穀成不明百姓散質欲其習習不

乾隆四年校刊

明明則兵起大
臣誅下人死之
火守南北河兵起穀不登故德成衡觀

成潢

集解晉灼曰日月五星不軌道也
衡太微廷也觀占也潢五帝車舍

傷成鉞

集解晉灼曰賊

傷之占先成形於鉞案德成衡衡則能平物故有
德公平者先成形於潢也傷成鉞者傷敗也言王者敗德亦先
成形於鉞以言有敗亂則有鉞誅之形按文耀鉞則云
德成潢敗成鉞其意異也又此下文禍成
井誅成質皆是東井下義總列於此也
禍成井集解晉灼曰熒

曰東井主水事火入之一星居
其旁天子且以火敗故曰禍也
誅成質集解晉灼曰熒惑入與鬼天質

占曰大柳爲鳥注主木草案漢書天文志注作味
爾雅云鳥味謂之柳孫炎云

味朱鳥之口柳其星聚也以注爲柳星故土草木也
味丁救反一作注柳八星星七星張六星爲鶉火於

辰在午皆周之分野柳爲朱鳥味天之厨宰主尚
食和滋味占以順明爲吉金火守之國兵大起
七星

頸爲員官主急事

案宋均云頸朱鳥頸也員官嚙
喉也物在嚙喉終不久留故主急事

也正義七星爲頸一名天都主衣裳文繡主
急事以明爲吉暗爲凶金火守之國兵大起張素爲厨

主觴客

素隱素噤也爾雅云鳥張噤郭璞云鳥受食之
處也正義張六星六爲噤主天厨飲食賞賚觴

客占以明爲吉暗爲凶
金火守之國兵大起翼爲羽翮主遠客正義翼二十

長沙一星轄二星合軫七星皆爲鶉尾於辰在巳楚之
分野翼二十二星爲天樂府又主夷狄亦主遠客占明

大禮樂興四夷服徙則
天子舉兵以罰亂者軫爲車主風素隱宋均云軫四

爲左右轄車之象也軫與巽同位爲風車動行疾似之
也正義軫四星主冢宰輔臣又主車騎亦主風占明大

則車騎用太白守之天下學校散文儒失業兵戈大興
熒惑守之南方有不用命之國當發兵伐之辰星守之

徐泗有
戮者一其旁有一小星曰長沙正義長沙一星在軫中

也孫昌星星不欲明明與四星等若五星入軫星中兵大

起

素隱宋均云五星主行
使使動兵車亦動也軫南衆星曰天庫樓庫有五

車車星角若益衆及不具無處車馬

西宮咸池

案隱文耀鉤云西宮白帝其精白虎正義咸池三星在五車中天潢南魚鳥之所託也金

犯守之兵起火

曰天五潢五潢五帝車舍

案隱案元命包曰咸池主

守之有災也五穀其星五者各有所職咸池言穀生於水吐秀含實主秋成故一名五帝車舍言以車載穀而販也正義五車五星三柱九星在畢東北天子五兵車舍也西北大星曰天庫主太白秦也次東北曰天獄主辰燕趙也次東曰天倉主歲衛魯也次東南曰司空主鎮楚也次西南曰卿主熒惑魏也占五車均明柱皆見則倉庫實不見其國絕食兵且起五車三柱有變各以其國占之三柱出外兵出柱入兵入柱出一月米貴三倍期二年出三月貴十倍期三年柱出不與天倉相近軍出米貴轉粟千里柱倒立尤甚火入天下旱金入兵水入水也

火入旱金兵水水中有三柱柱不具兵起

案隱謂火金水入五潢則

各致此災也宋均云不言木土者木土德星於此不爲害也

奎曰封豕爲溝瀆

正義奎苦

圭反十六星婁三星爲降婁於辰在戌魯之分野奎天之府庫一曰天豕亦曰封豕主溝瀆西南大星所謂天豕目占以明爲吉星不欲團團無常常有白衣稱命於山谷者五命之咎亦不欲開闢無常常有白衣稱命於山谷者五星犯奎人主爽德權臣擅命不可禁者王者宗祀不潔則奎動搖若饑饉有光則近臣謀上之應亦庶人饑饉之厄大白守奎胡貊之憂可以伐之熒惑星守之則有水之憂連以三年填星歲星守之中國之利外國不利可以與師動衆斬斷無道

婁爲聚衆

正義婁三星爲苑牧養犧牲以共祭祀亦曰聚衆占動搖則衆

兵聚金火守

胃爲天倉

正義胃三星昴七星畢八星爲大梁於辰在酉趙之分野謂主

倉廩五穀之府也占明則天下和平五穀豐稔不然反是

其南衆星曰膚積

集解如淳曰芻

藁積爲膚也正義芻藁六星在天苑西主積藁草者不見則牛馬暴死火守災起也

昴曰髦頭胡

星也爲白衣會

正義昴七星爲髦頭胡星亦爲獄事明天下獄訟平暗爲刑罰濫六星明與大

星等大水且至其兵大起搖動若跳躍者胡兵大起一星不見皆兵之憂也

畢曰罕車爲邊

兵主弋獵

索隱爾雅云濁謂之畢也孫炎爲掩兔之畢或呼爲濁因以名星也

爲邊兵主弋獵其大星曰天高一曰邊將主四夷之尉也星明大天下安遠夷入貢失色邊亂畢動兵起月宿

則多雨毛萇云畢所謂掩兔也

其大星旁小星爲附耳附耳搖動有讒

亂臣在側

正義附耳一星屬畢大星之下次天高東南隅主爲人主聽得失伺僣過星明中國微邊

寇警移動則讒佞行入畢國起兵

昴畢間爲天街其陰陰國陽陽國

集解

孟康曰陰西南坤維河山已北國陽河山已南國

元命包云畢爲天階爾雅云大梁昴孫炎云畢昴之間日月五星出入要道若津梁

正義天街三星在畢昴間主國界也街南爲華夏之國街北爲夷狄之國土金守

胡兵入也參爲白虎

正義

星直者是爲衡石

集解孟康曰參三星者白虎宿中西直似稱衡

下有三星兌

曰罰爲斬艾事

集解孟康曰在參間上下大故曰銳晉灼曰三星少斜列無銳形

正義

作伐春秋運斗樞云參伐事主斬艾其外四星左右肩膀也小三星隅置

曰觜觶爲虎首主葆旅事

集解如淳曰關中俗謂桑榆孽生爲葆晉灼曰葆菜也野

生曰旅今之饑民采旅生也

索隱

姚氏案宋均云葆守

也旅猶軍旅也言佐參伐以斬除凶也

正義觜子思反

觶胡規反葆音保觜觶爲虎首主收斂葆旅事也

葆旅野生之可食者占金木來守國易政災起也其南

有四星曰天廁

正義天廁四星在屏東主瀾也占色黃吉青與白皆凶不見則人寢疾

廁

下一星曰天矢矢黃則吉青白黑凶

正義天矢一星在廁南占與天廁同

其西有句曲

正義句曲音鉤

九星三處羅一曰天旗

正義參旗九星在參

西天旗也指麾遠近以從命者王者斬伐當理則天旗曲直理順不然則兵動於外可以憂之若明而稀則邊

寇將動不然則不

二曰天苑

正義天苑十六星如環狀在畢南天子養禽獸之所稀暗則多死亡

三曰九旂

集解徐廣曰音流

正義九旂九星在玉井西南天子之兵旗所以導軍進退亦領州列邦

並不欲搖動搖動則九州分散人民失業其東有大星
信命亦不通於中國憂金火守之亂起也

曰狼狼角變色多盜賊

正義狼一星參東南狼爲野將主侵掠占非其處則人相食色

黃白而明吉赤角兵起金火守亦如之

下有四星曰弧直狼

正義弧九星在狼東南天

之弓也以伐叛懷遠又主備賊盜知姦邪者弧矢向狼動移多盜明大變色亦如之矢不直狼多盜引滿則天

下盡兵也

狼比地有大星曰南極老人老人見治安不見兵

起常以秋分時候之于南郊附耳入畢中兵起

集解晉灼曰比

地近地也

正義老人一星在弧南一曰南極爲人主壽命延長之應常以秋分之曙見於景春分之夕見於丁

見則國長命故謂之壽昌天下安寧不見人主憂也

北宮玄武

義文耀鉤云北宮黑帝其精玄武爾雅云玄枵虛也又云北陸虛也解者以陸爲道孫

炎曰陸中也北方之宿中也斗六星牽牛六星並北宮玄武之宿

正義南

虛危

正義虛二星危三星爲玄

枵於辰在子齊之分野虛主死喪哭泣事又爲邑居廟堂祭祀禱祝之事亦天之冢宰主平理天下覆藏萬物占動則有死喪哭泣之應火守則天子將兵水守則人饑饉金守臣下兵起危爲宗廟祀事主天府天市架屋占動則有土功火守天下兵水守下謀上也

危爲蓋屋

索隱宋均云危上一星高旁兩星隋下似

乎蓋屋也正義蓋屋二星在危南主天子所居宮室之官也占金火守入國兵起索隱尤甚危爲架屋蓋屋自

有星恐虛爲哭泣之事索隱姚氏案荊州占以爲其宿文誤也

欲明明則其南有衆星曰羽林天軍正義羽林四十五星三三而聚散在

有大喪也正義其南有衆星曰羽林天軍正義羽林天軍

壘壁南天軍也亦天宿衛主兵革軍西爲壘或曰鉞正義不見天下亂金火水入軍起也

壘壁陳十三星橫列在營室南天軍之垣壘占五星入皆兵起將軍死也旁有一大星爲北

落北落若微亡軍星動角益希及五星犯北落入軍軍起火金水尤甚火軍憂水患木土軍吉

集解駱案漢書音義曰木星土

星入北落則吉也。**正義**北落師門一星在羽林西南天

軍之門也。長安城北落門以象此也。主非常以候兵占

明則軍安微弱則兵起。金火危東六星兩兩相比曰司

守有兵爲虜犯塞土木則吉。空**正義**比音鼻比近也。危東兩兩相比者是司命等星

也。司空唯一星耳。又不危東恐命字誤爲空也。司

命二星在虛北主喪送司祿二星在司命北主官司危

二星在司祿北主危亡司非二星在危北主憊過皆冥

司之職占大爲君憂常則吉也。營室爲清廟曰離宮閣道。**索隱**元命包

挺陶精類始立紀綱包物爲室又爾雅云營室謂之定

郭璞云定正也。天下作宮室皆以營室中爲正也。荊州

占云閣道王良旗也有六星。漢中四星曰天駟。**索隱**元命包云漢中

也。旁一星曰王良王良策馬車騎滿野。**索隱**春秋合誠

馬也。**正義**王良五星在奎北河中天子奉御官也。其動

策馬則兵騎滿野。客星守之則津橋不通。金火守入皆

兵之憂也。策一星在王良前主天子僕也。占以動搖移

易在王良前或居馬後則爲策馬策馬而兵動也。按豫

章周騰字叔達南昌人爲侍御史桓帝當南郊平明應出騰仰觀曰夫王者象星今宮中星及策馬星悉不動上明日必不出至四更皇太子卒遂止也

旁有八星絕漢曰天潢天潢旁江

星江星動人涉水

索隱元命包曰潢主河渠所以度神通四方宋均云天潢天津也津湊也

主計度也正義天江四星在尾北主太陰也

不欲明明而動水暴出其星明大水不禁也

在危南

正義杵曰三星在丈人星旁主軍糧占正下面曰吉與白不相當軍糧絕也白星在南主春其

占覆則歲大饑仰則大熟也

匏瓜有青黑星守之魚鹽貴

索隱荆州占云匏瓜

一名天雞在河鼓東匏瓜明則歲大熟也正義匏音白包反匏瓜五星在離珠北天子果園占明大光潤歲熟不則包果之實不登客守魚鹽貴也

南斗爲廟

正義南斗六星在南也

其北建星建

星者旗也

正義建六星在斗北臨黃道天之都關也斗建之間七曜之道亦主旗輅占動搖則人勞

不然則不月暈蛟龍見牛馬疫月五星犯守大臣相謀爲關梁不通及大水也

牽牛爲犧牲

正義

牽牛爲犧牲亦爲關梁其北二星一曰卽路一曰聚火
又上一星主道路次二星主關梁次三星主南越占明
大關梁通不明不通天下牛
疫死移人漢中天下乃亂也 其北河鼓河鼓大星上將

左右左右將

索隱兩雅云河鼓謂之牽牛孫炎云河鼓之旗十二星在牽牛北故或名河鼓爲牽

牛也

正義

河鼓三星在牽牛北主軍鼓蓋天子三將軍

中央大星大將軍其南左星左將軍其北右星右將軍
所以備關梁而拒難也占明大光潤將軍吉動搖差戾
亂兵起直將有功曲則將失計也自昔傳牽牛織女七
月七日相 婺女 索隱兩雅云須女謂之務女或作婺字
見此星也 正義須女四星亦婺女天少府也南斗
牽牛須女皆爲星紀於辰在丑越之分野而斗牛爲吳
之分野也須女賤妾之稱婦職之卑者主布帛裁製嫁
娶占水守之萬物不成火守布帛貴
人多死土守有女喪金守兵起也 其北織女織女天

女孫也

集解徐廣曰孫一作名 索隱荊州占云織女一
名天文女子女也 正義織女三星在河北天紀

東天女也土果蘇絲帛珍寶占王者至孝於神明則三
星俱明不然則暗而徵天下女工廢明則理大星怒而

角布帛踊貴不見則兵起晉書天文志云晉太史令陳卓總甘石巫咸三家所著星圖大凡二百八十三宮一千四百六十四星以爲定紀今略其昭昭者以備天官云

察日月之行以揆歲星順逆

素隱姚氏案天官占云歲星一日應星一日經星一

日紀星物理論云歲行一次謂之歲星則十二歲而星一周天也正義晉灼云太歲在四仲則歲行三宿太歲在四孟四季則歲行二宿二十八宿二十八宿三宿而四十二宿而二十八宿十二歲而周天

曰東方木主春

日甲乙義失者罰出歲星

正義天官云歲星者東方木之精蒼帝之象也其色明而

丙黃天下安寧夫歲星欲春不動動則農廢歲星羸縮以其舍命國所在之國不可伐可以罰人失次則民多病見則喜其所居國人主有福不可以搖動人主怒無光仁道失歲星順行仁德加也歲星農官主五穀天文志云春日甲乙四時春也五常仁五事貌也人主仁虧貌失逆時令傷木氣則罰見歲星

歲星羸縮

以其舍命國所在國不可伐可以罰人

素隱案天文志曰凡五星早出

為贏贏為客晚出為縮縮為主人五星贏縮必有天應見杓也正義舍所止宿也命名也其趨舍而

前曰贏

索隱趨音聚謂促也

退舍曰縮贏其國有兵不復縮其國

有憂將亡

正義將音子匠反

國傾敗其所在五星皆從而聚於

一舍其下之國可以義致天下

索隱漢高帝元年五星皆聚東井天文志云其

年歲星在東井故四星從而聚也

以攝提格歲

索隱太歲在寅歲星正

在寅為攝提格李巡云言萬物承陽起故曰攝提格格起也

歲陰左行在寅歲星右

轉居丑正月與斗牽牛晨出東方名曰監德

索隱歲星在寅正月

晨見東方之名已下皆出石氏星經文云星在斗牽牛失次應見於杓也漢書天文志則載甘氏及太初星歷

所在之宿

色蒼蒼有光其失次有應見柳歲早水晚旱

歲星出東行十二度百日而止逆行逆行八度百日

復東行歲行三十度十六分度之七率日行十二分度

之一十二歲而周天出常東方以晨入於西方用昏單

闕歲

索隱在卯也歲星二月晨出東方爾雅云卯爲單闕李巡云陽氣推萬物而起故曰單闕單盡也闕

止也歲陰在卯星居子以二月與婺女虛危晨出曰降入

索隱即歲星二月晨見東方之名其餘準此大有光其次有應見張名曰

降入其歲大水執徐歲

索隱爾雅辰爲執徐李巡云伏

執蠶也徐舒也

歲陰在辰星居亥以三月居與營室東壁晨出

曰青章青青甚章其失次有應見軫曰青章歲早早晚

水大荒駱歲

索隱爾雅云在巳爲大荒駱姚氏云言萬物皆熾盛而大出霍然落落故曰荒駱也

歲陰在巳星居戌以四月與奎婁胃昴晨出曰躡踵

徐廣曰一曰路嶂索隱天文志作路腫字詁云腫今作腫也正義駢白邊反腫之勇反 熊熊赤色

有光其失次有應見亢敦牂歲索隱爾雅云在午爲敦牂孫炎云敦盛也牂壯

也言萬物盛壯章昭云敦音頓 歲陰在午星居酉以五月與胃昴畢晨

出曰開明集解徐廣曰一曰天津索隱天文志作啓明 炎炎有光正義炎鹽驗反 偃

兵唯利公王不利治兵其失次有應見房歲早早晚水

叶洽歲索隱爾雅云在未爲叶洽李巡云陽氣欲化萬物故曰協洽協和也洽合也 歲陰在

未星居申以六月與觜觿正義觜子斯反觿胡規反 參晨出曰長列

昭昭有光利行兵其失次有應見箕涖灘歲索隱爾雅云在申爲

涖灘李巡云沿灘物吐秀傾垂之貌涖他昆反灘他丹反 歲陰在申星居未以七月

與東井輿鬼晨出曰天音昭昭白其失次有應見牽牛

作鄂歲

索隱

爾雅在酉爲作鄂李巡云作鄂皆物芒枝起之貌鄂音愕案下文云作作有芒則李巡解

亦近天文志作諳音而恪反與史記及爾雅並異

歲陰在酉星居午以八月與

柳七星張晨出曰爲長王作作有芒國其昌熟穀其失

次有應見危曰大章有旱而昌有女喪民疾闔茂歲

索隱

爾雅云在戌曰闔茂孫炎云萬物皆蔽冒故曰闔茂闔蔽也茂冒也天文志作掩茂

歲陰在戌星

居巳以九月與翼軫晨出曰天睢

索隱

劉氏音呼唯反白色大明

其失次有應見東壁歲水女喪大淵獻歲

索隱爾雅云在亥爲大淵

獻孫炎云淵深也大獻萬物於深謂蓋戴之於外也

歲陰在亥星居辰以十月與

角亢晨出曰大章

集解

徐廣曰一曰天皇索隱天文志亦作天皇

蒼蒼然星若

躍而陰出曰是謂正平起師旅其率必武其國有德將

有四海其失次有應見婁困敦歲

索隱爾雅在子爲困敦孫炎云困敦混沌

也言萬物初萌混沌於黃泉之下

歲陰在子星居卯以十一月與氏房

心晨出曰天泉玄色甚明江池其昌不利起兵其失次

有應在昴赤奮若歲

索隱爾雅云在丑爲赤奮若李巡云言陽氣奮迅若順也

歲陰

在丑星居寅以十二月與尾箕晨出曰天皓

索隱音昊漢志亦作

昊黓然黑色甚明

索隱黓音烏開反

其失次有應見參當居不

居居之又左右搖未當去去之與他星會其國凶所居

久國有德厚其角動乍小乍大若色數變人主有憂其

失次舍以下進而東北三月生天棊長四尺末兌

索隱天文

志此皆甘氏星經文而志又兼載石氏此皆不取石氏名申甘氏名德
義棊音蒲講反歲星之棊散而爲天

槍天梃天衝天獵國皇天攬及登天荆真若天掇天垣
蒼彗皆以應凶災也天梃者一名覺星本類星末銳長
四丈出東北方西方
其出則天下兵爭也進而東南三月生彗星長二丈類

彗

正義天彗者一名掃星本類星末類彗小者數寸長
長或竟天而體無光假日之光故夕見則東指晨見

則西指若日南北皆隨日光而指光芒所及爲
災變見則兵起除舊布新彗所指之處弱也退而西

北三月生天攬長四丈未兌

集解韋昭曰攬音參差之
參正義攬楚咸反天攬者

在西南長四丈銳京房云天攬爲兵赤地
千里枯骨籍籍天文志云天攬主兵亂也退而西南三

月生天槍長數丈兩頭兌

正義槍楚行反天槍者長數
丈兩頭銳出西南方其見不

過三月必有破國亂君伏死其辜天文志云孝文時天
槍夕出西南占曰爲兵喪亂其六年十一月匈奴入上
郡雲中漢起兵
以衛京師也謹視其所見之國不可舉事用兵其出

如浮如沈其國有土功如沈如浮其野亡色赤而有角

其所居國昌迎

集解徐廣曰迎一作御

角而戰者不勝星色赤黃

而沈所居野大穰

正義穰人羊反豐熟也

色青白而赤灰所居野

有憂歲星入月其野有逐相與太白鬪

集解韋昭曰星相擊爲鬪

其

野有破軍歲星一曰攝提曰重華曰應星曰紀星營室

爲清廟歲星廟也

察剛氣以處熒惑

集解徐廣曰剛一作罰案姚氏引廣雅熒惑謂之執法天官占云熒

惑方伯象司察妖孽則徐云察罰氣爲是春秋緯文耀鉤云赤帝燦怒之神爲熒惑位南方禮失則罰出晉灼

云常以十月入太微受制而出行列宿司無道出入無常也

曰南方火主夏日丙丁

禮失罰出熒惑熒惑失行是也出則有兵入則兵散以

其舍命國熒惑熒惑爲勃亂殘賊疾喪饑兵

集解徐廣曰以下云

熒惑爲理外則理兵內則理政正義天官占云熒惑爲
執法之星其行無常以其舍命國爲殘賊爲疾爲喪爲
饑爲兵環繞勾曲芒角動搖乍前乍後其殃逾甚熒惑
主死喪大鴻臚之象主甲兵大司馬之義伺驕奢亂孽
執法官也其精爲風伯惑童兒歌謠嬉戲也反道二舍以上居之三月有殃

五月受兵七月半亡地九月太半亡地因與俱出入國

絕祀居之殃還至雖大當小

案隱案還音旋旋疾也若熒惑反道居其舍所致殃

禍速疾則

久而至當小反大

案隱久謂行遲也如此其禍小反大言久腊毒也

南爲丈夫北爲女子喪

案隱宋均云熒惑守輿鬼南爲丈夫受其咎北則女子受其凶

也若角動繞環之及乍前乍後左右殃益大與他星關

凡五星關皆爲戰鬪兵不在外則爲內亂關謂光芒相及

光相逮爲害不相逮不

害五星皆從而聚于一舍其下國可以禮致天下

正義三星

若合是謂驚立絕行其國外內有兵與喪人民饑乏改
立侯王四星若合是爲太陽其國兵喪暴起君子憂小
人流五星若合是謂易行有德者受慶
奄有四方無德者受殃乃以死亡也 法出東行十六

舍而止逆行二舍六旬復東行自所止數十舍十月而

入西方伏

集解晉灼曰伏不見

行五月出東方其出西方曰反明

主命者惡之東行急一日行一度半其行東西南北疾
也兵各聚其下用戰順之勝逆之敗熒惑從太白軍憂
離之軍却出太白陰有分軍行其陽有偏將戰當其行

太白逮之破軍殺將

家隱宋均云太白宿主軍來衝拒也

其入守犯太微

集解孟康曰犯七寸已內光芒相及也

韋昭曰自下觸之曰犯居其宿曰守 軒轅營室主命

惡之心爲明堂熒惑廟也謹候此

歷斗之會以定填星之位

索隱晉灼曰常以甲辰之元始建斗歲行一宿二十八歲

而周天廣雅曰填星一名地侯文耀鉤曰填黃帝含樞紐之精其體旋璣中宿之分也

曰中央土

主季夏日戊己黃帝主德女主象也歲填一宿其所居

國吉未當居而居若已去而復還還居之其國得土不

乃得女若當居而不居既已居之又西東去其國失土

不乃失女不可舉事用兵其居久其國福厚易福薄

集解

徐廣曰易猶輕速也

其一名曰地侯主歲歲行十二度百十二分

度之五日行二十八分度之一二十八歲周天其所居

五星皆從而聚于一舍其下之國可重致天下

正義重音逐隴

反言五星皆從填星其下之國倚重而致天下以填主木土故也

禮德義殺刑盡失而

填星乃爲之動搖羸爲王不寧其縮有軍不復填星其

色黃光芒音曰黃鐘宮其失次上二三宿曰羸有主命

不成不乃大水失次下二三宿曰縮有后戚其歲不復

不乃天裂若地動斗爲文太室填星廟天子之星也木

星與土合爲內亂饑主勿用戰敗水則變謀而更事火

爲旱金爲白衣會

正義星經云凡五星木與土合爲內亂饑與水合爲變謀更事與火合爲

饑爲旱與金合爲白衣會也

若木金在南曰牝牡年穀熟金在北歲

偏無

案隱晉灼曰歲陽也太白陰也故曰牝牡正義星經云金在南木在北名曰牝牡年穀大熟金在北

木在南其年或有或無

火與水合爲焯與金合爲鑠爲喪皆不可

舉事用兵大敗土爲憂主孽卿

集解晉灼曰火入水故曰焯案謂火與水

俱從填星合也。**正義** 焯忽內反星經凡五星火與水合為焯用兵舉事大敗與金合為鑠為喪不可舉事用兵從軍為憂離之軍却與土合為憂主孽卿與木合饑戰敗也。**索隱** 文耀鉤云水土合則成鑪冶鑪冶成則火興火興則土之子焯金成銷鑠金鑠則土無子無子輔父則益妖孽故子憂也。大饑戰敗為北

軍

正義 為北軍北也凡軍敗曰北

軍困舉事大敗土與水合穰而擁闕

正義 擁於拱反闕烏葛反

有覆軍

集解 徐廣曰或云木火土三星若合是謂驚立絕行

其國不

可舉事出亡地入得地金為疾為內兵亡地三星若合

其宿地國外內有兵與喪改立公王四星合兵喪並起

君子憂小人流五星合是謂易行有德受慶改立大人

奄有四方子孫蕃昌無德受殃若亡五星皆大其事亦

大皆小事亦小蚤出者為羸羸者為客晚出者為縮縮

者爲主人必有天應見於杓星同舍爲合相凌爲鬪

孟康曰凌相冒占過也韋昭曰突掩爲凌七寸以內必之矣索隱韋昭云必有禍也五

星色白圓爲喪早赤圓則中不平爲兵青圓爲憂水黑

圓爲疾多死黃圓則吉赤角犯我城黃角地之爭白角

哭泣之聲青角有兵憂黑角則水意集解徐廣曰一作志行窮兵

之所終五星同色天下偃兵百姓寧昌春風秋雨冬寒

夏暑動搖常以此填星出百二十日而逆西行西行百

二十日反東行見三百三十日而入入三十日復出東

方太歲在甲寅鎮星在東壁故在營室

察日行以處位太白索隱太白辰出東方曰啓明故察日行以處太白之位韓詩云太白

晨出東方爲啓明昏見西方爲長庚又孫炎注爾雅亦以爲晨出東方高三丈命曰啓明昏見西方高三舍命曰太白正義晉灼云常以正月甲寅與熒惑晨出東方二百四十日而入又出西方二百四十日而入入三十日而復出東方出以寅戌入以丑未天官占云太白者西方金之精白帝之子上公大將軍之象也一名殷星一名大正一名熒星一名官星一名梁星一名滅星一名大囂一名大衰一名大爽徑一百里天文志云其日庚辛四時秋也五常義也五事言也人主義虧言失逆時令傷金氣罰見太白春見東方以晨秋見西方以夕正義太白五芒出早爲也曰西方秋司兵月行及天矢正義太白五芒出早爲

精散爲天杵天榑伏靈大敗司姦天狗賊星天殘卒起星是古曆星若竹筴牆星掾星白藎皆以示變也

庚辛主殺殺失者罰出太白太白失行以其舍命國其

出行十八舍二百四十日而入入東方伏行十一舍百

三十日其入西方伏行三舍十六日而出當出不出當

入不入是謂失舍不有破軍必有國君之篡其紀上元

正義其紀上元是星古以攝提格之歲與營室晨出東

方至角而入與營室夕出西方至角而入與角晨出入

畢與角夕出入畢與畢晨出入箕與畢夕出入箕與箕

晨出入柳與箕夕出入柳與柳晨出入營室與柳夕出

入營室凡出入東西各五爲八歲二百二十日

云三十復與營室晨出東方其大率歲一周天

古歷之名言用上元紀歷法則攝提歲而太白與營室

晨出東方至角而入與營室夕出西方至角而入凡出

入東西各五爲八歲二百三十日復其始出東方行遲
與營室晨出東方太率歲一周天也
率日半度一百二十日必逆行一二舍上極而反東行

行日一度半一百二十日入其庫近日曰明星柔高遠

日曰大囂

徐廣曰囂一作變

剛其始出西行疾率日一度半

百二十日上極而行遲日半度百二十日旦入必逆行

一二舍而入其庫近日曰太白柔高遠日曰大相剛出

以辰戌入以丑未當出不出未當入而入天下偃兵兵

在外入未當出而出當入而不入下起兵有破國其當

期出也其國昌其出東爲東入東爲北方出西爲西入

西爲南方所居久其鄉利疾

蘇林曰疾過也

其鄉凶出西逆

行至東正西國吉出東至西正東國吉其出不經天經

天天下革政

孟康曰謂出東入西出西入東也太白陰星出東當伏東出西當伏西過午爲

經天又晉灼曰日陽也日出則星沒太白晝見午上爲經天也 小以角動兵起始出大

後小兵弱出小後大兵強出高用兵深吉淺凶庫淺吉

深凶日方南金居其南日方北金居其北曰贏

鄭元云方

猶向也謂晝漏半而置土圭表陰陽審其南北也影短於土圭謂之日南是也是地於日爲近南也長於土圭謂之日北是地於日爲近北也凡日影於地千里而差一寸周禮云日南則影短多暑日北則影長多寒孟康云會謂太白也 侯王不寧用兵進吉退凶日方南金居影日中之影也

其北日方北金居其南曰縮侯王有憂用兵退吉進凶用兵象太白太白行疾疾行遲遲行角敢戰動搖躁躁國以靜靜順角所指吉反之皆凶出則出兵入則入兵赤角有戰白角有喪黑圓角憂有水事青圓小角憂有

木事黃圜和角有土事有年

正義太白星圓天下和平若若角有土事有年謂豐

也

其已出三日而復有微入入三日乃復盛出是謂奕

集解晉灼曰奕退之不進索隱奕音奴亂反

其下國有軍敗將北其已入三

日又復微出出三日而復盛入其下國有憂師有糧食

兵革遣人用之

正義遺唯季反

卒雖衆將爲人虜其出西失行

外國敗其出東失行中國敗其色大圜黃渾音澤可爲好

事其圜大赤兵盛不戰太白白比狼赤比心黃比參左

肩蒼比參右肩黑比奎大星

正義比卑耳反下同比類也晉書天文志云凡五星

有色大小不同各依其行而應時節色變有類凡青比參左肩赤比心大星黃比參右肩白比狼星黑比奎大

星不失本色而應其四時者吉色害其行凶也參色林反下同五星皆從太白而聚乎

一舍其下之國可以兵從天下

正義晉書天文志云凡五星所出所行所直之

辰其國爲得位者歲星以德熒惑爲禮鎮星有福太白兵強辰陰陽和所行所直之辰順其色而角者勝其色害者敗居實有得居虛無得也

居實有得也居虛無得

也

索隱實謂星所合居之宿虛謂羸縮也

行勝色

集解晉灼曰太白行得度者勝色也正義勝音

升剌反下同

色勝位有位勝無位有色勝無色行得盡勝之

集解晉灼曰行應天度唯有色得位行盡勝之行重而色位輕星經得字作德

出而留桑榆間

集解晉灼曰行遲而下也凡望雲氣平望在桑榆上者餘二千里

疾其下國

正義疾漢書作病也

上而疾未盡其日過參天

集解晉灼曰三分天過其一此在戌酉之間

疾其

對國

集解孟康曰謂出東入西出西入東

上復下下復上有反將其入月

將僂金木星合光其下戰不合兵雖起而不鬪合相毀

野有破軍出西方昏而出陰陰兵彊暮食出小弱夜半
出中弱雞鳴出大弱是謂陰陷於陽其在東方乘明而
出陽陽兵之彊雞鳴出小弱夜半出中弱昏出大弱是
謂陽陷於陰太白伏也以出兵兵有殃其出卯南南勝
北方出卯北北勝南方正在卯東國利出酉西北北勝南
方出酉西南南勝北方正在酉西國勝其與列星相犯小
戰五星大戰其相犯太白出其南南國敗出其北北國
敗行疾武不行文色白五芒出蚤爲月蝕晚爲天矢及
彗星將發其國出東爲德舉事左之迎之吉出西爲刑
舉事右之背之吉反之皆凶太白光見景戰勝晝見而

經天是謂爭明疆國弱小國疆女主昌亢爲疏廟太白廟也太白大臣也其號上公其他名殷星太正營星觀星宮星明星大衰大澤終星大相天浩序星月緯大司馬位謹候此

察日辰之會以治辰星之位

索隱卽正四時以治辰星之位也皇甫謐曰辰星一

名彗星或曰鈞星元命包曰北方辰星木生物布其紀故辰星理四時宋均曰辰星正四時之法得與北辰同名也正義晉灼曰常以二月春分見奎婁五月夏至見東井八月秋分見角亢十一月冬至見牽牛出以辰戌入以丑未二旬而入晨候之東方夕候之西方也曰北方水太陰之精主冬日

壬癸刑失者罰出辰星

正義天官占云辰星北水之精黑帝之子宰相之祥也一名細

極一名鈞星一名彗星一名伺祠徑一百里亦偏將廷尉象也天文志云其日壬癸四時冬也五常智也五事

聽也人主智虧聽失逆時
令傷木氣則罰見辰星也

以其宿命國是正四時仲春

春分夕出郊奎婁胃東五舍爲齊仲夏夏至夕出郊東
井輿鬼柳東七舍爲楚仲秋秋分夕出郊角亢氐房東
四舍爲漢仲冬冬至晨出郊東方與尾箕斗牽牛俱西

爲中國其出入常以辰戌丑未其蚤爲月蝕晚爲彗星

及天矢

集解孟康曰辰星月相凌不見者則所蝕也
隱宋均云星辰與月同精月爲大臣先期而出

是躁也失則當誅故月蝕者所以爲災祥也辰星陰也
彗亦陰陰謀未成故晚出也張晏曰彗所以除舊布新

其時宜效不效爲失

正義效見也言宜見
不見爲失罰之也

追兵在外不

戰一時不出其時不和四時不出天下大饑其當效而
出也色白爲旱黃爲五穀熟赤爲兵黑爲水出東方大

而白有兵於外解常在東方其赤中國勝其西而赤外國利無兵於外而赤兵起其與太白俱出東方皆赤而角外國大敗中國勝其與太白俱出西方皆赤而角外國利五星分天之中積於東方中國利積於西方外國用者利五星皆從辰星而聚於一舍其所舍之國可以法致天下辰星不出太白爲客其出太白爲主出而與太白不相從野雖有軍不戰出東方太白出西方若出西方太白出東方爲格野雖有兵不戰

索隱謂辰星出西方辰水也太

白出東方太白金也水生金母子不相從故野有軍不戰今母子各出一方故爲格格謂不和同故野雖有兵不戰也

失其時而出爲當寒反溫當溫反寒當出不出是

謂擊卒兵大起其入太白中而上出破軍殺將客軍勝

下出客亡地辰星來抵太白太白不去將死正旗上出

破軍殺將客勝下出客亡地視旗所指以命破軍

索隱案旗

蓋太白芒角似旌旗正義旗星名有九星言辰星上則破軍殺將客勝也其繞環太白若與

鬪大戰客勝免過太白

索隱案廣雅云辰星謂之免星則辰星之別名免或作免也

間可滅劍

集解蘇林曰滅音函函容也其間可容一劍索隱案蘇所說則滅字本有函音故字從咸

也小戰客勝免居太白前軍罷出太白左小戰摩太白

有數萬人戰主人吏死出太白右去三尺軍急約戰青

角兵憂黑角水赤行窮兵之所終免七命曰小正辰星

天攬安周星細爽能星鈎星

索隱謂免星凡有七名命者名也小正一也辰星二

也天攬三也安周星四也細爽五也能星六也鈞星七也其色黃而小出而易處天

下之文變而不善矣免五色青圜憂白圜喪赤圜中不平黑圜吉赤角犯我城黃角地之爭白角號泣之聲其出東方行四舍四十八日其數二十日而反入於東方其出西方行四舍四十八日其數二十日而反入於西方其一候之營室角畢箕柳出房心間地動辰星之色春青黃夏赤白秋青白而歲熟冬黃而不明卽變其色其時不昌春不見大風秋則不實夏不見有六十日之旱月蝕秋不見有兵春則不生冬不見陰雨六十日有流邑夏則不長七星爲員官辰星廟蠻夷星也

角亢氏兗州房心豫州尾箕幽州斗江湖牽牛婺女揚

州虛危青州營室至東壁并州奎婁胃徐州昴畢冀州

觜觴參益州

正義括地志云漢武帝置十三州改梁州爲益州廣漢廣漢今益州咎縣是也分今

河內上黨雲中然按星經益州魏地畢觜參之分今河內上黨雲中是未詳也東井輿鬼雍州

柳七星張三河翼軫荊州

兩軍相當日暈

集解如淳曰暈讀曰運

暈等力鈞厚長大有勝薄

短小無勝重抱大破無抱爲和背不和爲分離相去直

爲自立立侯王指暈若曰殺將負且戴有喜圍在中中

勝在外外勝青外赤中以和相去赤外青中以惡相去

氣暈先至而後去居軍勝先至先去前利後病後至後

去前病後利後至先去前後皆病居軍不勝見而去其

發疾雖勝無功見半日以上功大白虹屈短

集解李奇曰屈或爲

尾也韋昭曰短而直上下兌有者下大流血日暈制勝近期三十

日遠期六十日其食食所不利復生生所利而食益盡
爲主位以其直及日所宿加以日時用命其國也

月行中道安寧和平陰間多水陰事外北三尺陰星北

三尺

案中道房室星之中間也房有四星若人之房三間有四表然故曰房南爲陽間北爲陰間則

中道房星之中間也故房是日月五星之常行道然黃道亦經房星若月行得中道故陰陽和平若行陰間多陰事陽間則人主驕恣若歷陰星陽星之南道太陰太陽之道則有大水若兵及大旱若喪也太陽亦在陽間之南各三尺也太陰大水兵陽間驕恣陽星多暴獄太陽大旱

喪也

索隱太陰太陽皆道也月

角天門十月爲四月十

一月爲五月十二月爲六月水發近三尺遠五尺

索隱謂月

行入角與天門若十月犯之當爲來

年四月成災十一月則主五月也

索隱

案謂月犯房星也四輔房四星也房以輔心故曰四輔也

行南北河以陰陽言旱水

兵喪

正義南河三星北河三星若月行北河以陰則水兵南河以陽則旱喪也

月蝕歲星其

宿地饑若亡熒惑也亂填星也下犯上太白也疆國以

戰敗辰星也女亂

正義孟康云凡星入月見月中爲星蝕月月掩星星滅爲月蝕星也

食

大角

集解徐廣曰一云食于大角

正義大主命者惡之

心則爲內賊亂也列星其宿地憂

索隱謂月蝕列星二十八宿當其分地有

憂憂謂兵及喪也

月食始日五月者六六月者五五月復六六

月者一而五月者凡五百一十三月而復始

索隱始日謂歷始起

之日也依此文計唯有一百二十一月與元數甚爲懸校既無太初歷術不可得而推定今以漢志三統歷法計則五月者七六月者一又五月者一六月者五五月者一凡一百三十五月而後始耳或術家各異或傳寫錯謬故此不同

無以明知也

故月蝕常也

日蝕爲不臧也

甲乙四海之外日月不占

集解晉灼曰海外遠甲乙日時不以占候

戊巳中州河濟也庚辛華山以西壬癸恒山以北日蝕

國君月蝕將相當之

國皇星

正義國皇星者大而赤類南極老人去地三丈如炬火見則內外有兵喪之難

大而赤

集解孟康曰歲星之精散所爲也五星之精散爲六十四變記不盡

狀類南極

集解徐廣曰南極老

人所出其下起兵兵彊其衝不利

昭明星

案春秋合誠圖云赤帝之精象如太白七芒釋名爲筆星氣有一枝末銳似筆亦曰日華

星也 大而白無角乍上乍下

集解孟康曰形如三足机机上九華上向熒惑之精

所出國起兵多變

五殘星

索隱孟康云星表有青氣如暈有毛填星之精也正義五殘一名五鋒出正東東方之分野狀

類辰星去地可六七丈見則五穀毀敗之徵大臣誅亡之象

出正東東方之野其星

狀類辰星去地可六丈大

集解徐廣曰大一作六

賊星

集解孟康曰形如彗九尺太白之精正義天賊星者一名六賊出正南南方之野星去地可六丈大

而赤數動有光出則禍合天下

出正南南方之野星去地可六丈大而

赤數動有光

司危星

集解孟康曰星大而尾兩角熒惑之精也正義司危者出正西西方分野也大如太白去地

可六丈見則以天子
不義失國而豪傑起
出正西西方之野星去地可六丈

大而白類太白

獄漢星

集解孟康曰青中赤表下有三星縱橫亦填星之精漢書天文志獄漢一名咸漢

出正

北北方之野星去地可六丈大而赤數動察之中青此
四野星所出出非其方其下有兵衝不利

四鎮星所出四隅去地可四丈

地維咸光

正義四鎮星出四隅去地可四丈地維咸光星亦出四隅去地可三丈若月始出所見下

有亂者亡有德者昌也亦出四隅去地可三丈若月始出所見下

有亂亂者亡有德者昌

燭星狀如太白

集解孟康曰星上有三星上出亦填星之精

其出也不行見

則滅所燭者城邑亂

如星非星如雲非雲命曰歸邪

集解李奇曰邪音蛇孟康曰星有兩赤彗上向

上有蓋狀如氣下連星

歸邪出必有歸國者

星者金之散氣本曰火

集解孟康曰星石也

星衆國吉少則凶

漢者亦金之散氣

集解案水生於金散氣即水氣河圖括地象曰河精爲天漢也

其本

曰水漢星多多水少則旱

集解孟康曰漢河漢也水生於金多少謂漢中星

其

大經也

天鼓有音如雷非雷音在地而下及地其所往者兵發

其下

天狗狀如大奔星

集解孟康曰星有尾旁有短彗下有如狗形者亦太白之精

有聲

其下止地類狗所墮及炎火

索隱炎音艷

望之如火光炎炎

衝天其下圓如數頃田處上兌者則有黃色千里破軍殺將

格澤星者

索隱格澤一音鶴鐸又音格澤格胡客反

如炎火之狀黃白起地

而上下大上兌其見也不種而穫不有土功必有大害

蚩尤之旗

集解通康曰炎惑之精也晉灼曰呂氏春秋曰其色黃上白下

類彗而後曲

象旗見則王者征伐四方

旬始出於北斗旁

集解徐廣曰蚩尤也旬一作營

狀如雄雞其怒青黑

象伏蠶

集解李奇曰怒當音帑音灼曰帑雖也或曰怒色青

枉矢類大流星虵行而倉黑望之如有毛羽然

長庚如一匹布著天

正義著音直略反

此星見兵起

星墜至地則石也

正義春秋云星墜如雨是也今吳郡西鄉見有落星石其石天下多有也

河濟之間時有墜星

天精而見景星景星者德星也其狀無常常出於有道

之國

集解孟康曰精明也有赤方氣與青方氣相連赤方中有兩黃星青方中一黃星凡三星合爲景星

索隱韋昭云精謂青剛漢書作曜亦作晔郭璞注三蒼云曜兩止無雲也正義景星狀如半月生於晦朔助月

爲明見則人君有德明聖之慶也

凡望雲氣

正義春秋元命包云陰陽聚爲雲氣也釋名云雲猶云衆盛也氣猶餽然也有聲卽無形也

也仰而望之三四百里平望在桑榆上餘二千里登高

而望之下屬地者二千里雲氣有獸居上者勝

正義勝音升刺

反雲雨氣相敵也兵書云雲或如雄雞臨城有城必降

自華以南氣下黑上赤嵩

高三河之郊氣正赤恒山之北氣下黑上青勃碣海岱

之間氣皆黑江淮之間氣皆白徒氣白土功氣黃車氣

乍高乍下往往而聚騎氣卑而布卒氣搏

集解如淳曰搏專也或曰

搏音徒端反

前卑而後高者疾前方而高後兌而卑者却其

氣平者其行徐前高而後卑者不止而反氣相遇者卑

勝高

案隱遇音偶漢書作馬

兌勝方氣來卑而循車通者

集解車通車轍

也避漢武諱故曰通

不過三四日去之五六里見氣來高七八尺

者不過五六日去之十餘二十餘里見氣來高丈餘二

丈者不過三四日去之五六十里見稍雲精白者其

將悍其士怯其大根而前絕遠者當戰青白其前低者
戰勝其前赤而仰者戰不勝

陣雲如立垣杼雲類杼軸

魏氏案兵書云營上雲氣如織勿與戰也

雲搏

兩端兌杓雲如繩者居前亘天

劉氏杓音時說文音丁了反許慎

淮南云杓引也

其半半天其螭者類闕旗故

反亦作蜺音同鉤

雲句曲

古義句音古侯反

諸此雲見以五色合占而澤搏

也

崔豹古今注云黃帝與蚩尤戰於涿鹿之野常有五色雲氣金枝玉葉止於帝上有花蓂之象故因作華蓋也

京房易飛候云視四方常有火雲五色見其下賢人隱也青雲潤蔽日在西北爲舉賢良也

其見動

人乃有占兵必起合鬪其直王朔所候決於日旁日旁

雲氣人主象

洛書云有雲象人青衣無手在日西天子之氣

皆如其形以占

故北夷之氣如羣畜穹閭

索隱鄒氏云一作弓閭天文志作弓字音穹蓋謂以壇爲

閭崇穹然而宋均云穹獸名亦異說也

南夷之氣類舟舩幡旗大水處敗

軍場破國之虛下有積錢

集解徐廣曰占作泉字

金寶之上皆有

氣不可不察海旁蜃氣象樓臺廣野氣成宮闕然雲氣

各象其山川人民所聚積

正義淮南子云土地各以類生人是故山氣多勇澤氣多

瘖風氣多聾林氣多蹇木氣多偃石氣多力險阻氣多壽谷氣多痺丘氣多狂廟氣多仁陵氣多貪輕土多利

足重土多遲清水音小濁水音大湍水人重中土多聖人皆象其氣皆應其類也

故候息耗者

入國邑視封疆田疇之正治

集解如淳曰蔡邕云麻田曰疇

城郭室屋

門戶之潤澤次至車服畜產精華實息者吉虛耗者凶

若煙非煙若雲非雲郁郁紛紛蕭索綸困是謂卿雲

正義

卿音慶

卿雲見喜氣也若霧非霧

霧音如字一音蒙又亡遺反爾雅云天氣

下地不應曰霧言蒙昧不明也

衣冠而不濡見則其域被甲而趨天雷

電蝦虹辟歷夜明者陽氣之動者也春夏則發秋冬則

藏故候者無不司之天開縣物

集解孟康曰謂天裂而見物象天開示縣象

地動坼絕

正義趙世家幽繆王遷五年代地動自樂徐以西北至平陰臺屋牆垣大半壞地坼東西

百三十步

山崩及徒川塞谿垓

集解徐廣曰土雍曰垓音服劉案孟康曰谿谷也垓崩也

蘇林曰垓流也

水澹澤竭地長見象城郭門閭閨臬枯橐宮廟

邸第人民所次謠俗車服觀民飲食五穀草木觀其所

屬倉府廩庫四通之路六畜禽獸所產去就魚鼈鳥鼠

觀其所處鬼哭若呼其人逢倍化言誠然

集隱倍迎也劉伯莊曰音

五故反逢倍謂相逢而驚也倍亦作迂音同化當爲訛字之誤耳

凡候歲美惡謹候歲始或冬至日產氣始萌臘明日人衆卒歲一會飲食發陽氣故曰初歲正月旦王者

歲首立春日四時之卒始也

索隱謂立春日是去年四時之終卒今年之始也

四始者候之日

正義謂正月旦歲之始時之始日之始月之始故云四始言以四時之日候歲

吉凶

而漢魏鮮

集解孟康曰人姓名作占候者

集臘明正月旦決八風

風從南方來大旱西南小旱西方有兵西北戎菽爲

孟康曰戎菽胡豆也爲成也

索隱韋昭云戎菽大豆也又郭璞注爾雅亦云胡豆與孟康同

小雨

徐廣曰一

趣兵

索隱趣音促謂風從西北來則戎菽成而又有小雨則其國趣兵起也

北

方爲中歲東北爲上歲

集解韋昭曰歲大穰

東方大水東南民有

疾疫歲惡故八風各與其衝對課多者爲勝多勝少久
勝亟疾勝徐旦至食爲麥食至日昃爲稷昃至舖爲黍
舖至下舖爲菽下舖至日入爲麻欲終日有雨有雲有
風有日

正義

正月且欲其終一日有風有日
則一歲之中五穀豐熟無災害也

當其時者

深而多實無雲有風日當其時淺而多實有雲風無日
當其時深而少實有日無雲不風當其時者稼有敗如
食頃小敗熟五斗米頃大敗風復起有雲其稼復起各
以其時用雲色占種其所宜其雨雪若寒歲惡是日光
明聽都邑人民之聲聲宮則歲善吉商則有兵徵旱羽
水角歲惡或從正月旦比數兩

索隱

比音鼻律反數音
疎舉反謂以比數日以

候一歲之雨以知豐穰也

率日食一升至七升而極

集解孟康曰月一日雨民有一

升之食二日雨民有二升之食如此至七日

過之不占數至十二日日直其

月占水旱

集解孟康曰月一日雨正月水

爲其環城千里內占則其爲

天下候竟正月

集解孟康曰月三十日周天歷二十八宿然後可占天下

正義按月列宿日風

雲有變占其國并太歲所在則知其歲豐稔水旱饑饉也

月所離列宿

素隱韋昭云離歷也

日

風雲占其國然必察太歲所在在金穰水毀木饑火旱

此其大經也正月上甲風從東方宜蠶風從西方若旦

黃雲惡冬至短極縣土炭

集解孟康曰先冬至三日縣土炭於衡兩端輕重適均冬

至日陽氣至則炭重夏至日陰氣至則土重晉灼曰蔡邕律歷記候鐘律權土炭冬至陽氣應黃鐘通土炭輕而衡仰夏至陰氣應蕤賓通土炭重而衡低進退先後五日之中炭動鹿解角蘭根出

泉水躍略以知日至要決啓景歲星所在五穀逢昌其

對爲衝歲乃有殃

正義言啓景歲星行不失次則無災異五穀逢其昌盛若啓景歲星行而

失舍有所衝則歲乃有殃禍災變也

太史公曰自初生民以來世主曷嘗不歷日月星辰及

至五家

索隱案謂五紀歲月星辰歷數各有一家顓學習之故曰五家也

三代

正義五家黃帝

高陽高辛唐虞堯舜也三代夏殷周也言生民以來何曾不歷日月星辰及至五帝三王亦於紹繼而明天數陰陽紹而明之內冠帶外夷狄分中國爲十有二州仰

則觀象於天俯則法類於地天則有日月地則有陰陽天有五星地有五行天則有列宿地則有州域三光者陰陽之精氣本在地而聖人統理之幽厲以往尚矣所

見天變皆國殊窟穴家占物怪以合時應其文圖籍禘

祥不法

正義禘音機顧野王云禘祥吉凶之先見也按自古以來所見天變國皆異具所說不同及家

占物怪用合時應者書其文并圖籍凶吉並不可法則故孔子論六經記異事而說其所應不書變見之蹤也

是以孔子論六經紀異而說不書至天道命不傳傳其

人不待告

正義待須也言天道性命忽有志事可傳授之則傳其大指微妙自在天性不須深告語

也告非其人雖言不著

正義著作慮反著明也言天道性命告非其人雖爲言說不得

著明微妙曉其意也

昔之傳天數者高辛之前重黎

正義左傳云蔡墨曰少昊

氏之子曰黎爲火正號祝融卽火行之官知天數

於唐虞羲和

正義羲氏和氏掌天地四時之

官也有夏昆吾

正義昆吾陸終之子虞翻云昆吾名樊爲已姓封昆吾世本云昆吾衛者也

殷

商巫咸

正義巫咸殷賢臣也本吳人冢在蘇州常熟海禺山上子賢亦在此也

周室史佚

葛弘

正義史佚周武王時太史尹佚也葛弘周靈王時大夫也

於宋子韋鄭則禪竈

正義禪竈鄭大夫也

在齊甘公

集解徐廣曰或曰甘公名德也本正義是魯人正義七錄云楚人戰國時

作天文星占八卷

楚唐昧

正義莫葛反

趙尹臯魏石申

正義七錄云石申魏人戰

國時作天文八卷也

夫天運三十歲一小變百年中變五百載大

變三大變一紀三紀而大備此其大數也爲國者必貴

三五

家隱三五謂三十歲一小變五百歲一大變

上下各千歲然後天人之

際續備太史公推古天變未有可考于今者蓋略以春

秋二百四十二年之間

正義謂從隱公元年至哀公十四年獲麟也隱公十一年桓公

十八年莊公三十一年閔公二年僖公三十三年文公十八年宣公十八年成公十八年襄公三十一年昭公

三十二年定公十五年哀公十四年凡二百四十二年也

日蝕三十六

正義謂隱公三年二月乙

已桓公三年七月壬辰朔十七年十月朔莊公十八年
三月朔二十五年六月辛未朔二十六年十二月癸亥
朔三十年九月庚午朔僖公五年九月戊申朔十二年
三月庚午朔十五年五月朔文公元年二月癸亥朔十
五年六月辛卯朔宣公八年七月庚子朔十年四月丙
辰朔十七年六月癸卯朔成公十六年六月丙辰朔十
七年七月丁巳朔襄公十四年二月乙未朔十五年八
月丁巳朔二十年十月丙辰朔二十一年九月庚戌朔
十月庚辰朔二十三年二月癸酉朔二十四年七月甲
子朔八月癸巳朔二十七年十二月乙亥朔昭公七年
四月甲辰朔十五年六月丁巳朔十七年六月甲戌朔
二十一年七月壬午朔二十二年十二月癸酉朔二十
四年五月乙未朔三十年十二月辛亥朔定公五年三
月辛亥朔十二年十一月丙寅朔十五年八月庚辰朔
凡蝕三
十六也 **彗星三見**正義謂文公十四年七月有星入于
北斗昭公十七年冬有星孛于大辰

哀公十二年有
星孛于東方

宋襄公時星隕如雨

正義謂僖公十五年正月戊申朔隕

石于宋

天子微諸侯力政

集解徐廣曰一作征

五伯代興

正義趙岐注孟

子云齊桓晉文秦
穆宋襄楚莊也
更爲主命自是之後衆暴寡大并小

秦楚吳越夷狄也爲疆伯
正義秦祖非子初邑於秦地在西戎楚子鬻熊始封丹陽

荆蠻吳太伯居吳周章因封吳號勾吳越祖少康之子
初封於越以守禹祀地稱東越皆戎狄之地故言夷狄

也後秦穆楚莊吳闔閭
越勾踐皆得封爲伯也
田氏篡齊
正義周安王二十三年康公卒田和并齊

而立爲
三家分晉
正義周安王二十六年魏武侯韓文侯趙敬侯共滅晉靜而三分其地

並爲戰國爭於攻取兵革更起城邑數屠因以饑饉疾

疫焦苦臣主共憂患其察禳祥候星氣尤急近世十二

諸侯七國相王
正義王于放反謂漢孝景帝三年吳王濞楚王戊趙王遂濟南王辟光淄川王

賢膠東王
雄渠也
言從衡者繼踵而臯唐甘石因時務論其書

傳故其占驗凌雜米鹽
正義凌雜交亂也米鹽細碎也言臯唐甘石等因時務論其書

乾隆四年校刊
史記卷一百一十七
天官書
卷一百一十七

傳中災異所記錄者故其占驗交二十八舍主十二州
亂細碎其語在漢書五行志中也

正義二十八舍謂東方角亢氐房心尾箕北方斗牛女
虛危室壁西方奎婁胃昂畢觜參南方井鬼柳星張翼

軫星經云角亢鄭之分野兗州氐房心宋之分野豫州
尾箕燕之分野幽州南斗牽牛吳越之分野揚州須女

虛齊之分野青州危室壁衛之分野并州奎婁魯之分
野徐州胃昂趙之分野冀州畢觜參魏之分野益州東

井輿鬼秦之分野雍州柳星張周之分野
分野三河翼軫楚之分野荊州也 **斗秉兼之** **正義**言
北斗所

建秉十二辰兼十二州二十八宿自古所用從來久遠矣
所從來久矣秦之疆也候

在太白占於狼弧 **正義**太白狼弧皆西方之星故秦占候也
吳楚之疆候在

熒惑占於鳥衡 **正義**熒惑鳥衡皆南方之星故吳楚之
占候也鳥衡柳星也一本作注張也

燕齊之疆候在辰星占於虛危 **正義**辰星虛危皆北方
之星故燕齊占候也

宋鄭之疆候在歲星占於房心 **正義**歲星房心皆東方
之星故宋鄭占候也

晉之疆亦候在辰星占於參罰

正義辰星參罰皆北方西方之星故晉占候也

及秦并吞三晉燕代自河山以南者中國

正義河黃河也山華山也

從華山及黃河以南爲中國也

中國於四海內則在東南爲陽

正義爾雅云九

夷八狄七戎六蠻謂之四海之內中國從河山東南爲陽也

陽則日歲星熒惑填星

正義日人質反填音鎮日陽也歲星屬東方熒惑屬南方填星屬中央皆在南及東爲陽也

占於街

南畢主之

正義天街二星主畢昴主國界也街南爲華夏之國街北爲夷狄之國則畢星主陽也

其西北則胡貉月氏諸衣旃裘引弓之民爲陰

正義貉音陌氏

音支從河山西北及秦晉爲陰也

陰則月太白辰星

正義月陰也太白屬西方辰星屬北

方皆在北及西爲陰也

占於街北昴主之

正義天街星北爲夷狄之國則昴星主之陰也

故中國山川東北流其維首在隴蜀

正義言中國山及川東北流行若南

山首在崑崙葱嶺東北行連隴山至南山華山渡河東
北盡碣石山黃河首起崑崙山渭水岷江發源出隴山
皆東北東尾沒于勃碣是以秦晉好用兵

集解韋昭曰秦晉西南維

之北爲陰猶與胡貉引弓之民同故好用兵

復占太白太自主中國而胡貉

數侵掠

正義

主猶領也入也星經云太白在北月在南中國敗太白在南月在北中國不敗也是狐貉

數之也

獨占辰星辰星出入躁疾常主夷狄其大經也

此更爲客主人

正義

更格行反下同星經云辰星不出太白爲客辰星出太白爲主人辰星太

白不相從雖有軍不戰辰星出東方太白出西方若辰星出西方太白出東方爲格野雖有兵不戰合宿乃戰辰星入太白中五日及入而上出破

軍殺將客勝不出客亡地視旗所指熒惑爲孛外則理

兵內財理政故曰雖有明天子必視熒惑所在

案春秋

緯文耀鉤故云故曰也

諸侯更彊時菑異記無可錄者秦始皇之

時十五年彗星四見久者八十日長或竟天其後秦遂

以兵滅六王并中國外攘四夷死人如亂麻因以張楚

並起三十年之間

正義謂從秦始皇十六年起兵滅韓至漢高祖五年滅項羽則三十六年

矣

兵相駘藉

集解蘇林曰駘音臺登躡也

不可勝數自蚩尤以來未

嘗若斯也項羽救鉅鹿枉矢西流山東遂合從諸侯西

坑秦人誅屠咸陽漢之興五星聚于東井平城之圍

漢高祖之七年

月暈參畢七重

索隱天文志其占者畢昴間天街也街北胡也街南中國也昴

爲匈奴參爲趙畢爲邊兵是歲高祖自將兵擊匈奴至平城爲冒頓所圍七日乃解則天象有若符契七重者

主七日也

諸呂作亂日蝕晝晦吳楚七國叛逆彗星數丈天

狗過梁野及兵起遂伏尸流血其下元光元狩蚩尤之

旗再見長則半天其後京師師四出

正義元光元年太中大夫衛青等伐

匈奴元狩二年冠軍侯霍去病等擊胡元鼎五年衛尉路博德等破南越及韓說破東越并破西南夷開十餘

郡元封元年樓船將軍楊僕擊朝鮮

誅夷狄者數十年而伐胡尤甚越之

亡熒惑守斗

正義南斗爲吳越之分野

朝鮮之拔星莧于河戒

索隱莧音

佩卽字星也天文志武帝元封之中星字于河戒其占曰南戒爲越門北戒爲胡門其後漢兵擊拔朝鮮以爲

樂浪玄菟郡朝鮮在海中越之象居北方胡之域也其河戒卽南河北河也

兵征大宛星莧

招搖

正義招搖一星次北斗杓端主胡兵也占角變則兵革大行

此其犖犖大者

犖音力卓反犖犖事之分明也

若至委曲小變不可勝道由是觀之未

有不先形見而應隨之者也夫自漢之爲天數者星則

唐都氣則王朔占歲則魏鮮故甘石歷五星法唯獨熒

惑有反逆行逆行所守及他星逆行日月薄蝕

集解孟康曰日月

月無光曰薄京房易傳曰日赤黃爲薄或曰不交而蝕曰薄韋昭曰氣往迫之爲薄虧毀爲蝕

皆以爲

占余觀史記考行事百年之中五星無出而不反逆行

反逆行嘗盛大而變色日月薄蝕行南北有時此其大

度也故紫宮

正義中宮也

房心

正義東宮也

權衡

正義南宮也

咸池

正義

西宮也

虛危

正義北宮也

列宿部星

正義五宮列宿部內之星也

此天之五

官坐位也爲經不移徙大小有差闊狹有常

集解孟康曰闊狹若

三台星相去遠近

水火金木填星

集解徐廣曰木火土三星若合是謂驚立絕行

此五

星者天之五佐

正義言水火金木土五星佐天行德也

爲經緯

正義五星行南北爲

經東西爲緯也

見伏有時所過行羸縮有度日變脩德月變省

刑星變結和凡天變過度乃占國君疆大有德者昌弱

小飾詐者亡大上修德其次修政其次修救其次修禳

正下無之夫常星之變希見而三光之占亟用日月暈

適

集解徐廣曰適者災變咎徵也李斐曰適見災于天

劉向以爲日月蝕及星逆行非太平之常自周衰以來人事亂故天文應之遂變耳駟案孟康曰暈日旁氣也適日之將食先有黑氣之變雲風此天

之客氣其發見亦有大運然其與政事俯仰最近大人

之符此五者天之感動爲天數者必通三五

索隱三謂三辰五謂

五星終始古今深觀時變察其精粗則天官備矣

蒼帝行德天門爲之開

索隱謂王者行春令布德澤被天下則上應靈威仰之帝而天

門爲之開以發德化也天門卽左右角間也正義爲於僞反下同蒼帝東方靈威仰之帝也春萬物開發東作

起則天發其德化
天門爲之開也

赤帝行德天牢爲之空

索隱謂王者行德以應火精之
帝謂舉大禮封諸侯之地則是

赤帝行德夏陽主舒散故天牢爲之空則人主當赦過
宥罪者也正義赤帝南方赤燿怒之帝也夏萬物茂盛
功作大與則天施德惠天牢爲之空虛也天牢六星
在北斗魁下不對中台主秉禁暴亦貴人之牢也

黃帝行德天矢爲之起

正義黃帝中央含樞紐之帝季
夏萬物盛大則當大赦含養羣

品也風從西北來必以庚辛一秋中五至大赦三至小赦

白帝行德以正月二十日二十一日月暈圍常大赦載

謂有太陽也一曰白帝行德

索隱一曰二曰謂占星之
家異說太史公兼記之耳

畢昴爲之圍

正義白帝西方白招矩之帝也秋萬物
咸成則暈圍畢昴三暮帝德乃成也圍

三暮德乃成不三暮及圍不合德不成二曰以辰圍不

出其旬

黑帝行德天關爲之動

正義黑帝北方協光紀之帝也冬萬物閉藏爲之動爲之開閉

也天關一星在五車南畢西北爲天門日月五星所道主邊事亦爲限隔內外障絕往來禁道之作違者占芒角有兵起五星守之主貴人多死也

天行德天子更立年

索隱案天謂北極紫微宮言王者當天心則北辰有光輝是行德也

若北辰有光輝則天子更立年也

不德風雨破石三能三衡者天廷也

客星出天廷有奇令

索隱上云南宮朱鳥權衡衡太微三光之廷則三衡者卽太微也其

謂之三者日月五星也然斗星第六第五亦名衡又參三星亦名衡然並不爲天廷正義晉書天文志云三台主開德宣符也所以和陰陽而理萬物也三衡者北斗魁四星爲璇璣杓三星爲玉衡人君之象號令主也又太微天子宮庭也太微爲衡衡主平也爲天庭理法平辭理也按言三台三衡者皆天帝之庭號令舒散平理

也故言三台三衡言若有客星出
三台三衡之廷必有奇異教令也

索隱述贊曰在天成象有同影響觀文察變其來自
往天官既書太史攸掌雲物必記星辰可仰盈縮匪
僊應驗無爽至哉
玄監云誰欲網

史記卷二十七

史記卷二十七考證

天官書正義張衡云○此係晉書天文志所載張衡之語而正義引之監本有五列焉句有訛作育又日月運行歷示吉凶五緯纏度用告禍福四句脫去歷示吉凶五緯纏度八字今俱添改

中宮天極星索隱宣氣立精○宣監本訛作宮今改正
旁三星三公或日子屬正義主變出陰陽佐機務○出字疑化字之誤

後宮之屬也索隱辰極橫后妃四星端○端一本作從

臣照

按從卽縱對橫而言端卽崑直也端與從未審

孰是姑仍監本之舊

隋北端兌○

臣照

按北之當爲比端之當爲端兌之當

爲銳索隱詳之矣唯隋字但云音他果反而未申其義蓋隋卽橢橢比者斜相連也端直也端銳者直而尖也古字通用者多加以傳寫之訛遂不可曉

或曰天一正義主王者卽位令諸立赤子而傳國位者
○考星經應作主王者卽位及諸立太子而傳國位者

絕漢抵營室曰閣道索隱又按樂汁圖徵云○樂汁圖
徵緯書也監本脫徵字今添

以齊七政索隱春秋運斗樞云○樞監本訛作極今改

正

又徐整長歷云○監本脫徐字今添

魁枕參首正義○

臣照

按張守節此條蓋引用天文志

參合星經爲之歲久傳訛舛錯殊甚至不可讀今依

晉書改正而書其原文如左

正義枕之禁反衡斗衡也魁斗第一星也言北

方斗斗衡直當北之魁枕於參星之道北斗之杓連於龍角南斗六星爲天廟丞相太宰之位主薦賢良授爵祿又主兵天機南二星魁天梁中央一星天相北二星天府庭也占斗星盛明王道和平爵祿行不然反是參主斬刈又爲天獄主殺罰其中三星橫列者三將軍東主後將軍西南曰右足主偏將軍故軒轅氏占之以北曰左肩主左將軍西北曰右肩主右將軍東南曰左足應七將也中央三小星曰伐天之

都尉也主戎狄之國不欲明若芒角張明與參等大
臣謀亂兵起夷狄內戰七將皆明天下主兵振王道
缺參失色軍散敗動搖邊候有急參
左足入玉井中及金火守皆爲起兵

斗爲帝車索隱言是大帝乘車巡狩○監本脫言字今
添

五曰司中索隱司中主左理也○左理一本作大理
貴人之牢索隱樂汁圖徵曰○監本脫徵字今添

又天理貴人牢○監本作天寶理貴人牢寶字衍今
刪

輔星明近正義排賢用佞○監本訛作用賢排佞今改
正

杓端有兩星集解更河三星○查晉書更作梗今依晉書改正

虛則開出索隱詩汜歷樞云○汜監本訛作紀今改正
又正義九星悉見則獄事繁○九監本訛作占今改正

正
又視其大小大有大赦○視監本訛作見今改正
旁有兩星曰鈴○鈴監本訛作衿今改正

又索隱鈴音其炎反○監本脫鈴字今添

北一星曰牽正義占不居其所則宮門不禁居則反是也○監本作占一反不居其所衍一反二字今刪又

則津梁不通宮門不禁今查津梁不通四字係下文
東北曲十二星曰旗注文重出於此今亦刪

故曰攝提格正義色温温不明而大者人君吉○吉監
本訛作恐今改正

氐爲天根主疫索隱氐四星爲路寢○路監本訛作露
今改正

又正義氐房心三星爲火○火監本訛作灾今改正
尾爲九子正義次三星夫人次九嬪末爲妾○監本訛
作次三星並爲次九嬪末二星爲妾今改正

火犯守角則有戰房心王者惡之也正義熒惑犯守箕

尾氐星自生芒角則有戰陣之事若熒惑守房心及房心自生芒角則王者惡之也○臣照按正義以角爲芒角之角竊謂馬遷之意指角宿而言謂熒惑犯角星或守角星當有戰鬪若犯房心或守房心則災及人君也考之星占亦復如是

權衡正義太微之廷也○微監本訛作尾今改正

門內六星諸侯正義諸侯五星在東井東北近北河主刺舉戒不虞○臣照按舊本作東井在北河主判舉

東井北河兩星名又相離甚遠定有訛舛今據宋史及星經知在東井東北近北河也判舉宋史作刺舉

今並改正

其內五星五帝坐○監本正義遺羣下從謀也五字今據本書補

又白招矩○招字監本誤作昭以其所犯命之命字監本誤作名今俱改正

權軒轅軒轅黃龍體前大星女主象旁小星御者後宮屬正義次北一星夫人也○監本脫一字又脫右一星大民太后宗也九字又脫后族二字今據宋史天文志補

其西曲星曰鉞正義與鬼五星一星爲質○監本誤作

輿鬼四星爲質一星今改正

又占不欲明明與并齊或搖動則天子用鉞于大臣
○監本少一明字今添

鉞北北河南南河正義南北置而爲戒南河南戒一曰
陽門亦曰越門北河北戒一曰陰門亦爲胡門○監
本脫南河南戒四字今添

中白者爲質正義輿鬼五星主祠事天目也○監本五
訛作四目訛作田今俱改正

又欲其習習不明○監本訛作欲其沒不明今改正
禍成并集解火入之一星居其旁天子且以火敗○火

入之監本脫之字今添又一星疑應作客星

誅成質○

臣照

按本書云白者爲質此云誅成質晉書

天文志云鬼中一星名鈇鑕蓋質卽鑕也古字少後人多加偏傍以分之遂疑爲兩字耳

柳爲鳥注正義星七星○七監本訛作一今改正

翼爲羽翻○翻監本訛作融今改正

又正義翼二十二星○監本訛作二十星今改正

軫爲車主風正義辰星守之徐泗有戮者○監本作徐泗有戮之者之字衍今去

星星不欲明明與四星等若五星入軫星中兵大起○

漢書天文志同

臣照

按上星字應作轄星星不欲明

句不成文理且五星入軫卽五星聚軫矣乃大吉也若五星不拘何星入軫則無歲無之又安得兵大起考晉書天文志乃知上星字爲轄字之誤蓋軫四星旁有轄星若轄星明與四星等卽入軫中而視之若五星矣斯兵大起也索隱注宋均云五星主行使行使動兵車亦動也五星五字亦應作轄轄同主行使也

軫南衆星曰天庫○監本有正義注天庫一星主太白秦也在五星中十三字查係下文五帝車舍正義文

重出在此今刪

西宮咸池索隱文耀鉤云○耀鉤監本訛作躍鉤今改正

五帝車舍索隱吐秀舍實主秋成○監本訛作舍秀舍實主秋垂今改正

又正義次東北曰天獄○曰監本訛作星今改正
又其國絕食兵且起○且監本訛作見今改正

又三柱出外兵出柱入兵入柱出一月米貴三倍期二年○監本訛作三柱入出一月米貴三倍今改正
又柱倒立尤甚○監本訛柱王尤其今改正

奎曰封豕主溝瀆正義人主爽德○監本訛作臣主其德今改正

又熒惑星守之○守監本訛作主今改正

其南衆星曰膾積集解芻藁積爲膾也正義芻藁六星

○藁監本俱訛作蒿今改正

昴曰髦頭正義昴七星○七監本訛作一今改正

畢曰罕車爲邊兵正義主四夷之尉也○監本脫主字

今添

昴畢間爲天街正義土金守胡兵入也○土一本作火主葆旅事正義葆旅野生之可食者○者監本訛作也

今改正

又國易政○政監訛作正今改正

其南有四星曰天厠正義天厠四星在屏東○監本脫東字今據宋史天文志添

其東有大星曰狼狼角變色多盜賊正義金火守亦如之○舊本作金木火守亦如之臣照按星占木爲德

星守則爲休祥木字乃衍文也今刪

危爲蓋屋○屋監本訛作室今改

又正義危爲蓋屋蓋屋自有星恐文誤也○監本少下蓋屋二字今添

虛爲哭泣之事索隱姚氏按荊州占以爲其宿二星南
星主哭泣虛中六星不欲明明則有大喪也○臣照

按星圖虛南二星爲哭哭東二星爲泣荊州占旣云
虛中六星則是合哭泣四星言之矣又以爲其宿二
星南星主哭泣文必有誤

其南有衆星曰羽林天軍正義羽林四十五星○監本
作三十五星伏查晉書天文志及步天歌皆作四十
五星今改正

又正義天軍也亦天宿衛主兵革不見天下亂○監
本訛作亦天宿衛之兵革出今改正

軍西爲壘或曰鉞正義占五星入皆兵起○監本作占之非故兵起語不可解今據晉書天文志改五星入皆兵起

營室爲清廟○

臣照

按二十八宿列于天官書五宮者

唯二十七壁不與焉爾雅亦同至分野則曰營室至東壁并州較他宿亦多一至字殆室壁本一星若曰室之壁云爾

旁一星曰王良正義金火守入皆兵之憂也○監本訛作皆其之憂也今改正

牽牛爲犧牲○正義二星主關梁下脫次三星主南越

六字今據宋史天文志添

其北河鼓索隱孫炎云河鼓之旗十二星○臣照按星

圖河鼓左右旗各九星

失者罰出歲星正義歲星盈縮以其舍命國所在之國不可伐○監本脫以其舍命國五字今添

以十月與角亢晨出曰大章集解徐廣曰一日天皇索隱天文志亦作天皇○監本天皇俱訛作大星今改正

長二丈類彗○監本訛作類彗星今改正

熒惑熒惑爲勃亂殘賊疾喪饑兵○臣照按熒惑熒惑

句似複出熒惑二字

又正義天官占云○占監本訛作志今改

五星皆從而聚于一舍正義四星若合是爲太陽○太陽監本誤作大王今據晉書天文志改

謹候此○此三字應在熒惑章下舊本刊於填星章首今改正下太白章謹候此三字亦同

大饑戰敗爲北軍軍困○

臣照

按正義曰爲北軍北也

凡軍敗曰北然則張守節時尚無戰敗爲北軍之文也准無戰敗之字故張守節解此北字曰敗若本文有之則不應爲此解也疑原文係大饑戰爲北困六

字傳寫訛謬將注混入耳

曰西方秋司兵月行及天矢正義星是古歷星若竹筭
牆星猿星白藿○臣照按正義此文皆櫟括晉書天

文志爲之其數妖星名尙少三星一曰若星一曰帚
星一曰若筭然則星是古歷星若六字乃若星帚星
若筭之訛也

爲八歲二百二十日○八監本訛作百今改正

可以兵從天下正義晉書天文志○監本脫字甚多至
不可解今以晉書天文志本文改正

出而留桑榆間集解凡望雲氣平望在桑榆上者○監

本訛作正出氣平正出桑榆上者今改正

當出不出是謂擊卒○擊監本訛作繫今改正

正旗上出正義旗星名有九星言辰星上則破軍殺將
客勝也○辰星上句疑有脫字當作辰星出其上

間可械劔○監本有正義漢書云辰星過太白間太白
可械劔明廣雅是也略無文理定係傳訛今刪

七星爲員官辰星廟蠻夷星也○按此三句當在夏則
不長之下舊錯簡在翼軫荊州下今改正

居軍不勝○軍監本訛作暈今改正

見半日以上功大○大監本作太連下白字爲太白遂

不可解今改正

行南北河以陰陽言旱水兵喪正義若月行北河以陰則水兵南河以陽則旱喪也○監本訛作自行北河以陰則南河以陽則水旱兵喪也今改正

其星狀類辰星去地可六丈大集解徐廣曰大一作六

○臣照

按大下疑有脫字漢書天文志云五殘星大

而黃下賊星大而赤司危星大而白獄漢星大而赤可證徐廣一作六之說非也

星者金之散氣本曰火集解孟康曰星石也○監本訛作星名也今改正

其螽者類闕旗故○臣照按監本將索隱文刻于闕旗

之下遂使故字連下句乍讀不覺細味之故鈎雲句
曲故字作何解耶類闕旗鼓斷句蓋言杓雲之螽者
如闕旗而又色敝敗也

而澤搏宓其見動人乃有占○臣照按宓字不可解蓋
密字也缺其下半傳寫至今

天開縣物○臣照按此節文多訛謬不可強解

四始者候之日正義謂正月旦歲之始時之始日之始
月之始故云四始言以四時之日候歲吉凶也○臣

照按四始本書明指冬至臘明元旦立春四日言正

義專以正月旦言又不著所本殊不可憑且謂以四時之日候歲吉凶更不可解

史記卷二十七考證

史記卷二十八

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

封禪書第六

正義泰山上築土爲壇以祭天報天之功故曰封泰山下小山上除地報地之功故曰禪言禪者神之也白虎通云或曰封者金銀繩或曰古泥金繩封之印璽也五經通義云易姓而王致太平必封泰山禪梁父荷天命以爲王使理羣生告太平於天報羣神之功

自古受命帝王曷嘗不封禪蓋有無其應而用事者矣

未有睹符瑞見而不臻乎泰山者也雖受命而功不至矣而德不治治矣而日有不暇給是以卽事用希傳曰三年不爲禮禮必廢三年不爲樂樂必壞每世之隆則封禪答焉及衰而息厥曠遠者千有餘載近者數百載故其儀闕然堙滅其詳不可得而記聞云尙書曰舜在璇璣玉衡以齊七政遂類于上帝禋于六宗望山川徧羣神輯五瑞擇吉月日見四岳諸牧還瑞

集解徐廣曰還一作

班歲二月東巡狩至于岱宗岱宗泰山也

正義括地志云泰山一曰

岱宗東嶽也在兗州博城縣西北三十里周禮云兗州鎮曰岱宗

柴望秩于山川遂覲

東后東后者諸侯也合時月正日同律度量衡脩五禮

五玉三帛二生一死費五月巡狩至南岳南岳衡山也

正義括地志云衡山一名岫屨山在衡州湘潭縣西四十一里八月巡狩至西岳西岳

華山也

正義括地志云華山在華州華陰縣南八里古文以爲敦物周禮云豫州鎮曰華山十一

月巡狩至北岳北岳恒山也

正義括地志云恒山在定州恒陽縣西北百四十里

周禮云并州鎮曰恒山

皆如岱宗之禮中岳嵩高也

索隱獨不言至者蓋以天

子所都也正義括地志云嵩山亦名太室亦名外方也在洛州陽城縣西北二十三里

五載一巡

狩禹遵之後十四世至帝孔甲淫德好神神瀆二龍去

之

索隱如淳案國語二龍繫于夏庭是也

其後三世湯伐桀欲遷夏社不

可作夏社後八世至帝太戊有桑穀生於廷一暮大拱

懼伊陟

集解徐廣曰陟古作敎

曰妖不勝德太戊脩德桑穀死伊

陟贊巫咸巫咸之興自此始

索隱尚書伊陟贊于巫咸孔安國云贊告也巫咸臣

名今此云巫咸之興衍自此始則以巫咸爲巫覡然楚詞亦以巫咸主神蓋太史以巫咸是殷臣以巫接神事太戊使禳桑穀之災所以伊陟贊巫咸故云巫咸之興自此始也後十四世帝武丁得

傳說爲相殷復興焉稱高宗有雉

集解徐廣曰一作鵠音嬌

登鼎耳

雉武丁懼祖已曰脩德武丁從之位以永寧後五世帝

武乙慢神而震死

索隱謂武乙射天後獵于河渭而震死也

後三世帝紂淫

亂武王伐之由此觀之始未嘗不肅祇後稍怠慢也周

官曰冬至祀天於南郊迎長日之至夏日至祭地祇

皆用樂舞而神乃可得而禮也天子祭天下名山大川

五岳視三公四瀆視諸侯諸侯祭其疆內名山大川四

瀆者江河淮濟也天子曰明堂辟雍

集解韋昭曰水外四周圓如辟雍蓋

以節觀者也

諸侯曰泮宮

集解張晏曰制度半於天子之辟雍索隱服虔云天子水匝爲辟雍

諸侯水不匝至半爲泮宮禮統又云半有水而半有宮是也

周公既相成王郊祀后

稷以配天

集解王肅曰配天於南郊祀之

宗祀文王於明堂以配上帝

集解鄭元曰上帝者天之別名也神無二主故異其處避后稷也

自禹興而脩社祀后

稷稼穡故有稷祠郊社所從來尙矣自周克殷後十四

世世益衰禮樂廢諸侯恣行而幽王爲犬戎所敗

集解徐廣

曰犬一作吠

周東徙雒邑秦襄公攻戎救周始列爲諸侯

正義

秦襄公周平王元年封也

秦襄公既侯居西垂

正義漢隴西郡西縣也今在秦州上邽縣

西南九十里也

自以爲主少皞之神作西時祠白帝其牲用騂

駒黃牛羝羊各一云

索隱毛詩傳云赤馬黑鬣曰駟也羝牡羊

其後十六年

秦文公東獵汧渭之間卜居之而吉

索隱地理志汧水出汧縣西北入渭

皇甫謐云文公徙都汧也
正義括地志云郿縣故城在岐州郿縣東北十五里卽此城也

文公夢黃

虵自天下屬地其口止於郿衍

集解李奇曰郿音孚山阪曰衍索隱郿地名後

爲縣屬馮翊衍者鄭衆註周禮云下平曰衍又李奇云三輔謂山陵間爲衍也

文公問史敦敦

曰此上帝之徵君其祠之於是作郿時用三牲郊祭白

帝焉自未作郿時也而雍旁故有吳陽武時

集解李奇曰於旁有

吳陽也

雍東有好時皆廢無祠或曰自古以雍州積高神

明之隩故立時郊上帝諸神祠皆聚云蓋黃帝時嘗用

事雖晚周亦郊焉其語不經見搢紳者不道

集解李奇曰搢插也

插笏於紳紳大帶索隱姚氏云搢當作緝鄭衆註周禮云搢讀曰薦謂垂之於紳帶之間今案鄭意以搢爲薦則薦亦是進進而置於紳帶之間故史記亦多作薦字也

作廊時後九年文公獲若

石云于陳倉北阪城祠之

集解蘇林曰質如石也服虔曰在北或曰在陳倉北

云語辭也正義三秦記云太白山西有陳倉山山有石雞與山雞不別趙高燒山山雞飛去而石雞不去晨鳴山頭聲聞三里或言是玉雞括地志云陳倉山在岐州陳倉縣南又云寶雞神祠在漢陳倉縣故城中今陳倉縣東石雞在陳倉山上祠在陳倉城故言獲若石于陳倉北阪城祠之其神或歲不至或

歲數來來也常以夜光輝若流星從東南來集于祠城

則若雄雞其聲殷云野雞夜雉

集解如淳曰野雞雉也呂后名雉故曰野雞噴

日殷聲也云

以一牢祠命曰陳寶

集解賈曰陳倉縣有賈夫人祠或一歲二

歲與葉君合葉神來時天爲之殷殷雷鳴雉爲雉在長安正西五百里韋昭曰在陳倉縣賈而祠之故曰陳寶

索隱列異傳云陳倉人得異物以獻之道遇二童子云此名爲媼在地下食死人腦媼乃言彼二童子名陳寶得雄者王得雌者霸乃逐童子化爲雉秦穆公大獵果獲其雌爲立祠祭有光雷電之聲雄止南陽有赤光長十餘丈來入陳倉祠中所以代俗謂之寶夫人祠抑有由也葉縣名在南陽葉君卽雄雉之神故時與寶夫人神合也

作鄜時後七十八年秦德公既立卜居雍後子孫飲馬於河遂都雍雍之諸祠自此興用三百牢於鄜時

索隱秦本紀德公元年以犧三百祠鄜時今案百當爲白秦君西祀少昊牲尙白牢秦諸侯也雖奢侈僭祭郊

本特牲不可用三百牢以祭天蓋字誤

作伏祠 **索隱**服虔云周時無伏秦始作之漢舊儀云伏者萬

鬼行故閉晝日不干求也東觀漢記和帝初令伏閉晝日是也又曆忌釋曰伏者何金氣伏藏之名四時代謝

皆以相生而春木代水水生木也夏火代木木生火也冬水代金金生水也至秋則以金代火金畏於火故凡至庚日必伏

庚者金也 磔狗邑四門以禦蠱菑 **索隱**案樂彥云左傳皿蟲爲蠱梟磔

之鬼亦爲蠱故月令云大雩旁磔註云磔攘也厲鬼亦爲蠱將出害人旁磔於四方之門故此亦磔狗邑四門也風俗通云德公立二年卒其後六年秦宣公作密時殺犬磔攘也

於渭南祭青帝其後十四年秦繆公立病臥五日不寤

寤乃言夢見上帝上帝命繆公平晉亂史書而記藏之

府而後世皆曰秦繆公上天秦繆公卽位九年齊桓公

旣霸會諸侯於葵丘正義括地志云葵丘在曹州考城縣東南一里五十步郭內卽桓公所會

處也而欲封禪管仲曰索隱今管子書封禪篇是古者封泰山禪梁

父者正義括地志云梁山在兖州泗水縣北八十里也七十二家正義韓詩外傳云孔子升

泰山觀易姓而王可得而數者七十餘人不得而數者萬數也按管仲所記自無懷氏以下十二家其六十家

無紀錄也而夷吾所記者十有二焉昔無懷氏集解服虔曰古之王者在

伏義前封泰山禪云云

集解李奇曰云云山在梁父東見莊子

故城東北下有云云亭

正義括地志云云云云山在蒙陽縣云云山在兗州博野縣西南三十里也

云云神農封泰山禪云云炎帝封泰山禪云云

索隱

農後子孫亦稱炎帝而登封者律曆志黃帝與炎帝戰于阪泉豈黃帝與神農身戰乎皇甫謐云炎帝傳位八

代黃帝封泰山禪亭亭

集解徐廣曰在鉅平駟案服虔曰亭亭山在牟陰

亭亭在鉅平北十餘里服虔云在牟陰非也

括地志云亭亭山在兗州博城縣西南三十里也

封泰山禪云云帝嚳封泰山禪云云堯封泰山禪云云

正義

舜封泰山禪云云禹封泰山禪會稽

索隱晉灼云本名茅山吳越春秋云禹巡天下登茅山以朝羣臣乃大會計更名茅山爲會稽亦曰苗山也

正義括地志云會稽山一名衡山在越州會稽縣東南

一十二里也

湯封泰山禪云云周成王封泰山禪社

首集解應劭曰山名在博縣皆受命然後得封禪桓公

曰寡人北伐山戎索隱服虔云蓋過孤竹正義括地志云孤竹故城

在平州盧龍縣南一西伐大夏涉流沙東馬懸車上卑

耳之山集解韋昭曰將上山纏束其馬懸鉤其車也卑耳即齊語所謂辟耳南伐至召陵正義

陽卑讀如字也齊語即春秋外傳國語之書也辟音僻賈逵云山險也

邵括地志云邵陵故城在豫登熊耳山以望江漢索隱

記順陽益陽二縣東北有熊耳山東西各一峯如熊耳

也兵車之會三案左傳兵車之會三謂魯莊十三

六年伐鄭圍而乘車之會六案左氏乘車之會六

年又會鄆十六年盟于幽信五年九合諸侯一匡天下

會首止八年盟于洮九年會葵丘

諸侯莫違我昔三代受命亦何以異乎於是管仲睹桓

公不可窮以辭因設之以事曰古之封禪鄒上之黍北

里之禾

集解應劭曰鄒上山也鄒音羅蘇林曰鄒上北里皆地名索隱韋昭云設以不可得之物應劭

云光武改高邑曰鄒姚氏云鄒縣屬常山一云鄒上山名所以爲盛江淮之間一茅

三脊

集解孟康曰所謂靈茅

所以爲藉也東海致比目之魚

集解韋昭

曰各有一目不比不行其名曰鰈索隱鰈音答郭璞云如牛脾身薄細鱗紫黑色一眼兩片合乃得行今江東

呼爲王餘亦曰阪魚西海致比翼之鳥

集解韋昭曰各有一翼不比不飛其名曰鵝鵝索隱

山海經云崇丘之山有鳥狀如鳧一翼一目相得乃飛名云鸞郭璞註爾雅亦作鵝鵝

然後物有

不召而自至者十有五焉今鳳凰麒麟不來嘉穀不生

而蓬蒿藜莠茂鴟梟數至而欲封禪毋乃不可乎於是

桓公乃止是歲秦繆公內晉君夷吾其後三置晉國之

君平其亂

三置晉君謂惠公懷公文公也

繆公立三十九年而卒其

後百有餘年而孔子論述六藝傳略言易姓而王封泰

山禪乎梁父者七十餘王矣其俎豆之禮不章蓋難言

之或問禘之說孔子曰不知知禘之說其於天下也視

其掌

集解孔安國曰爲魯諱也包氏曰孔子謂或人言知禘之說者於天下之事如指視以掌中之物言

其易也

詩云紂在位文王受命政不及泰山武王克殷二

年天下未寧而崩爰周德之洽維成王成王之封禪則

近之矣及後陪臣執政季氏旅於泰山仲尼譏之

集解馬融

曰旅祭名禮諸侯祭山川在封內者陪臣祭泰山非禮也

是時萇弘以方事周靈王

諸侯莫朝周周力少萇弘乃明鬼神事設射狸首狸首

者諸侯之不來者

集解徐廣曰狸一名不來

依物怪欲以致諸侯諸

侯不從而晉人執殺萇弘

集解駟案皇覽曰弘冢在洛陽東北山上

周人之

言方怪者自萇弘其後百餘年秦靈公作吳陽上時祭

黃帝

集解徐廣曰距作密時二百五十年

作下時祭炎帝

集解吳陽地名蓋在岳之南又

上云雍旁有故吳陽武時今蓋因武時又作上下時以祭黃帝炎帝

後四十八年周太史

儋見秦獻公

集解儋音丁甘反孟康云卽老子也韋昭案年表儋在孔子後百餘年非老聃也

曰秦始皇與周合合而離五百歲當復合

集解大顏歷評諸家而云周平

王封襄公始列爲諸侯是乃爲別至昭王五十二年西周君臣獻邑凡五百一十六年是爲合此言五百年舉

全數也

合十七年而霸王出焉

集解自昭王滅周之後至始皇元年誅嫪毐正一十

七年孟康云謂周封秦爲別秦并周爲合此襄公爲霸
始皇爲王故云霸王出者也正義王于放反秦周俱黃

帝之後至非子末別封是合也合而離者謂非子末年
周封非子爲附庸邑之秦是離也五百歲當復合者謂

從非子邑秦後二十九君至秦孝公二年五百歲周顯
王致文武胙於秦孝公復與之親是復合也十七年霸

王出焉者謂從秦孝公三年至十九年周顯王致伯於
秦孝公是霸出也至惠王稱王王者出焉然五百歲者

非子生秦侯已下二十八君至孝公二年合四百八十
六年兼非子邑秦之後十四年則成五百歲矣諸家解

也皆非櫟陽雨金秦獻公自以爲得金瑞故作畦時櫟陽

而祀白帝集解晉灼曰漢注在隴西西縣人先祠山下
形如種韭畦畦時各一土封索隱漢舊儀云祭

人先於隴西西縣人先山山上皆有土人山下
有時如種韭畦畦時中各有二土封故云畦畦時 其後百

二十歲而秦滅周集解徐廣曰去太史
僖言時百二十年 周之九鼎入于

秦或曰宋太丘社亡集解駟案爾雅曰古陵太丘索隱
應劭云亡淪入地非也案亡謂社

主亡也郭璞云宋有太丘社以社名此地也而鼎沒于泗水彭城下其後百

一十五年而秦并天下秦始皇既并天下而帝或曰黃

帝得土德黃龍地螾見

集解應劭曰螾丘蚓也黃帝土位故地見其神蚓大五六圍長

十餘丈韋昭曰黃者地色螾亦地物故以為瑞後應此史所記出呂氏春秋也螾音引

夏得木德

青龍止於郊草木暢茂殷得金德銀自山溢

集解蘇林曰流出也

周得火德有赤烏之符

索隱尚書中候及呂氏春秋皆云有火自天止于王屋流為赤

烏五至以穀俱來

今秦變周水德之時昔秦文公出獵獲黑龍

此其水德之瑞於是秦更命河曰德水以冬十月為年

首色上黑度以六為名

正義張晏云水北方黑水終數六故以方六寸為符六尺為步

音上大呂事統上法

集解服虔曰政上法令也璣曰水陰陰主刑殺故上法

即帝

位三年東巡郡縣祠騶嶧山頌秦功業

騶嶧山騶縣本邦國

魯穆公改作鄒從征記北巖有秦始皇所勒之銘

於是徵從齊魯之儒生博士

七十人至乎泰山下諸儒生或議曰古者封禪爲蒲車

惡傷山之土石草木

蒲車謂蒲裹車輪也

埽地而祭席用苴稽

應劭曰稽禾稟也去其皮以爲席如淳曰苴讀曰祖稽讀曰憂晉灼曰苴藉也周禮祭祀供茅苴說

文云苴茅藉也

言其易遵也始皇聞此議各乖異難施用由此

絀儒生而遂除車道上自泰山陽至巔立石頌秦始皇

帝德明其得封也從陰道下禪於梁父其禮頗采太祝

之祀雍上帝所用而封藏皆祕之世不得而記也始皇

之上泰山中阪遇暴風雨休於大樹下諸儒生旣絀不

得與用於封事之禮聞始皇遇風雨則譏之於是始皇

遂東游海上行禮祠名山大川及八神求僊人羨門之

屬八神將自古而有之或曰太公以來作之齊所以爲

齊以天齊也集解蘇林曰其祀絕莫知起時八神一曰

天主祠天齊天齊淵水居臨菑南郊山下者案隱顧氏

齊記云臨菑城南有天齊泉五泉並出有異於常言如天之腹臍也小顏云下者謂最下也二曰地

主祠太山梁父蓋天好陰祠之必於高山之下小山之

上命曰時集解徐廣曰一云之下上時命曰時地貴

陽祭之必於澤中圓丘云三曰兵主祠蚩尤蚩尤在東

平陸監鄉齊之西境也集解徐廣曰屬東平郡監

音關皇覽云蚩尤冢在東平郡

壽張縣闕

鄉城中也

四曰陰主祠三山

案隱小顏以爲下所謂三山神山顧氏案地理志東萊

曲成有參山卽此三山非海中之三神山也

五曰陽主祠之罍

正義括地志云之罍山在

萊州文登縣西北九十里

六曰月主祠之萊山

集解韋昭曰在東萊長廣縣

皆在

齊北並勃海七曰日主祠成山斗入海

集解韋昭曰成山在

東萊不夜斗入海不夜古縣名案隱案解道彪齊記云不夜城古有日夜出見於東境故萊子立城以不夜爲

名也斗入海謂斗絕曲入海也

最居齊東北隅以迎日出云八曰四時

主祠琅邪琅邪在齊東方

案隱山海經云琅邪臺在勃海間案是山形如臺地理志

琅邪縣有四時祠也

蓋歲之所始皆各用一牢具祠而巫祝所損

益珪幣雜異焉自齊威宣之時

案隱謂威王宣王也

騶子之徒

集解

韋昭曰名衍

論著終始五德之運

集解如淳曰今其書有五德終始五德各以所勝爲

行秦謂周爲火德滅火及秦帝而齊人奏之故始皇采者水故自謂之水德

用之而宋毋忌正伯僑充尙羨門子高集解韋昭曰皆

仙者索隱樂彥引老子道經云月中仙人宋毋忌自澤

圖云火之精曰宋毋忌蓋其人火仙也司馬相如云正

伯僑古仙人顧氏案裴秀冀州記云緱氏仙人廟者昔

有王喬捷爲武陽人爲栢人令於此得仙非王子喬也

充尙無所見羨門高者秦始索隱最後皆燕人索隱最後猶

皇使盧生求羨門子高是也

度說止有四人是也小顏云自宋毋忌至爲方僊道形

最後凡五人劉伯莊亦同此說恐未詳

解銷化集解服虔曰尸解也張晏曰人老如解去故骨

則變化也今山中有龍骨世人謂之龍解骨化

去依於鬼神之事騶衍以陰陽主運集解如淳曰今其

也次轉用事隨方面爲服顯於諸侯而燕齊海上之方

隱主運是鄒子之書篇名

士傳其術不能通然則怪迂阿諛苟合之徒自此興不

可勝數也自威宣燕昭使人入海求蓬萊方丈瀛州此

三神山者其傳在勃海中

集解服虔曰傳音附或曰其傳書云爾瓚云世人相傳之

去人不遠患且至則船風引而去蓋嘗有至者諸僊人及不死之藥皆在焉其物禽獸盡白而黃金銀爲宮闕未至望之如雲及到三神山反居水下臨之風輒引去終莫能至云世土莫不甘心焉

索隱謂心甘羨也

及至秦始皇

并天下至海上則方士言之不可勝數始皇自以爲至海上而恐不及矣使人乃齋童男女入海求之船交海中皆以風爲解

索隱顧野王云皆自解說遇風不至也

曰未能至望見之

焉其明年始皇復游海上至琅邪過恒山從上黨歸後

三年游碣石考入海方士

集解服虔曰疑詐故考之攢曰考校其虛實也

從上

郡歸後五年始皇南至湘山遂登會稽並海上冀遇海

中三神山之奇藥不得還至沙丘崩

正義括地志云沙丘臺在邢州平鄉

東北三十里

二世元年東巡碣石並海南歷泰山至會稽皆

禮祠之而刻勒始皇所立石書旁以章始皇之功德

案

小顏云今此諸山皆有始皇所刻石及胡亥重刻其文並具存也

其秋諸侯畔秦三年

而二世弒死始皇封禪之後十三歲秦亡諸儒生疾秦

焚詩書誅僂文學百姓怨其法天下畔之皆譌曰始皇

上泰山爲暴風雨所擊不得封禪此豈所謂無其德而

用事者邪

案即封禪書序云蓋有無其應而用事者矣此當有所本太史公再引以爲說也昔

三代之君皆在河洛之間

正義世本云夏禹都陽城避商均也又都平陽或在安邑

或在晉陽也帝王世紀云殷湯都亳在梁又都偃師至盤庚徙河北又徙偃師也周文武都鄴鄴至平王徙都河南按三代之居皆在河洛之間也故嵩高爲中岳而四岳各如其方四

瀆咸在山東至秦稱帝都咸陽則五岳四瀆皆并在東方自五帝以至秦軼興軼衰名山大川或在諸侯或在

天子其禮損益世殊不可勝記及秦并天下令祠官所

常奉天地名山大川鬼神可得而序也於是自殽以東

案隱殽卽嶠山杜預云嶠在弘農澠池縣西南卽今之二郟山是也亦音豪名山大川祠

二曰太室太室嵩高也恒山泰山會稽湘山案隱地理志湘山在

長沙水曰濟曰淮案隱風俗通云濟廟在臨邑淮廟在平氏也春以脯酒爲歲

祠因泮凍

集解服虔曰解凍索隱爲音于僞反

秋涸凍

索隱案字林涸竭也音下各反小顏

云涸讀與洹同洹凝也音下故反春則解秋則凝

冬賽禱祠

索隱賽音先代反賽謂報神福也

其牲用牛犢各一牢具珪幣各異自華以西名山七名

川四曰華山

正義括地志云華山在華州華陰縣南八里古文以爲敦物也註云華嶽本一山當

河水過而行河神巨靈手盪脚踧開而爲兩今脚踏在東首陽下手掌在華山今呼爲仙掌河流於二山之間

也開山圖云巨靈胡者偏得神仙之道能造山川出江河也

薄山薄山者襄山也

集解

徐廣曰蒲阪縣有襄山或字誤也索隱應劭云襄山在潼關北十餘里穆天子傳云自河首襄山酈元水經云

薄山統目與襄山不殊在今芮城北與中條山相連是薄襄一山名也正義薄音白落反襄音色眉反括地志

云薄山亦名襄山一名寸棘山一名渠山一名雷首山一名獨頭山一名首陽山一名吳山一名條山在陝州

芮縣城北十里此山西起雷山東至吳坂凡十名以岳州縣分之多在蒲州今史文云自華以西未詳也

山岐山

集解徐廣曰武功縣有大壺山又有岳山索隱地理志岐山在美陽縣西北也

吳岳集解

徐廣曰在汧也

索隱徐說非也

鴻冢瀆山瀆山蜀之汶

山也

索隱黃帝臣大鴻葬雍鴻冢蓋因大鴻葬爲名也地理志蜀郡湔氏道嶧山在西郭璞註云山在汶

陽郡廣陽縣一名瀆山也

水曰河祠臨晉

索隱韋昭曰臨晉馮翊縣地理志臨晉有河水祠

義卽同州馮翊縣本漢臨晉縣也收大荔秦獲之更名括地志云大河祠在同州朝邑縣南三十里山海經云

水夷人面乘兩龍也太公金匱云馮脩也龍魚河圖云河伯姓呂公子夫人姓馮名夷河伯字也華陰潼鄉隄

首人水死化爲河伯應劭云夷馮夷乃水仙也

沔祠漢中

索隱水經云沔水出武都沮縣注云東南

注漢所謂漢水故祠之漢中樂彥云漢女者漢神是也

湫淵祠朝那

集解蘇林曰湫淵在安定

朝那縣方四十里停不流冬夏不增減不生草木音將蓼反索隱湫音子小反又音子由反卽龍之所處也

義括地志云朝那湫祠在原州平高縣東南二十里湫谷水源出寧州安定縣

江水祠蜀

索隱風俗

通云江出嶧山嶧山廟在江都地理志江都有江水祠蓋漢初祠之於源後祠之於委也廣雅云江神謂之奇湘江記云帝女也卒爲江神華陽國志云蜀守李冰於彭門關立江神祠三所漢舊儀云祭四瀆用三牲圭沉有車馬紺蓋正義括地志云江瀆祠在益州成都縣南八里秦并天下江水祠蜀亦春秋泮涸

禱賽如東方名山川而牲牛犢牢具珪幣各異而四大

豕鴻歧吳岳皆有嘗禾

集解孟康曰以新穀祭案謂四山爲大豕爾雅云山頂曰

豕蓋亦因鴻豕而爲號也

陳寶節來祠

集解服虔曰陳寶神應節來也

其河加有嘗

醪此皆在雍州之域近天子之都故加車一乘駟駒四

灞產

正義括地志云灞水古滋水也亦名曰藍谷水卽秦嶺水之下流在雍州藍田縣澁水卽荆溪狗柳

之下流也在雍州萬年縣也

長水澧澇

集解徐廣曰音勞駟案漢書音義曰水名在鄠縣界案

百官表有長水校尉沈約宋書云營近長水因以爲名水經云長水出白鹿原今之荆溪水是也十三州記澧

水出鄠縣南也。正義括地志云澧水涇渭皆非大川以近

咸陽盡得比山川祠而無諸加。集解韋昭曰汧洛正義括地

志云汧水源自隴州汧源縣西南汧山東入渭洛水源自慶州洛源縣白於山南流入渭又云洛水商州洛南

縣西豕嶺山東北流入河二淵。正義地理志云二川源

按有三洛水未知祠何者。嶺東二川鳴澤。正義服虔云鳴澤在涿郡遼縣正義括

合因名也。按遼縣在易州漆水縣北一里故遼城是也澤在遼南。蒲山岳嶠山。集解徐廣曰嶠音先許反

之屬爲小山川亦皆歲禱賽泅祠禮不必同而雍有

日月參辰。索隱漢書舊儀云祭參辰於池陽谷口夾道在右爲壇也雍地名也南北斗熒

惑太白歲星填星二十八宿風伯雨師四海九臣。集解晉灼

曰自此以下星至天淵玉女凡二十六小神不說十四臣。索隱九臣十四臣並不見其名數所出故

昔賢皆不論也諸布諸嚴諸述之屬百有餘廟案隱爾雅祭星

是祭星之處速亦未詳漢書作逐西亦有數十祠案隱西即隴西之西

焉於湖有周天子祠案隱地理志湖縣屬京於下邳有

天神灑瀉有昭明案隱案樂彥引河圖天子辟池案隱樂彥

云辟池未聞顧氏以為璧池即瀉池所謂華陰平舒道

逢使者持璧以遺瀉池君故曰璧池今案謂天子辟池

即用天子辟雍之地故周文王都鄴武王都鄗既

立靈臺則亦有辟雍耳張衡亦以辟池為雍也於社

亳有三社主之祠案隱韋昭曰亳音薄湯所都瓚曰濟

亳亭則社字誤合作杜亳且據文列於下皆是地邑則

杜是縣案秦寧公與亳王戰亳王奔戎遂滅湯社皇甫

謚亦云周桓王時自有亳王號湯非殷也而臣瓚以亳

為成湯之邑故云在於濟陰非也案謂社亳二邑有三

社主之祠也

壽星祠

案隱壽星蓋南極老人星也見則天下

理安故祠之以祈福壽也正義角亢在

辰爲壽星三月之時萬物始生建於春氣布養各盡其性不罹災夭故壽而雍管廟亦有杜

主集解李奇曰菅茅也索隱地理志杜陵故

墨子云周宣王殺杜伯不以罪後宣王田於圃見杜伯執弓矢射宣王伏殺而死故祠之也正義括地志云杜

祠雍州長安縣西南二十五里其在秦中最小鬼之神者索隱謂其鬼

靈者也各以歲時奉祠唯雍四時上帝爲尊索隱雍有五

顧氏以爲兼下文上帝爲五非也案四時據秦舊而言秦襄公始列爲諸侯而作西時文公卜居汧渭之間而

作鄜時皆非雍也至秦德公卜居雍而後宣公作密時祠青帝靈公作上時祠黃帝下時祠炎帝獻公作畦時

祠白帝是爲四并高祖增黑帝而五也正義括地志云

鄜時吳陽上下時是言秦用四時祠上帝青黃赤白最尊貴其光景動人民唯陳寶故雍四時春以爲歲禱因

之也泮凍秋涸凍冬賽祠五月嘗駒及四仲之月祠若月祠

陳寶節來一祠春夏用駢秋冬用駢時駒四匹木禺龍

樂車一駟

集解駟案漢書音義曰禺寄也寄生龍形於木也索隱禺音偶謂偶其形於木禺馬亦然

樂車謂車有鈴乃有和樂之節故取名也

木禺車馬一駟各如其帝色黃犢

羔各四珪幣各有數皆生瘞埋無俎豆之具

義豆以木爲之受

四升高尺二寸漆其中大夫以上赤雲氣畫諸侯加象飾口足天子玉飾之也

三年一郊秦以

冬十月爲歲首故常以十月上宿郊見

集解李奇曰通宿猶齋戒也

權火

集解張晏曰權火烽火也狀若井潔臯也其法類稱故謂之權欲令光明遠照通祀所也漢祀五時

於雍五里一烽火如淳曰權舉也

索隱權如字一音權周禮有司燧燧火官張晏解非也拜於咸陽

之旁而衣上白其用如經祠云

集解服虔曰經常也西時畦時祠

如其故上不親往諸此祠皆太祝常主以歲時奉祠之

至如他名山川諸鬼及八神之屬上過則祠去則已郡縣遠方神祠者民各自奉祠不領於天子之祝官祝官有祕祝卽有菑祥輒祝祠移過於下

正義謂有災祥輒令祝官祠祭移其

咎惡於衆官及百姓也

漢興高祖之微時嘗殺大蛇有物曰蛇白

帝子也而殺者赤帝子高祖初起禱豐枌榆社

集解張晏曰枌

白榆也社在豐東北十五里或曰枌榆鄉名高祖里社

徇沛爲沛公則祠蚩尤覺

鼓旗遂以十月至灞上與諸侯平咸陽立爲漢王因以十月爲年首而色上赤二年東擊項籍而還入關問故秦時上帝祠何帝也對曰四帝有白青黃赤帝之祠高祖曰吾聞天有五帝而有四何也莫知其說於是高祖

曰吾知之矣乃待我而具五也乃立黑帝祠命曰北時
有司進祠上不親往悉召故秦祝官復置太祝太宰如
其故儀禮因令縣爲公社

集解李奇曰猶官社

下詔曰吾甚重祠

而敬祭今上帝之祭及山川諸神當祠者各以其時禮

祠之如故

集解徐廣曰高祖本紀曰二年六月令祠官祀天地四方上帝山川以時祀之

後四

歲天下已定詔御史令豐謹治枌榆社常以四時春以
羊彘祠之令祝官立蚩尤之祠於長安長安置祠祝官
女巫其梁巫祠天地天社天水房中堂上之屬

樂志有禮

安世房中歌皆謂祭時房中堂上歌先祖之功德也

晉巫祠五帝東君雲中司命

巫社巫族人先炊之屬

楚詞雲中雲也東君雲中亦見

歸藏易也周禮以樛燎祠司命鄭衆云司命文昌四星也正義先炊古炊母之神也秦巫祠社主

巫保族彙之屬

索隱社主卽上文三社之主巫保族彙二神名彙音力追反

荆巫祠

堂下巫先司命施糜之屬

集解應劭曰先人所在之國及有靈施化民人又貴悉置

祠巫祝博求神靈之意文穎曰巫掌神之位次者也范氏世仕於晉故祠祝有首巫范會支庶留秦爲劉氏故有秦巫劉氏隨魏都大梁故有梁巫後徙豐豐屬荆故有荆巫索隱巫先謂古巫之先有靈者蓋巫咸之類也施糜鄭玄謂主九天巫祠九天索隱孝武本紀云立九

施糜粥之神

九天巫祠九天

索隱孝武本紀云立九

云胡巫事九天於神明臺淮南子云中央曰鈞天東方曰蒼天東北旻天北方元天西北幽天西方皓天西南朱天南方炎天東南陽天是爲九天也正義太元經云一中天二羨天三徙天四罰更天五辟天六郭天七咸天八治天皆以歲時祠宮中其河巫祠河於臨晉而南九成天也

山巫祠南山秦中秦中者二世皇帝

集解張晏曰子產云匹夫匹婦強死

者翬臆能
依人爲厲
各有時月其後二歲或曰周興而邑郃立后

稷之祠至今血食天下

正義顏師古云祭有牲牢故言血食遍於天下

於是高

祖制詔御史其令郡國縣立靈星祠常以歲時祠以牛

集解

張晏曰龍星左角曰天田則農祥也晨見而祭

義漢舊儀云五年脩復周家舊祠祀后稷於東南爲民

祈農報厥功夏則龍星見而始雩龍星左角爲天田右

角爲大庭天田爲司馬教人種百穀爲稷靈者神也辰

之神爲靈星故以壬辰日祠靈星於東南金勝

爲土相也廟記云靈星祠在長安城東十里

高祖十

年春有司請令縣常以春三月及時臘祠社稷以羊豕

民里社各自財以祠制曰可其後十八年孝文帝卽位

卽位十三年下詔曰今祕祝移過于下朕甚不取自今

除之始名山大川在諸侯諸侯祝各自奉祠天子宫不

領及齊淮南國廢令太祝盡以歲時致禮如故

正義齊有泰山

淮南有天柱山二山初天子祝官不領遂廢其祀令諸侯奉祠今令太祝盡以歲時致禮如秦故儀

是歲

制曰朕卽位十三年于今賴宗廟之靈社稷之福方內

又安民人靡疾間者比年登朕之不德何以饗此皆上

帝諸神之賜也蓋聞古者饗其德必報其功欲有增諸

神祠有司議增雍五時路車各一乘駕被具

正義顏師古云駕車

被馬之飾皆具

西時畦時禹車各一乘禹馬四匹駕被具其河

湫漢水

正義河湫黃河及湫泉

加玉各二

正義言二水祭時各加玉璧二枚

及諸

祠各增廣壇場珪幣俎豆以差加之而祝釐者歸福於

朕百姓不與焉自今祝致敬毋有所祈魯人公孫臣上

書曰始秦得水德今漢受之推終始傳則漢當土德土

德之應黃龍見宜改正朔易服色色尚黃是時丞相張

蒼好律歷以爲漢乃水德之始故河決金堤

集解駟案漢書音義

曰在東郡界

其符也

索隱謂河決乃水德之符應也

年始冬十月色外黑內

赤

集解服虔曰十月陰氣在外黑陽氣尚伏在地故內赤

與德相應如公孫臣言

非也罷之後三歲黃龍見成紀

集解徐廣曰在文帝十五年春正義按成紀今

秦州縣也

文帝乃召公孫臣拜爲博士與諸生草改歷服色

事其夏下詔曰異物之神見于成紀無害於民歲以有年朕祈郊上帝諸神禮官議無諱以勞朕有司皆曰古者天子夏親郊祠上帝於郊故曰郊於是夏四月文帝

始郊見雍五時祠衣皆上赤其明年趙人新垣平以望

氣見上言長安東北有神氣成五采若人冠纁焉或曰

東北神明之舍西方神明之墓也集解張晏曰神明日也日出東方舍謂暘

谷日沒於西墓謂北谷也天瑞下宜立祠上帝以合符應於是作渭

陽五帝廟同宇帝一殿面各五門各如其帝色祠所用

及儀亦如雍五時集解韋昭曰宇謂上同下異禮所謂複廟重屋也瓚曰一營宇之中立五

廟正義括地志云渭陽五帝廟在雍州咸陽縣東三十里宮殿疏云五帝廟一字五殿也按一字之內而設五

帝各依其方帝別為一夏四月文帝親拜霸渭之會集解

殿而門各如帝色也如淳曰二水之會正義渭以郊見渭陽五帝五帝廟南

臨渭北穿蒲池溝水正義顏師古云蒲池為池而種蒲也蒲字或作蘭言其水恐顏說非

按括地志云渭北咸陽縣有蘭池始皇逢盜蘭池者也
言穿溝引渭水入蘭池也疑蘭字誤作爲蒲重更錯失
權火舉而祠若光輝然屬天焉於是貴平上大夫賜累

千金而使博士諸生刺六經中作王制

紫蘭小顏云刺謂采取之也劉

向七錄云文帝所造書有本
制兵制服制篇刺音七賜反

謀議巡狩封禪事文帝出

長安門

集解徐廣曰在霸陵駟案如淳曰亭名也

正義

中後館陶公主長門園武帝以長門名宮卽此

若見五人於道北遂因其直北

立五帝壇

集解孟康曰直值也值其立處以作壇

祠以五牢具其明年新

垣平使人持玉杯上書闕下獻之平言上曰闕下有寶

玉氣來者已視之果有獻玉杯者刻曰人主延壽平又

言臣候日再中

索隱

晉灼云淮南云魯陽公與韓構戰戰酣日暮援戈麾之日爲却三舍豈其

然乎居頃之日卻復中於是始更以十七年爲元年今天

下大酺平言曰周鼎亡在泗水中今河溢通泗臣望東

北汾陰直有金寶氣意周鼎其出乎兆見不迎則不至

於是上使使治廟汾陰南臨河欲祠出周鼎

集解徐廣曰是後三

十七年鼎出汾陰

人有上書告新垣平所言氣神事皆詐也下

平吏治誅夷新垣平自是之後文帝怠於改正朔服色

神明之事而渭陽長門五帝使祠官領以時致禮不往

焉明年匈奴數入邊興兵守禦後歲少不登數年而孝

景卽位十六年祠官各以歲時祠如故無有所興至今

天子

集解案自此後武帝事褚先生取爲武帝本紀注解已在第十二卷今直載徐義

今天子

初卽位尤敬鬼神之祀元年漢興已六十餘歲矣天下
又安搢紳之屬皆望天子封禪改正度也而上鄉儒術
招賢良趙綰王臧等以文學爲公卿欲議古立明堂城
南以朝諸侯草巡狩封禪改歷服色事未就會竇太后
治黃老言不好儒術使人微伺得趙綰等姦利事召案
綰臧綰臧自殺諸所興爲皆廢後六年竇太后崩其明
年徵文學之士公孫弘等明年今上初至雍郊見五時
後常三歲一郊案漢舊儀云元年祭天二年祭地是
三年祭五時三歲一遍皇帝自行也是
時上求神君舍之上林中蹠氏觀神君者長陵女子以
子死見神於先後宛若宛若祠之其室民多往祠平原

君往祠其後子孫以尊顯及今上卽位則厚禮置祠之內中聞其言不見其人云是時李少君亦以祠竈穀道却老方見上上尊之少君者故深澤侯舍人

案表深澤侯趙

將夜以高祖八年封侯至元朔五年夷侯胡薨無後國除

主方匿其年及其生長常

自謂七十能使物却老其游以方徧諸侯無妻子人聞其能使物及不死更饋遺之常餘金錢衣食人皆以爲不治生業而饒給又不知其所人愈信爭事之少君資好方善爲巧發奇中嘗從武安侯飲

案武安侯田蚡也

坐中

有九十餘老人少君乃言與其大父游射處老人爲兒時從其大父識其處一坐盡驚少君見上上有故銅器

問少君少君曰此器齊桓公十年陳於柏寢

索隱韓子云齊景公

與晏子遊於少海登柏寢之臺而望其國已而案其刻果齊桓公器一宮盡

駭以爲少君神數百歲人也少君言上曰祠竈則致物致物而丹沙可化爲黃金黃金成以爲飲食器則益壽益壽而海中蓬萊僊者乃可見見之以封禪則不死黃帝是也臣常游海上見安期生安期生食巨棗大如瓜

索隱包愷云巨或作臣安期生僊者通蓬萊中合則見人不合則

隱於是天子始親祠竈遣方士入海求蓬萊安期生之屬而事化丹沙諸藥齊爲黃金矣居久之李少君病死天子以爲化去不死而使黃鍾

藥解徐廣曰鍾音才恚反鍾縣黃縣皆在東萊

史寬舒受其方求蓬萊安期生莫能得而海上燕齊怪

迂之方士多更來言神事矣毫人謬忌奏祠太一方曰

天神貴者太一

索隱樂汁微圖曰天宮紫微北極天一太一宋均云天一太一北極神之別名

春秋佐助期曰紫宮天皇耀魄寶之所理也石氏云天一太一各一星在紫宮門外立承事天皇大帝太

一佐曰五帝古者天子以春秋祭太一東南郊用太牢

七日爲壇開八通之鬼道

索隱司馬彪續漢書祭祀志云壇有八陛通道以爲門又

三輔黃圖云上帝壇八觚神道八通廣三十步也

於是天子令太祝立其祠長

安東南郊常奉祠如忌方其後人有上書言古者天子

三年壹用太牢祠神三一天一地一太一天子許之令

太祝領祠之於忌太一壇上如其方後人復有上書言

古者天子常以春解祠

索隱謂祠祭以解殃咎求福祥也

祠黃帝用一

臯破鏡冥羊用羊祠馬行用一青牡馬太一澤

集解徐廣曰澤

一作山君地長用牛

索隱此則人上書言古天子祭太一太一天神也澤山本紀作嶧山

澤山君地長謂祭地於嶧山同用太牢故云用牛蓋是異代之法也

武夷君用乾魚

索隱顧氏

案地理志建安有武夷山溪有仙人葬處卽漢志書所謂武夷君是時旣用越巫勇之疑卽此神今案其祀用乾魚兼不享牲牢或如顧說也陰陽使者以一牛令祠官領之如其方

而祠於忌太一壇旁其後天子苑有白鹿以其皮爲幣

以發瑞應造白金焉

索隱樂彥云謂龍馬龜也

其明年郊雍

集解徐廣曰武

帝立巳獲一角獸若麟然有司曰陛下肅祇郊祀上帝

報享錫一角獸蓋麟云於是以薦五時時加一牛以燎

錫諸侯白金風符應合於天也於是濟北王以爲天子

且封禪乃上書獻泰山及其旁邑天子以他縣償之常

山王有罪遷天子封其弟於真定以續先王祀

集解徐廣曰元

鼎四年時而以常山爲郡然後五岳皆在天子之邦其明年

齊人少翁以鬼神方見上上有所幸王夫人

集解徐廣曰外戚傳

曰趙之王夫人幸有子封爲齊王夫人卒少翁以方蓋夜致王夫人及

竈鬼之貌云

索隱漢書作李夫人卒帝悼之李少翁致其形帝爲作賦此云王夫人新論亦同未

詳天子自帷中望見焉於是乃拜少翁爲文成將軍賞

賜甚多以客禮禮之文成言曰上卽欲與神通宮室被

服非象神神物不至乃作畫雲氣車及各以勝日駕車

辟惡鬼

樂彥云畫以勝日者謂畫青車以甲乙畫赤車以丙丁畫元車以壬癸畫白車以庚辛畫

黃車以戊己將有水事則乘黃車故云駕車辟惡鬼也

又作甘泉宮中爲臺室畫

天地太一諸鬼神而致祭具以致天神居歲餘其方益

衰神不至乃爲帛書以飯牛詳不知言曰此牛腹中有

奇殺視得書書言甚怪天子識其手書問其人果是僞

書於是誅文成將軍隱之其後則又作柏梁銅柱

徐廣

曰元鼎二年時

承露仙人掌之屬矣文成死明年天子病鼎湖

甚

三輔黃圖云鼎湖宮名在藍田韋昭云地名近宜春案湖本屬京兆後分屬弘農恐非鼎湖處也

巫醫無所不致不愈游水發根言上郡有巫病而鬼神

下之上召置祠之甘泉及病使人問神君神君言曰天

子無憂病病少愈彊與我會甘泉於是病愈遂起幸甘泉病良已大赦置酒壽宮神君壽宮神君最貴者太一其佐曰大禁司命之屬皆從之弗可得見聞其言言與人音等時去時來來則風肅然居室帷中時晝言然常以夜天子被然後入因巫爲主人關飲食所以言行下又置壽宮北宮張羽旗設供具以禮神君神君所言上使人受書其言命之曰書法其所語世俗之所知也無絕殊者而天子心獨喜其事祕世莫知也其後三年有司言元宜以天瑞命不宜以一二數一元曰建二元以長星日光三元以郊得一角獸曰狩云其明年冬天子

郊雍議曰今上帝朕親郊而后土無祀則禮不答也有
司與太史公祠官寬舒議天地牲角鬻粟今陛下親祠
后土后土宜於澤中圓丘爲五壇壇一黃犢太牢具已
祠盡瘞而從祠衣上黃於是天子遂東始立后土

集解
徐廣

曰元鼎
四年

祠汾陰睢丘如寬舒等議上親望拜如上帝禮

禮畢天子遂至滎陽而還過雒陽下詔曰三代邈絕遠
矣難存其以三十里地封周後爲周子南君以奉其先
祀焉是歲天子始巡郡縣浸尋於泰山矣其春樂成侯
上書言樂大樂大膠東宮人故嘗與文成將軍同師已
而爲膠東王尙方而樂成侯姊爲康王后

索隱
康
王名寄

無子

康王死他姬子立爲王

集解徐廣曰以元狩二年薨

而康后有淫行

與王不相中

索隱三蒼云中得也

相危以法康后聞文成已死而

欲自媚於上乃遣樂大因樂成侯求見言方天子既誅

文成後悔其蚤死惜其方不盡及見樂大大說大爲人

長美言多方略而敢爲大言處之不疑大言曰臣常往

來海中見安期羨門之屬顧以臣爲賤不信臣又以爲

康王諸侯耳不足與方臣數言康王康王又不用臣臣

之師曰黃金可成而河決可塞不死之藥可得僊人可

致也然臣恐效文成則方士皆奄口惡敢言方哉上曰

文成食馬肝死耳

索隱論衡云氣勃而毒盛故食走馬肝馬肝殺人儒林傳曰食肉無食馬

肝是也

子誠能脩其方我何愛乎

索隱上語樂大云子誠能脩文成方我更何所

愛惜乎謂不吝金寶祿位也

大曰臣師非有求人人者求之陛下必

欲致之則貴其使者令有親屬以客禮待之勿卑使各

佩其信印乃可使通言於神人神人尙肯邪不邪致尊

其使然後可致也於是上使驗小方鬪碁碁自相觸擊

索隱顧氏案萬畢術云取雞血雜磨針鐵搗和磁石碁頭置勺上自相抵擊也

是時上方憂河

決而黃金不就乃拜大爲五利將軍居月餘得四印

索隱

謂五利將軍天士將軍地士將軍大通將軍大通將軍爲四也

佩天士將軍地士將軍大通

將軍印制詔御史昔禹疏九江決四瀆間者河溢臯陸

隄繇不息朕臨天下二十有八年

集解繇廣曰元鼎四年也

天若遺

朕士而大通焉乾稱蜚龍鴻漸于般朕意庶幾與焉其

以二千戶封地士將軍大爲樂通侯賜列侯甲第僮千

人乘輦斥車馬帷幄器物以充其家又以衛長公主妻

之

索隱衛子夫之子曰衛太子女曰衛長公主是衛后長女也非如帝姊曰長公主之例也

齋金萬

斤更命其邑曰當利公主

索隱地理志東萊有當利縣

天子親如五

利之第使者存問供給相屬於道自大主

集解徐廣曰武帝姑

將

相以下皆置酒其家獻遺之於是天子又刻玉印曰天

道將軍使使衣羽衣夜立白茅上五利將軍亦衣羽衣

夜立白茅上受印以示不臣也而佩天道者且爲天子

道天神也於是五利常夜祠其家欲以下神神未至而

百鬼集矣然頗能使之其後裝治行東入海求其師云
大見數月佩六印

索隱更加樂通侯及天道將軍印爲六印

貴震天下而海

上燕齊之間莫不揜挽而自言有禁方能神僊矣其夏
六月中汾陰巫錦爲民祠魏睢后土營旁見地如鈎狀
掇視得鼎鼎大異於衆鼎文鏤無款識怪之言吏吏告
河東太守勝勝以聞天子使使驗問巫得鼎無姦詐乃
以禮祠迎鼎至甘泉從行上薦之至中山

集解徐廣曰河渠書曰鑿

涇水自中山西

瞻盥有黃雲蓋焉有麋過上自射之因以祭云

集解徐廣曰土言從行上薦之或者祭鼎也

至長安公卿大夫皆議請尊寶

鼎天子曰間者河溢歲數不登故巡祭后土祈爲百姓

育穀今歲豐廡未報鼎曷爲出哉有司皆曰聞昔泰帝

興神鼎一

孔文祥云泰帝太昊也

一者壹統天地萬物所繫終

也黃帝作寶鼎三象天地人禹收九牧之金鑄九鼎皆

嘗亨鴈

徐廣曰鴈亨煮也音鴈皆嘗以亨牲牢而祭祀

上帝鬼神遭聖則興

鼎遷于夏商周德衰宋之社亡鼎乃淪沒伏而不見頌

云自堂徂基自羊徂牛鼐鼎及鼯不吳不驚胡考之休

今鼎至甘泉光潤龍變承休無疆合茲中山

徐廣曰關中亦

復有中山也非魯中山

有黃白雲降蓋若獸爲符路弓乘矢集獲

壇下報祠大享

徐廣曰一云大報祠享

唯受命而帝者心知其

意而合德焉鼎宜見於祖禰藏于帝廷以合明應制曰

可入海求蓬萊者言蓬萊不遠而不能至者殆不見其
氣上乃遣望氣佐候其氣云其秋上幸雍且郊或曰五
帝太一之佐也宜立太一而上親郊之上疑未定齊人
公孫卿曰今年得寶鼎其冬辛巳朔旦冬至與黃帝時
等卿有札書曰黃帝得寶鼎宛胸問於鬼臾區鬼臾區
對曰黃帝得寶鼎神策是歲己酉朔旦冬至得天之紀
終而復始於是黃帝迎日推策後率二十歲復朔旦冬
至凡二十推三百八十年黃帝僊登于天卿因所忠欲
奏之所忠視其書不經疑其妄書謝曰寶鼎事已決矣
尙何以爲卿因嬖人奏之上大說乃召問卿對曰受此

書申公申公已死上曰申公何人也卿曰申公齊人與安期生通受黃帝言無書獨有此鼎書曰漢興復當黃

帝之時曰漢之聖者在高祖之孫且曾孫也寶鼎出而

與神通封禪封禪七十二王唯黃帝得上泰山封申公

曰漢主亦當上封上封則能僊登天矣黃帝時萬諸侯

而神靈之封居七千

索隱韋昭云黃帝時萬國以其修神靈得封者七千國或爲七十國

樂彥云以舜爲神明之後封媯滿於陳之類是也顧氏案國語仲尼云山川之守足以紀綱天下者其守爲神

汪芒氏之君守封禺之山也

天下名山八而三在蠻夷五在中國中

國華山首山太室泰山東萊此五山黃帝之所常游與

神會黃帝且戰且學僊患百姓非其道者乃斷斬非鬼

神者人乃斷理而誅斬之。百餘歲然後得與神通黃

帝郊雍上帝宿三月鬼臾區號大鴻死葬雍故鴻冢是

也其後黃帝接萬靈明廷明廷者甘泉也所謂寒

集解 徐廣

曰一門者谷口也黃帝采首山銅鑄鼎於荆山下鼎既

作塞

成有龍垂胡髯下迎黃帝

索隱

說文云胡牛垂頰也釋名云胡在咽下垂者則所謂

龍胡也

黃帝上騎羣臣後宮從上者七十餘人龍乃上去

餘小臣不得上乃悉持龍髯龍髯拔墮墮黃帝之弓百

姓仰望黃帝既上天乃抱其弓與胡髯號故後世因名

其處曰鼎湖其弓曰烏號於是天子曰嗟乎吾誠得如

黃帝吾視去妻子如脫躡耳乃拜卿爲郎東使候神於

太室上遂郊雍至隴西西登崆峒幸甘泉令祠官寬舒

等具太一祠壇祠壇放薄忌太一壇壇三垓

集解徐廣曰階次也

五帝壇環居其下各如其方黃帝西南除八通鬼道太

一其所用如雍一時物而加醴棗脯之屬殺一狸牛以

爲俎豆牢具而五帝獨有俎豆醴進其下四方地爲醊

食羣臣從者及北斗云已祠胙餘皆燎之其牛色白鹿

居其中彘在鹿中水而洎之

集解徐廣曰洎一作酒灌於釜中曰洎音冀

祭

日以牛祭月以羊彘特

紫隱

樂彥云祭日以太牢月以少牢特不用牝也小顏云牛羊

若彘止一牲故云特也

太一祝宰則衣紫及繡五帝各如其色日

赤月白十一月辛巳朔旦冬至昧爽天子始郊拜太一

朝朝日夕夕月則揖而見太一如雍郊禮其贊饗曰

禮記

顧氏云饗祀祠也漢舊儀云贊饗一人秩六百石是也

天始以寶鼎神策授皇帝

朔而又朔終而復始皇帝敬拜見焉而衣上黃其祠列
火滿壇壇旁亨炊具有司云祠上有光焉公卿言皇帝
始郊見太一雲陽有司奉瑄玉嘉牲薦饗是夜有美光
及晝黃氣上屬天太史公祠官寬舒等曰神靈之休祐
福兆祥宜因此地光域立太時壇以明應令太祝領秋
及臘間祠三歲天子一郊見其秋爲伐南越告禱太一
以牡荆畫幡日月北斗登龍以象太一三星爲太一鋒

集解

徐廣曰天官書曰天極星明者太一常居也斗口三星曰太一

命曰靈旗爲兵禱則

太史奉以指所伐國而五利將軍使不敢入海之泰山
祠上使人隨驗實毋所見五利妄言見其師其方盡多
不讎

索隱鄭德云相應爲讎謂其言語不相應無驗也

上乃誅五利其冬公孫

卿候神河南言見僊人跡緱氏城上有物如雉往來城
上天子親幸緱氏城視跡問卿得毋效文成五利乎卿
曰僊者非有求人主人主者求之其道非少寬假神不
來言神事事如迂誕積以歲乃可致也於是郡國各除
道繕治宮觀名山神祠所以望幸也其春旣滅南越上
有嬖臣李延年以好音見上善之下公卿議曰民間祠
尙有鼓舞樂今郊祀而無樂豈稱乎公卿曰古者祠天

地皆有樂而神祇可得而禮或曰太帝使素女鼓五十

弦瑟瑟帝禁不止故破其瑟爲二十五弦於是賽南越

禱祠太一后土始用樂舞益召歌兒作二十五弦

集解徐廣

曰及空侯

集解徐廣曰應劭云武帝令樂人侯調始造此器

琴瑟自此起其來

年冬上議曰古者先振兵釋旅

集解徐廣曰古釋字作澤

然後封禪

乃遂北巡朔方勒兵十餘萬還祭黃帝冢橋山釋兵須

如

集解徐廣曰須一作涼

上曰吾聞黃帝不死今有冢何也或對

曰黃帝已僊上天羣臣葬其衣冠旣至甘泉爲且用事

泰山先類祠太一自得寶鼎上與公卿諸生議封禪封

禪用希曠絕莫知其儀禮而羣儒采封禪尙書周官王

制之望祀射牛事齊人丁公年九十餘曰封禪者合不
死之名也秦皇帝不得上封陛下必欲上稍上卽無風
雨遂上封矣上於是乃令諸儒習射牛草封禪儀數年
至且行天子旣聞公孫卿及方士之言黃帝以上封禪
皆致怪物與神通欲放黃帝以上接神僊人蓬萊士高
世比德於九皇而頗采儒術以文之羣儒旣已不能辨
明封禪事又牽拘於詩書古文而不能騁上爲封禪祠
器示羣儒羣儒或曰不與古同徐偃又曰太常諸生行
禮不如魯善周霸屬圖封禪事於是上絀偃霸而盡罷
諸儒不用三月遂東幸緱氏禮登中岳太室從官在山

下聞若有言萬歲云問上上不言問下下不言於是
以三百戶封太室奉祠命曰崇高邑東上泰山泰山之草
木葉未生乃令人上石立之泰山巔上遂東巡海上行
禮祠八神齊人之上疏言神怪奇方者以萬數然無驗
者乃益發船令言海中神山者數千人求蓬萊神人公
孫卿持節常先行候名山至東萊言夜見大人長數丈
就之則不見見其跡甚大類禽獸云羣臣有言見一老
父牽狗言吾欲見巨公已忽不見上卽見大跡未信及
羣臣有言老父則大以爲僊人也宿留海上予方士傳
車及間使求僊人以千數四月還至奉高上念諸儒及

方士言封禪人人殊不經難施行天子至梁父禮祠地主乙卯令侍中儒者皮弁薦紳射牛行事封泰山下東方如郊祠太一之禮封廣丈二尺高九尺其下則有玉牒書書祕禮畢天子獨與侍中奉車子侯上泰山亦有封其事皆禁明日下陰道丙辰禪泰山下趾東北肅然山如祭后土禮天子皆親拜見衣上黃而盡用樂焉江淮間一茅三脊爲神藉五色土益雜封縱遠方奇獸蜚禽及白雉諸物頗以加禮兕牛犀象之屬不用皆至泰山祭后土封禪祠其夜若有光晝有白雲起封中天子從禪還坐明堂羣臣更上壽於是制詔御史朕以眇眇

之身承至尊兢兢焉懼不任維德菲薄不明于禮樂脩
祠太一若有象景光屑如有望震於怪物欲止不敢遂
登封泰山至于梁父而後禪肅然自新嘉與士大夫更
始賜民百戶牛一酒十石加年八十孤寡布帛二匹復
博奉高蛇丘歷城無出今年租稅其大赦天下如乙卯
赦令行所過毋有復作事在二年前皆勿聽治又下詔
曰古者天子五載一巡狩用事泰山諸侯有朝宿地其
令諸侯各治邸泰山下天子既已封泰山無風雨災而
方士更言蓬萊諸神若將可得於是上欣然庶幾遇之
乃復東至海上望冀遇蓬萊焉奉車子侯暴病一日死

素隱 新論云武帝出璽印石則有朕兆子侯則沒印帝畏惡故殺之風俗通亦云然顧角案武帝集帝與子侯家語云道士皆言子侯得仙不足悲此說是也 上乃遂去並海上北至碣石巡

自遼西歷北邊至九原五月反至甘泉有司言寶鼎出爲元鼎以今年爲元封元年其秋有星茀于東井後十餘日有星茀于三能望氣王朔言候獨見旗星出如瓜食頃復入焉有司皆曰陛下建漢家封禪天其報德星

云

素隱 樂彥包愷並作旗星旗星卽德星也符瑞圖云旗星之極芒艷如旗本亦作旗也

其來年

冬郊雍五帝還拜祝祠太一贊饗曰德星昭衍厥維休祥壽星仍出淵耀光明信星昭見皇帝敬拜太祝之享其春公孫卿言見神人東萊山若云欲見天子天子於

是幸緱氏城拜卿爲中大夫遂至東萊宿留之數日無所見見大人跡云復遣方士求神怪采芝藥以千數是歲旱於是天子旣出無名乃禱萬里沙過祠泰山還至瓠子自臨塞決河留二日沈祠而去使二卿將卒塞決河徙二渠復禹之故跡焉是時旣滅兩越越人勇之乃言越人俗鬼而其祠皆見鬼數有效昔東甌王敬鬼壽百六十歲後世怠慢故衰耗乃令越巫立越祝祠安臺無壇亦祠天神上帝百鬼而以雞卜上信之越祠雞卜始用公孫卿曰僊人可見而上往常遽以故不見今陛下可爲觀如緱城

集解徐廣曰一云如緱氏城

置脯棗神人宜可致

也且僊人好樓居於是上令長安則作蜚廉桂觀甘泉

則作益延壽觀

索隱小顏以爲作益壽延壽二館漢武故事云作延壽觀高二十丈

使卿

持節設具而候神人乃作通天莖臺

集解徐廣曰在甘泉索隱漢書並無

莖字疑衍也

置祠具其下將招來僊神人之屬於是甘泉更

置前殿始廣諸宮室夏有芝生殿房內中

集解徐廣曰元封二年

天子爲塞河興通天臺若見有光云乃下詔甘泉房中

生芝九莖赦天下毋有復作其明年伐朝鮮夏旱公孫

卿曰黃帝時封則天旱乾封三年上乃下詔曰天旱意

乾封乎其令天下尊祠靈星焉其明年上郊雍通回中

道巡之春至鳴澤從西河歸其明年冬上巡南郡至江

陵

集解徐廣曰元封五年

而東登禮瀆之天柱山號曰南岳浮江

自尋陽出樅陽過彭蠡禮其名山川北至琅邪並海上
四月中至奉高脩封焉初天子封泰山泰山東北趾古
時有明堂處處險不敞上欲治明堂奉高旁未曉其制
度濟南人公玉帶上黃帝時明堂圖明堂圖中有一殿
四面無壁以茅蓋通水園宮垣爲複道上有樓從西南
入命曰昆侖天子從之入以拜祠上帝焉於是上令奉
高作明堂汶上集解徐廣曰在元封二年秋如帶圖及五年脩封則
祠太一五帝於明堂上坐令高皇帝祠坐對之祠后土
於下房以二十太牢天子從昆侖道入始拜明堂如郊

禮禮畢燎堂下而上又上泰山自有祕祠其巔而太山下祠五帝各如其方黃帝并赤帝而有司侍祠焉山上舉火下悉應之其後二歲十一月甲子朔旦冬至推曆者以本統天子親至泰山以十一月甲子朔旦冬至日祠上帝明堂毋脩封禪

集解徐廣曰常五年一脩耳今適二年故但祠於明堂

其

贊饗曰天增授皇帝太元神策周而復始皇帝敬拜太一東至海上考入海及方士求神者莫驗然益遣冀遇之十一月乙酉柏梁栽十二月甲午朔上親禪高里祠后土臨勃海將以望祀蓬萊之屬冀至殊廷焉上還以柏梁栽故朝受計甘泉公孫卿曰黃帝就青靈臺十二

日燒黃帝乃治明廷明廷甘泉也方士多言古帝王有
都甘泉者其後天子又朝諸侯甘泉甘泉作諸侯邸勇
之乃曰越俗有火裁復起屋必以大用勝服之於是作
建章宮度爲千門萬戶前殿度高未央其東則鳳闕高
二十餘丈其西則唐中數十里虎圈其北治大池漸臺
高二十餘丈命曰太液池中有蓬萊方丈瀛洲壺梁象
海中神山龜魚之屬其南有玉堂壁門大鳥之屬乃立
神明臺并幹樓度五十丈輦道相屬焉夏漢改曆以正
月爲歲首而色上黃官名更印章以五字爲太初元年
是歲西伐大宛蝗大起丁夫人雒陽虞初等以方祠詛

匈奴大宛焉其明年有司上言雍五時無牢熟具芬芳
不備乃令祠官進時犢牢具色食所勝而以木禺馬代
駒焉獨五月嘗駒行親郊用駒及諸名山川用駒者悉
以木禺馬代行過乃用駒他禮如故其明年東巡海上
考神僊之屬未有驗者方士有言黃帝時爲五城十二
樓以候神人於執期命曰迎年上許作之如方命曰明
年上親禮祠上帝焉公玉帶曰黃帝時雖封泰山然風
后封臣歧伯令黃帝封東泰山禪凡集解徐廣曰一作丸山合符
然後不死焉天子既令設祠具至東泰山泰山卑小不
稱其聲乃令祠官禮之而不封禪焉其後令帶奉祠候

神物夏遂還太山脩五年之禮如前而加以禪祠石闕
石闕者在泰山下陞南方方士多言此僊人之闕也故
上親禪焉其後五年復至泰山脩封

集解徐廣曰天漢二年

還過

祭恒山今天子所興祠太一后土三年親郊祠建漢家
封禪五年一脩封薄忌太一及三一冥羊馬行赤星五

寬舒之祠官以歲時致禮

索隱郊祀志云祠官寬舒議祠后土爲五壇故謂之五寬

舒祠官也

凡六祠皆太祝領之至如八神諸明年凡山他名

祠行過則祠行去則已方士所興祠各自主其人終則
已祠官不主他祠皆如其故今上封禪其後十二歲而
還徧於五岳四瀆矣而方士之候伺神人入海求蓬萊

終無有驗而公孫卿之候神者猶以大人之跡爲解無有效天子益怠厭方士之怪迂語矣然羈縻不絕冀遇其真自此之後方士言神祠者彌衆然其效可睹矣

太史公曰余從巡祭天地諸神名山川而封禪焉入壽宮侍祠神語究觀方士祠官之意於是退而論次自古以來用事於鬼神者具見其表裏後有君子得以覽焉若至俎豆珪幣之詳獻酬之禮則有司存

索隱述贊曰禮載升中書稱肆類古今盛典皇王能事登封報天降禪除地飛英騰實金泥石記漢承遺緒斯道不墜仙閣肅然揚休勒誌

史記卷二十八

史記卷二十八考證

封禪書至矣而德不洽○監本訛作至梁父矣衍梁父
二字今改正

視其掌詩云紂在位文王受命○臣照按詩云二字不
審所謂注家皆略蓋唐時無此文也蓋視其掌云爲
句衍一詩字耳

必於高山之下小山之上命曰時○集解索隱文俱有
脫誤不可解

宋母忌索隱樂彥引老子道經云月中仙人宋母忌○
今五千言中無此語

汧洛正義洛水商州洛南縣西冢嶺山○推尋文義洛水下脫出字

杜主故周之右將軍正義括地志云杜祠雍州長安縣西南二十五里○推尋文義杜祠下脫在字

色外黑內赤集解服虔曰十月陰氣在外黑陽氣尙伏在地故內赤○按漢書郊祀志注引服虔云十月陰氣在外故外黑此脫故外二字

曰天神貴者太一索隱樂汁徵圖○當作樂汁圖徵

碁自相觸擊索隱碁頭置局上○推尋文義碁頭上脫塗字

史記卷二十八考證

史記卷二十九

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

河渠書第七

夏書曰禹抑鴻水

索隱抑音憶抑者遏也洪水滔天故禹遏之不令害人也漢書溝瀆志作

堙堙抑皆塞也

十三年過家不入門陸行載車水行載舟泥行

蹈毳山行卽橋

集解徐廣曰橋近遙反一作樅樅直轅車也音已足反尸子曰山行乘樅音力

追反又曰行塗以楯行險以撮行沙以軌又曰乘風車音去喬反 毳字亦作樅同音昌芮反注以撮子芮

反又子絕反 以別九州隨山浚川任土作貢通九道陂

與蕤音同

九澤正義顏師古云通九州之道及障遏其澤也

度九山

正義度田洛反釋名云山者產也治

水以志九州山澤所生物產言於地所宜商而度之以制貢賦

然河蓄衍溢害中國也

尤甚唯是爲務故道河自積石歷龍門

正義在同州韓城縣北五十里

爲鑿廣八十步

南到華陰

正義華陰縣也魏之陰晉秦惠文王更名寧秦漢高帝改曰華陰

東

下砥柱

正義砥柱山俗名三門山在硤石縣東北五十里在河之中

及孟津雜汭至

于大邳

正義孟津在洛州河陽縣南門外孔安國云山再成曰邳按在衛州黎陽縣南七里

於是

禹以爲河所從來者高水湍悍

集解韋昭曰湍疾悍彊也難以行平

地數爲敗乃廝二渠以引其河

集解駟案漢書音義曰廝分也二渠其一出貝

丘西南二折者也其一則潔川

案漢書作灑史記舊本亦作灑字從水按韋昭云疏決爲灑字音疏跬反

斷卽分其流泄其怒是也二渠其一則漯川其二王莽時遂空也北載之高地過降水

正義

降水源出潞州屯

至于大陸

正義

大陸澤在邢州

留縣西南方山東北

及趙州界一名廣河

澤一名鉅鹿澤也

播爲九河

正義

言過降水及大陸水之口至冀州分爲九河也

同爲逆

河入于勃海

集解

瓚曰禹貢曰夾右碣石入于海然則禹時不注勃海也

徙東郡更注勃海

九川旣疏九澤旣灑諸夏艾安功施

于三代自是之後滎陽下引河東南爲鴻溝

集解楚漢中分之界

文穎云卽今官渡水也蓋爲二流一南經陽武爲官渡水一東經大梁城卽河溝今之汴河是也

以通

宋鄭陳蔡曹衛與濟汝淮泗會于楚西方則通渠漢水

雲夢之野東方則通鴻溝江淮之間於吳則通渠三江

五湖

集解韋昭曰五湖湖名耳實一湖今太湖是也在吳西南案三江按地理志北江從會稽毗陵縣

北東入海中江從丹陽蕪湖縣東北至會稽陽羨縣東入海
南江從會稽吳縣南東入海故禹貢有北江中江也
五湖郭璞江賦云具區兆溟彭蠡青草洞庭又云太湖周
五百里故曰五湖於齊則通菑濟

之間於蜀蜀守冰

集解駟案漢書曰冰姓李

鑿離碓

集解晉灼曰古堆字

辟沫

水之害

索隱辟音避沫音末案說文云沫水出蜀西南徼外與青衣合東南入海也

穿二江

成都之中

正義

括地志云大江一名汶江一名管橋水一名清江亦名水江西南自溫江縣界流來

又云郫江一名成都江一名市橋江亦名中日江亦曰內江西北自新繁縣界流來二江並在益州成都縣界杜預益州記云二江者郫江流江也風俗通云秦昭王使李冰爲蜀守開成都縣兩江溉田萬頃神須取女二人以爲婦冰自以爲女與神婚徑至祠勸神酒酒杯澹澹因厲聲責之因忽不見良久有兩蒼牛鬪於江岸有閒輒還流江謂官屬曰吾鬪疲極不當相助耶南向腰中正白者我綬也主簿刺殺北面者江神遂死華陽國志云蜀時濯錦流此渠皆可行舟有餘則用溉浸百姓江中則鮮明也

饗其利至于所過往往引其水益用溉田疇之渠以萬

億計然莫足數也西門豹引漳水溉鄴

正義括地志云漳水一名濁漳

水源出潞州長子縣西力黃山地理志云濁漳水出長子鹿谷山東至鄴入清漳按力黃鹿谷二山北鹿也鄴相州之縣也以富魏之河內而韓聞秦之好興事欲罷之母

令東伐

集解如淳曰欲罷勞之息秦伐韓之計

乃使水工鄭國

集解韋昭曰鄭國能

治水故曰水工

間說秦令鑿涇水自中山西邸瓠口爲渠

索隱

云中音仲卽今九嶷山之東中山是也邸至也瓠口卽谷口郊祀志所謂寒門谷口是也與池陽相近故曰田於河所池陽谷口也正義括地志云中一名仲山在雍州雲陽縣西十五里又云焦穫藪亦名瓠在涇陽北城外也邸至也至渠首起雲陽

並北山東注洛

集解徐廣曰出馮翊

懷德縣

三百餘里欲以溉田中作而覺秦欲殺鄭國鄭國

日始臣爲間然渠成亦秦之利也

秦志鄭國曰臣爲韓延數歲之命

爲秦建萬世之功是也

秦以爲然卒使就渠渠就用注填闕之水

溉澤鹵之地四萬餘頃

音昔本或作斥則如字讀之

收

皆畝一鐘於是關中爲沃野無凶年秦以富彊卒并諸

侯因命曰鄭國渠漢興三十九年孝文時河決酸棗東

潰金隄

括地志云金隄一名十里隄在白馬縣東五里

於是東郡大興卒塞

之其後四十有餘年今天子元光之中而河決於瓠子

東南注鉅野

括地志云鄆州鉅野縣東北大澤是

通於淮泗於是天子

使汲黯鄭當時與人徒塞之輒復壞是時武安侯田蚡

爲丞相其奉邑食郿

秦隱郿音輸韋昭云清河縣也

郿居河北

河決而南則鄒無水菑邑收多蚡言於上曰江河之決皆天事未易以人力爲彊塞塞之未必應天而望氣用數者亦以爲然於是天子久之不事復塞也是時鄭當時爲大農言曰異時關東漕粟從渭中上度六月而罷而漕水道九百餘里時有難處引渭穿渠起長安並南山下至河三百餘里徑易漕度可令三月罷而渠下民田萬餘頃又可得漑田此損漕省卒而益肥關中之地得穀天子以爲然令齊人木工徐伯表案隱舊說徐伯表木工姓而表記之若今監標表不是名也案解徐廣曰悉發卒一云悉衆數萬人穿漕渠三歲而通通以漕大便利其後漕稍多

而渠下之民頗得以溉田矣其後河東守番係言漕從

山東西

索隱番音婆又音潘詩小雅云番維司徒番氏也係音系從山東西者謂從山東運漕而西入

關也歲百餘萬石更砥柱之限敗亡甚多而亦煩費穿渠

引汾

正義括地志云汾水源出嵐州靜樂縣北百三十里管涔山北東南流入并州卽西南流入至絳州

蒲州入河也

溉皮氏汾陰

正義括地志云皮氏故城在絳州龍門縣西百三十步自秦漢魏晉

皮氏縣皆治也汾陰故城俗名殷湯城在蒲州汾陰縣北九里漢汾陰縣

下引河溉汾陰蒲

坂下度可得五千頃五千頃故盡河壩

集解韋昭曰壩音而緣反謂緣

河邊地索隱

棄地民芟牧其中耳

索隱芟乾草也謂今收芟及牧畜於中

溉田之度可得穀二百萬石以上穀從渭上與關中無

異而砥柱之東可無復漕天子以爲然發卒數萬人作

渠田數歲河移徙渠不利則田者不能償種久之河東

渠田廢予越人令少府以爲稍入

集解如淳曰時越人有徙者以田與之其

租稅入少府**索隱**其田既薄越人徙居者習水利放與之而稍少其稅入之於少府

其後人有上

書欲通褒斜道

集解韋昭曰褒中縣也斜谷各音邪贊曰褒斜二水名**正義**括地志云褒谷在

梁州褒城縣北五十里斜水源出褒城縣西北九十八里衙嶺山與褒水同源而派流漢書溝洫云褒水通沔斜水通渭皆以行船是也接褒城卽褒中縣也

及漕事下御史大夫張湯湯阿

其事因言抵蜀從故道

正義括地志云鳳州兩當縣本漢故道縣也在州西五十里

故道多阪回遠今穿褒斜道少阪近四百里而褒水通

沔斜水通渭皆可以行船漕漕從南陽

正義南陽郡今鄧州上沔

入褒褒之絕水至斜間百餘里以車轉從斜下下渭如

此漢中之穀可致山東從沔無限

正義無限言多也山東謂河南之東山南

之東及江南淮南皆經砥柱主運今並從沔便於三門之漕也

便於砥柱之漕且褒斜

材木竹箭之饒擬於巴蜀天子以爲然拜湯子卬爲漢

中守發數萬人作褒斜道五百餘里道果便近而水湍

石

集解徐廣曰湍一作溲

不可漕其後莊熊羆言臨晉

正義括地志云同州

本臨晉城也一名大荔城亦曰馮翊城

民願穿洛以溉重泉以東萬餘頃

故鹵地誠得水可令畝十石

正義洛漆沮水也括地志云重泉故城在同州蒲城

縣東南四十五里在同州西北亦四十五里

於是爲發卒萬餘人穿渠自徵

引洛水至商顏下

集解服虔曰顏音崖應劭曰徵在馮翊或曰商顏山名索隱徵音懲縣名

也小顏云卽今之澄城也顏又如字

岸善崩

正義言商原之崖岸土性疎故善崩毀也

乃鑿井

深者四十餘丈往往爲井井下相通行水水頽以絕商

顏

集韻 頽曰顏

東至山嶺十餘里間井渠之生自此始穿

渠得龍骨

正義 括地志云伏龍祠在同州馮翊縣西北四十里故老云漢時自徵穿渠引洛得龍骨

其後立祠因以伏龍爲名今祠頗有靈驗也

故名曰龍首渠作之十餘歲渠

頗通猶未得其饒自河決瓠子後二十餘歲因以數

不登而梁楚之地尤甚天子旣封禪巡祭山川其明年

旱乾封少雨天子乃使汲仁郭昌發卒數萬人塞瓠子

決於是天子已用事萬里沙

正義 括地志云萬里沙在華州鄭縣東北二十里也

則還自臨決河沈白馬玉璧于河令羣臣從官自將軍

已下皆負薪寘決河是時東流郡燒草以故薪柴少而

下淇園之竹

集解晉灼曰衛之苑也多竹篠

以爲楗

集解如淳曰樹竹塞水決之口稍稍

布插接樹之水稍稍補令密密謂之楗以草塞其裏乃以土填之有石以石爲之案楗音其免反楗者樹於水中稍下竹及

天子既臨河決悼功之不成乃作歌曰瓠

子決兮將柰何皓皓盱盱兮閭殫爲河

集解如淳曰殫盡也駟謂州閭

河盡爲殫爲河兮地不得寧功無已時兮吾山平

集解徐廣曰東

郡東阿有魚山或者在乎駟案如淳曰恐水漸山使平也韋昭曰鑿山以填河也

吾山平兮鉅

野溢

集解如淳曰瓠子決灌鉅野澤使溢也

魚拂鬱兮柏冬日

集解徐廣曰柏猶迫

也冬日行天邊若與水相連矣駟案漢書音義曰鉅野滿溢則衆魚沸鬱而滋長也迫冬日乃止

延道

弛兮離常流

集解徐廣曰延一作止駟案晉灼曰河道皆弛壞案隱言河之決由其源道延長弛

溢故使其道皆離常流也

蛟龍騁兮方遠遊歸舊川兮神哉沛

集解

水還舊道則羣害消除神祐滂沛

不封禪兮安知外爲我謂河伯兮何

不仁泛濫不止兮愁吾人齧桑浮兮淮泗滿

集解張晏曰齧桑地

名也如淳曰邑名爲水所浮漂

久不反兮水維緩一曰河湯湯兮激滌

浚北渡迆兮浚流難攀長菱兮沈美玉

集解如淳曰秦取也菱草也音

郊一曰菱芋也取長竿樹之用著石間以塞決河贊曰竹葦繩謂之菱下所以引致上石者也索隱寒音已免

反菱一作菱音廢鄒氏又音繞也

河伯許兮薪不屬

集解如淳曰旱薪燒故薪不足

不屬兮衛人罪燒蕭條兮噫乎何以禦水頽林竹兮榘

石菑

集解如淳曰河決榘不能禁故言留韋昭曰榘柱也木立死曰菑

宣房塞兮萬福

來於是卒塞瓠子築宮其上名曰宣房宮而道河北行

二渠復禹舊迹而梁楚之地復寧無水災自是之後用

事者爭言水利朔方西河河西酒泉皆引河及川谷以

溉田而關中輔渠靈軹

集解如淳曰地理志蓋屋有靈軹渠案隱案溝洫志兒寬爲左

內史奏請穿六輔渠小顏云今尚謂之輔渠亦曰六渠也

引堵水

集解徐廣曰一作諸川

汝南

九江引淮東海引鉅定

集解瓚曰鉅定澤名

太山下引汶水皆穿

渠爲溉田各萬餘頃侏小渠披山通道者不可勝言然

其著者在宣房

太史公曰余南登廬山觀禹疏九江遂至于會稽太隍

集解徐廣曰一作濕

上姑蘇望五湖東闕洛汭大邳迎河行淮泗

濟漯洛渠西瞻蜀之岷山及離碓北自龍門至于朔方

曰甚哉水之爲利害也余從負薪塞宣房悲瓠子之詩

而作河渠書

集解

徐廣曰溝洫志行田二百畝分賦田與一夫二百畝以田惡故更歲耕之

索隱述贊曰水之利害自古而然禹疏溝洫隨山濬川云泊後世非無聖賢鴻溝既劃龍骨斯穿填闕攸墾黎蒸有年宣房在詠梁楚獲全

史記卷二十九

史記卷二十九考證

河渠書功無已時兮吾山平集解徐廣曰東郡東南有
魚山或者是乎駟按如淳曰恐水漸山使平也○水
經注馬頰水又南北流逕山南山卽吾山也

史記卷二十九考證

史記卷三十

漢 太史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

平準書第八

集解駟案漢書百官表曰大司農屬官有平準
令索隱大司農屬官有平準令丞者以均天下
郡國輸斂貴則糶之賤則買之平賦
以相準輸歸于京都故命曰平準

漢興接秦之弊丈夫從軍旅老弱轉糧饟作業劇而財

匱自天子不能具鈞駟

索隱天子駕駟馬其色宜齊同
今言國家貧天子不能具鈞色

之駟馬漢書作駟駟駟與純一色也或作駟非也而將相或乘牛車齊民無藏

蓋

集解如淳曰齊等無有貴賤故謂之齊民若今言平民矣晉灼曰中國被教之民也蘇林曰無物可蓋藏

於是爲秦錢重難用更令民鑄錢

集解駟案漢書食貨志曰鑄榆莢錢

顧氏案古今註云秦錢半兩徑寸二分重十二銖漢錢重三銖錢譜云文爲漢興也一黃金一斤

案如淳云時以錢爲貨黃金一斤直萬錢非也又臣瓚下注云秦以一鎰爲一金漢以一斤爲一金是其義

也約法省禁而不軌逐利之民蓄積餘業以稽市物物

踊騰糶

集解李奇曰稽貯滯也如淳曰稽考也考校市物價貴賤有時晉灼曰踊甚也言計市物賤而

豫益穡之也物貴而出賣故使物甚騰也漢書糶字作

躍案李奇云稽貯滯韋昭云稽留待也稽字當如李

章二釋晉灼及馬融訓稽爲計及考於義爲疎如淳曰

踊騰猶伍昂也伍昂者乍貴乍賤也今案漢書糶字作

躍者謂物踊貴而價起有如物之騰躍而起也然糶者

出賣之名故食貨志云大熟則上糶三而舍一是也

米至石萬錢馬一疋則百金

集解贊曰秦以一鎰爲一金漢以一斤爲一金

天

下已平高祖乃令賈人不得衣絲乘車重租稅以困辱

之孝惠高后時爲天下初定復弛商賈之律然市井之

子孫亦不得仕宦爲吏量吏祿度官用以賦於民而山

川園池市井

正義

古人未有市及井若朝聚井汲水便將貨物於井邊貨賣故言市井租稅

之入自天子以至于封君湯沐邑皆各爲私奉養焉不

領於天下之經費

案

經訓常言封君已下皆以湯沐邑爲私奉養故不領入天子之常

稅爲一年之費也

漕轉山東粟以給中都官歲不過數十萬石

索隱說文云漕水轉穀也一云車運曰轉水運曰漕中都猶都內也皆天子之倉府以給中都官者卽今太倉

以畜官儲者也

至孝文時蒺錢益多輕

集解如淳曰

乃更鑄四

銖錢其文爲半兩令民縱得自鑄錢故吳諸侯也以卽

山鑄錢

案卽訓就言就出銅之山鑄錢故下文云卽名銅山是也一解卽山山名也

富埒

天子

集解徐廣曰埒者際畔言鄰接相次也駟案孟康曰富與天子等而微減也或曰埒等也

其後

卒以叛逆鄧通大夫也以鑄錢財過王者故吳鄧氏錢

布天下而鑄錢之禁生焉匈奴數侵盜北邊屯戍者多

邊粟不足給食當食者於是募民能輸及轉粟於邊者

拜爵爵得至大庶長

案漢書食貨志云文帝用晁錯言令人入粟邊六百石爵上造稍

增至四千石爲五大夫萬二千石爲大庶長各以多少爲差

孝景時上郡以西旱亦

復脩賣爵令而賤其價以招民及徒復作得輸粟縣官

以除罪益造苑馬以廣用

案謂增益苑囿造廐而養馬以廣用則馬是軍國之用

也而宮室列觀輿馬益增脩矣至今上卽位數歲漢興

七十餘年之間國家無事非遇水旱之災民則人給家

足都鄙廩庾皆滿而府庫餘貨財京師之錢累巨萬

韋昭曰巨萬今萬萬貫朽而不可校

集解如淳曰校數也

太倉之粟陳陳相

因充溢露積於外至腐敗不可食衆庶街巷有馬阡陌

之間成羣而乘字牝者擯而不得聚會

集解駟案漢書音義曰皆乘父

馬有牝馬間其間則相踈鬻故斥不得出會同守閭閻者食梁肉爲吏者長子

孫

集解如淳曰時無事吏不數轉至子孫長大而不轉職任

居官者以爲姓號

如淳曰倉氏廩氏是也故人人自愛而重犯法先行

案如淳注出食貨志也

義而後絀恥辱焉當是之時網疏而民富役財驕溢或

至兼并豪黨之徒以武斷於鄉曲

際隱鄉曲豪富無官位而以威勢主斷曲

直故曰武斷也

宗室有土公卿大夫以下爭于奢侈室廬輿服

僭于上無限度物盛而衰固其變也自是之後嚴助朱

買臣等招來東甌

正義烏侯反今台州永寧是也

事兩越

正義南越及閩越南越今

廣州南海也閩越今建州建安也

江淮之間蕭然煩費矣唐蒙司馬相

如開路西南夷鑿山通道千餘里以廣巴蜀巴蜀之民

罷焉彭吳賈滅朝鮮置滄海之郡

際隱彭吳賈人姓名始開其道而滅之朝

鮮番名

則燕齊之間靡然發動及王恢設謀馬邑匈奴絕

和親侵擾北邊兵連而不解天下苦其勞而干戈日滋

行者齋居者送中外騷擾而相奉百姓抗弊以巧法

際隱

三蒼抗音五官反鄒氏又音五亂反案抗者耗也消耗之名言百姓貧弊故行巧抵之法也 財賂衰

耗而不贍入物者補官出貨者除罪選舉陵遲廉恥相

冒武力進用法嚴令具興利之臣自此始也 集解韋昭曰弘羊孔

僅之 屬也 其後漢將歲以數萬騎出擊胡及車騎將軍衛青

取匈奴河南地 正義謂靈夏三州地取在元朔二年築朔方 正義今夏州也括地志云

夏州秦上郡漢分置朔方郡魏不改隋置夏州 當是時漢通西南夷道作者數

萬人千里負擔饋糧率十餘鍾致一石 集解駟案漢書音義曰鍾六石

四散幣於邛僰以集之 索隱應劭云臨邛屬僰大屬僰為 數歲道不通

蠻夷因以數攻吏發兵誅之 索隱謂發軍與以誅之也 悉巴蜀租賦

不足以更之 集解韋昭曰更續也或曰更償也 乃募豪民田南夷入粟

縣官而內受錢於都內

集解

服虔曰入穀於外縣受錢於內府也

東至滄海

之郡人徒之費擬於南夷又興十萬餘人築衛朔方轉

漕甚遼遠自山東咸被其勞費數十百巨萬府庫益虛

乃募民能入奴婢得以終身復爲郎增秩及入羊爲郎

始於此其後四年

集解

徐廣曰元朔五年

而漢遣大將將六將軍

軍十餘萬擊右賢王獲首虜萬五千級明年大將軍將

六將軍仍再出擊胡得首虜萬九千級捕斬首虜之士

受賜黃金二十餘萬斤虜數萬人皆得厚賞衣食仰給

縣官而漢軍之士馬死者十餘萬兵甲之財轉漕之費

不與焉於是大農陳藏錢

集解

韋昭曰陳久也

經耗賦稅旣竭猶

不足以奉戰士有司言天子曰朕聞五帝之教不相復而治禹湯之法不同道而王所由殊路而建德一也北邊未安朕甚悼之日者大將軍攻匈奴斬首虜萬九千

級留蹠無所食

索隱蹠音逝謂貯也韋昭云音滯謂積也又案古今字詁林今滯字則蹠與滯

同謂富人貯滯積穀則貧者無所食也

議令民得買爵及贖禁錮免減罪

請置賞官命曰武功爵

集解費曰茂陵中書有武功爵一級曰造士二級曰開輿衛三

級曰良士四級曰元戎士五級曰官首六級曰秉鐸七級曰千夫八級曰樂卿九級曰執戎十級曰左庶長十

一級曰軍衛此武帝所制以寵軍功

級十七萬凡直三十餘萬金

索隱大顏云一

金萬錢也計十一級級十七萬合百八十七萬金而此云三十餘萬金其數必有誤者顧氏案或解云初一級

十七萬自此已上每級加二萬至十七級合成三十七萬也

諸買武功爵官首者試

補吏先除

索隱官首武功爵第五也位稍高故得試爲吏先除用也

千夫如五大夫

索隱千夫武功十一等爵第七五大夫舊二十等爵第九也言千夫爵秩比於五大夫故楊僕以千夫爲吏殆

謂此其有罪又減二等爵得至樂卿

集解徐廣曰爵名也駟案漢書音義曰十

爵左庶長以上至十八爵爲大庶長也名樂卿樂卿者朝位從九卿加樂者別正卿又十九爵爲樂公食公卿

祿而無職索隱蓋此言武功置爵唯得至於樂卿也臣瓚所引茂陵書蓋後人記其爵次耳今注稱十爵至十

八庶長爲樂卿十九至二十爲樂公乃以舊二十爵釋武功爵蓋亦臆說謫非也大顏亦以爲然以顯

軍功軍功多用越等大者封侯卿大夫小者郎吏吏道

雜而多端則官職耗廢自公孫弘以春秋之義繩臣下

取漢相張湯用峻文決理爲廷尉於是見知之法生

集解

張晏曰吏見知不舉劾爲故縱

而廢格沮誹窮治之獄用矣

集解如淳曰廢格天

子文法使不行也。誹謂非上所行若顏異反唇之比也。
繫 格音闕。沮音才。緒反。誹音非。謂廢格天子之命而
不行及沮敗誹謗之者皆被窮。
治故云廢格沮誹之獄用矣。其明年淮南衡山江都

王謀反迹見而公卿尋端治之竟其黨與而坐死者數

萬人長吏益慘急而法令明察當是之時招尊方正賢

良文學之士或至公卿大夫公孫弘以漢相布被食不

重味爲天下先然無益於俗稍驚於功利矣其明年驃

騎仍再出擊胡獲首四萬其秋渾邪王率數萬之衆來

降於是漢發車二萬乘迎之既至受賞賜及有功之士

是歲費凡百餘巨萬初先是往十餘歲河決觀廣曰觀

縣名也屬東郡光武改曰衛公國梁楚之地固已數困而緣河之郡隄

塞河輒決壞費不可勝計其後番係欲省砥柱之漕穿汾河渠以爲溉田作者數萬人鄭當時爲渭漕渠回遠鑿直渠自長安至華陰作者數萬人朔方亦穿渠作者數萬人各歷二三朞功未就費亦各巨萬十數天子爲伐胡盛養馬馬之來食長安者數萬匹卒牽掌者關中不足乃調旁近郡而胡降者皆衣食縣官縣官不給天子乃損膳解乘輿駟出御府禁藏以贍之其明年山東被水菑民多飢乏於是天子遣使者虛郡國倉廩

集解徐廣

日音贈

以振貧民猶不足又募豪富人相貸假尚不能相

救乃徙貧民於關以西及充朔方以南新秦中

集解服虔曰地

名在北方千里如淳曰長安已北朔方已南瓚曰秦遂
甸奴以收河南地徙民以實之謂之新秦今以地空故
復徙民以實之七十餘萬口衣食皆仰給縣官數歲假予產業

使者分部護之冠蓋相望其費以億計不可勝數於是

縣官大空而富商大賈或蹠財役貧

集解駟案漢書音義曰蹠停也一日

貯也索隱蕭該案字林云貯塵也音佇此謂居積停滯塵久也子貢發貯鬻財是也轉轂百數集解

李奇曰廢居居邑集解徐廣曰廢居者貯畜之名也有車也所廢有所畜言其乘時射利也駟案

服虔曰居轂於邑也如淳曰居賤物於邑中以待貴索隱劉氏云廢出賣也居停蓄也是出賣於居者爲廢故

徐氏曰有所費封君皆低首仰給集解晉灼曰低音抵有所畜是也

商賈索隱服虔說是也而劉伯莊以爲封君及大商皆低首營私以自給不佐天子非也冶鑄煮鹽

財或累萬金而不佐國家之急黎民重困於是天子與

公卿議更錢造幣以贍用而摧浮淫并兼之徒是時禁

苑有白鹿而少府多銀錫自孝文更造四銖錢至是歲

四十餘年從建元以來用少縣官往往卽多銅山而鑄

錢民亦間盜鑄錢不可勝數錢益多而輕

集解如淳曰磨錢取鎔故

也瓚曰鑄錢者多故錢輕輕亦賤也物益少而貴

集解如淳曰但鑄作錢不作餘物

有司

言曰古者皮幣諸侯以聘享金有三等黃金爲上白金

爲中赤金爲下

集解駝案漢書音義曰白金銀也赤金丹陽銅

陽銅者神異經云西方金山有丹陽銅也今半兩錢法重四銖

集解韋昭曰文爲半兩實

重四而姦或盜摩錢裏取鎔

集解徐廣曰音容呂靜曰治器法謂之鎔

錢益

輕薄而物貴則遠方用幣煩費不省乃以白鹿皮方尺

緣以藻績

集解徐廣曰藻一作紫

為皮幣直四十萬王侯宗室朝

覲聘享必以皮幣薦璧然後得行又造銀錫為白金

集解

如淳曰雜鑄銀錫為白金也

以為天用莫如龍

索隱易云行天莫如龍是也

地用

莫如馬

索隱易云行地莫如馬是也

人用莫如龜

索隱禮云諸侯以龜為寶是也

故

白金三品其一曰重八兩圜之其文龍名曰白選直三

千

索隱

顧氏案錢譜其文為龍形隱起肉好皆圓文又作雲霞之象選蘇林音選擇之選包愷及劉氏音息

戀反尚書大傳云夏后氏不殺不刑死罪罰二千饌馬融云饌六兩漢書作撰二字音同也晉灼案黃圖云直

三千三百也

二曰重差小方之其文馬直五百

索隱謂以八兩差為三品

此重六兩下小摠重四兩也云以重差小者謂半兩為重故差小重六兩而其形方錢譜肉好皆方隱起馬形

肉好之下又有連珠文也

三曰復小摠之其文龜直三百

索隱摠音湯果反爾

雅注稱者狹長也謂長而去四角也錢譜肉圓好方皆隱起龜甲文令縣官銷半兩錢更

鑄三銖錢文如其重盜鑄諸金錢罪皆死而吏民之盜

鑄白金者不可勝數於是以東郭咸陽孔僅爲大農丞

領鹽鐵事

案隱東郭姓咸陽名也案風俗通東郭牙齊大夫咸陽其後也

桑弘羊以計

算用事侍中咸陽齊之大煮鹽孔僅南陽大冶皆致生

累千金故鄭當時進言之弘羊雒陽賈人子以心計年

十三侍中故三人言利事析秋毫矣

案隱言百物毫芒至秋皆美細今言

弘羊等三人言利事纖悉能分析其秋毫也

法旣益嚴吏多廢免兵革數動

民多買復及五大夫徵發之士益鮮於是除千夫五大

夫爲吏不欲者出馬故吏皆通適令伐棘上林

集解韋昭曰欲

令出馬無馬者令伐棘案隱謂故吏先免者皆適令伐棘上林不謂無馬者韋說非也 作昆明池

案隱案黃圖武帝穿昆明池周四十里以習水戰荀悅云昆明子居滇河中故習水戰以伐之也其明

年大將軍驃騎大出擊胡集解徐廣曰元狩四年得首虜八九萬

級賞賜五十萬金漢軍馬死者十餘萬匹轉漕車甲之

費不與焉是時財匱戰士頗不得祿矣有司言三銖錢

輕易姦詐乃更請諸郡國鑄五銖錢周郭其下令不可

磨取鎔焉大農上鹽鐵丞孔僅咸陽言山海天地之藏

也皆宜屬少府案隱韋昭云少府天子私所給賜經用也公用屬大司農陛下不私

以屬大農佐賦願募民自給費因官器作煮鹽官與牢

盆集解如淳曰牢廩食也古者名廩爲牢也盆者煮鹽盆案隱蘇林云牢價直也今世人言雇手牢盆小顏

云蘇諷是樂彥云半乃盆名其說異也

浮食奇民欲擅管山海之貨

集解張晏

日若人執倉庫之管籥或曰管固索隱包愷奇音羈謂侯也非農工之儔故言奇也擅音善

以致富

羨役利細民

索隱羨音弋戰反美饒也與衍同義

其沮事之議不可勝聽

索隱

沮止也僅等言山海之藏宜屬大農奇人欲擅其利必有沮止之議此不可聽許也

敢私鑄鐵

器煮鹽者鈇左趾

集解

史記音義曰鈇音徒計反韋昭曰鈇以鐵爲之著左趾以代刑也

索隱三蒼云鈇踏脚鉗也字林音大計反張裴漢晉律序云狀如跟衣著足足下重六斤以代刑至魏武改以滅

也代鈇

没入其器物郡不出鐵者置小鐵官

集解鄧展曰鑄故鐵便

屬在所縣使孔僅東郭咸陽乘傳舉行天下鹽鐵作官府除故鹽鐵家富者爲吏吏道益雜不選而多賈人矣商賈以幣之變多積貨逐利於是公卿言郡國頗被菑

害貧民無產業者募徙廣饒之地陛下損膳省用出禁

錢以振元元寬貸賦而民不齊出於南畝集解李奇曰齊皆也商

賈滋衆貧者畜積無有皆仰縣官異時算輜車賈人緡

錢皆有差請算如故集解李斐曰緡絲也以貫錢也一貫千緡出二十算也詩云維絲伊

緡如淳曰胡公名錢爲緡者詩云氓之蚩蚩抱布貿絲故謂之緡也索隱異時猶前時也說文云輜小車也傅

子言漢代賤乘輜今則貴之言算輜車者有輜車使出稅一算二算也緡音旻諸賈人未作貫

貸買居邑稽諸物索隱稽者停留也卽上文所謂廢居居邑也及商以取利

者雖無市籍各以其物自占索隱郭璞云占自隱度也謂各自隱度其財物多少

爲文簿送之官也若不盡率緡錢二千而一算集解瓚曰此緡

皆沒入於官占音之贖反錢爲是儲緡錢也故隨其用所施施於利重者其算亦多諸作有租及鑄集解如淳曰以手力

所作而賣之 **率緡錢四千一算非吏比者三老北邊騎士** 集

如淳曰非吏而得與吏比者官謂三老北邊騎士也樓船令邊郡選富者為車騎士 軺者以一算

商賈人軺車二算 集 如淳曰商賈有軺車使出二算重其賦也 船五丈以上

一算匿不自占占不悉戍邊一歲没入緡錢 索隱 悉盡也具也若

通其家財不周悉盡者罰戍邊一歲 有能告者以其半畀之賈人有市籍

者及其家屬皆無得籍名田以便農 索隱 謂賈人有市籍不許以名占田

也 敢犯令没入田僮 索隱 若賈人更占田則没其田及僕僮皆入之於官 天子乃

思卜式之言召拜式為中郎爵左庶長賜田十頃布告

天下使明知之初卜式者河南人也以田畜為事親死

式有少弟弟壯式脫身出分獨取畜羊百餘田宅財物

盡予弟式入山牧十餘歲羊致千餘頭買田宅而其弟盡破其業式輒復分予弟者數矣是時漢方數使將擊匈奴卜式上書願輸家之半縣官助邊天子使使問式欲官乎式曰臣少牧不習仕宦不願也使問曰家豈有寃欲言事乎式曰臣生與人無分爭式邑人貧者貸之不善者教順之所居人皆從式式何故見寃於人無所欲言也使者曰苟如此子何欲而然式曰天子誅匈奴愚以爲賢者宜死節於邊有財者宜輸委如此而匈奴可滅也使者具其言入以聞天子以語丞相弘弘曰此非人情不軌之臣不可以爲化而亂法願陛下勿許於

是上久不報式數歲乃罷式式歸復田牧歲餘會軍數
出渾邪王等降縣官費衆倉府空其明年貧民大徙皆
仰給縣官無以盡贍卜式持錢二十萬予河南守以給
徙民河南上富人助貧人者籍天子見卜式名識之曰
是固前而欲輸其家半助邊乃賜式外繇四百人

集解
朔案

漢書音義曰外繇謂戍邊也一人出三百錢謂之過更
式歲得十二萬錢也一說在繇役之外得復除四百人

式又盡復予縣官是時富豪皆爭匿財唯式尤欲輸之
助費天子於是式終長者故尊顯以風百姓初式不
願爲郎上曰吾有羊上林中欲令子牧之式乃拜爲郎
布衣屨而牧羊集解韋昭曰履草也歲餘羊肥息上過見其羊善

之式曰非獨羊也治民亦猶是也以時起居惡者輒斥去毋令敗羣上以式爲奇拜爲緱氏令試之緱氏便之遷爲成臯令將漕最上以爲式朴忠拜爲齊王太傅而孔僅之使天下鑄作器三年中拜爲大農列於九卿

徐廣曰元鼎二年時丙寅歲

而桑弘羊爲大農丞筦諸會計事稍稍

置均輸以通貨物矣

集解孟康曰謂諸當所輸於官者皆令輸其土地所饒平其所在時

價官更於作處賣之輸者旣便而官有利漢書百官表大司農屬官有均輸令始令吏得入穀

補官郎至六百石自造白金五銖錢後五歲赦吏民之坐盜鑄金錢死者數十萬人其不發覺相殺者不可勝計赦自出者百餘萬人然不能半自出天下大抵無慮

皆鑄金錢矣

案此抵歸也劉氏云大抵猶大略也案大抵無慮者謂言大略歸於鑄錢更無他事

從慮也

犯者衆吏不能盡誅取於是遣博士褚大徐偃等

分曹循行郡國

集解服虔曰分曹職案行

舉兼并之徒守相爲吏者

而御史大夫張湯方隆貴用事減宣杜周等爲中丞義

縱尹齊王溫舒等用慘急刻深爲九卿而直指夏蘭之

屬始出矣而大農顏異誅

集解徐廣曰元狩四年時壬戌歲也

初異爲濟

南亭長以廉直稍遷至九卿上與張湯旣造白鹿皮幣

問異異曰今王侯朝賀以蒼璧直數千而其皮薦反四

十萬本末不相稱天子不說張湯又與異有郤及人有

告異以它議事下張湯治異異與客語客語初令下有

不便者

集解李奇曰異與客語道詔令初下有不便處也

異不應微反脣湯奏

異當九卿見令不便不入言而腹誹論死自是之後有

腹誹之法以此而公卿大夫多諂諛取容矣天子既下

緡錢令而尊卜式百姓終莫分財佐縣官於是楊可告

緡錢縱矣郡國多姦鑄錢

集解謂多姦巧雜以鉛錫也

錢多輕而公

卿請令京師鑄鐘官赤側

集解如淳曰以赤銅爲其郭也今錢見有赤側者不知作

法云何集解鐘官掌鑄赤側之錢韋昭曰側邊也

一當五賦官用非赤側不得

行

集解駟案漢書音義曰俗所謂紫緝錢也

白金稍賤民不寶用縣官以令

禁之無益歲餘白金終廢不行是歲也張湯死

集解徐廣曰元

鼎三年

而民不思

集解樂彥云諸所廢興附上罔下皆自湯故人不思也

其後二歲

赤側錢賤民巧法用之不便又廢於是悉禁郡國無鑄

錢專令上林三官

集解駟案漢書百官表水衡都尉武帝元鼎二年初置掌上林苑屬官有

上林均輸鍾官辨銅令然則上林三官其是此三令乎

鑄錢既多而令天下非三

官錢不得行諸郡國所前鑄錢皆廢銷之輸其銅三官

而民之鑄錢益少計其費不能相當唯真工大姦乃盜

爲之卜式相齊而楊可告緡徧天下

集解瓚曰商賈居積及伎巧之家非

桑農所生出謂之緡茂陵中書有緡用奴婢是也

楊姓可名也如淳云告緡令楊可所告言中家

以上大抵皆遇告杜周治之獄少反者

集解如淳曰治匿緡之罪其獄

少有反者案劉德爲京兆尹每行縣多所平反是也

乃分遣御史

廷尉正監分曹

案如淳云曹輩也謂分曹輩而出爲使也

往卽治郡國緡

錢得民財物以億計奴婢以千萬數田大縣數百頃小縣百餘頃宅亦如之於是商賈中家以上大率破民儉甘食好衣不事畜藏之產業而縣官有鹽鐵緡錢之故用益饒矣益廣關置左右輔

集解徐廣曰元鼎三年丁卯歲徙函谷關於新安東

界初大農筦鹽鐵官布多

索隱布謂泉布

置水衡欲以主鹽鐵

及楊可告緡錢上林財物衆乃令水衡主上林上林旣充滿益廣是時越欲與漢用船戰逐

集解韋昭曰戰鬪馳逐也乃大

修昆明池列觀環之治樓船高十餘丈旗幟加其上甚

壯

索隱

蓋始穿昆明池欲與滇王戰今乃更大脩之將與南越呂嘉戰逐故作樓船於是楊僕有將軍之號

又下文云因南方樓船卒二十餘萬擊南越也昆明池有豫章館豫章地名以言將出軍於豫章也於是

天子感之乃作柏梁臺高數十丈宮室之脩由此日麗

乃分緡錢諸官而水衡少府大農太僕各置農官往往

卽郡縣比没入田田之

案隱謂比者所没入人之田也

其没入奴婢分

諸苑養狗馬禽獸及與諸官諸官益新置多

集解如淳曰水衡少

府太僕司農皆有農官是爲多

徙奴婢衆而下河漕度四百萬石

案隱樂彥

云度猶運也

及官自糴乃足

案隱謂天子所給廩食者多故不如官自糴乃足也

所忠

言世家子弟

集解如淳曰世世有祿秩家所忠人姓名服虔云掌故官取書於司馬相如者

封禪書公孫卿因所忠言寶鼎是也唯姚察獨以爲所忠非也

富人或鬪雞走狗馬弋

獵博戲亂齊民

案隱晉灼云中國被教齊整之人也

乃徵諸犯令相引數

千人命曰株送徒入財者得補郎郎選衰矣

集解應劭曰株根本

也送引也如淳曰株根帶也諸坐博戲事決爲徒者能入錢得補郎也或曰先至者爲根索隱李奇云先至者

爲魁株也送當作選選引也應李二音是先至之人令之相引似若得其株本則枝葉自窮故曰株送徒又文

穎曰凡鬪雞勝者爲株傳云陽溝之雞三歲爲株今則鬪雞走馬者用之因其鬪雞本勝時名故云株選徒者

也是時山東被河苗及歲不登數年人或相食方一二

千里天子憐之詔曰江南火耕水耨集解應劭曰燒草下水種稻草與稻

並生高七八寸因悉芟去復下水灌之草死獨稻長所謂火耕水耨也令飢民得流就食

江淮間欲留之處遣使冠蓋相屬於道護之下巴蜀粟

以振之其明年天子始巡郡國東渡河河東守不意行

至不辦自殺行西踰隴隴西守以行往卒集解駟案漢書音義曰踰

度也卒倉卒天子從官不得食隴西守自殺於是上北出蕭

關從數萬騎獵新秦中以勒邊兵而歸新秦中或千里

無亭徼

集解如淳曰徼亦卒求盜之屬也晉灼曰徼塞也瓚曰既無亭候又不徼巡無衛邊之備也

於是誅北地太守以下而令民得畜牧邊縣

集解駟案漢書音義

曰令民得畜牧於邊縣也瓚曰先是新秦中千里無民畏寇不敢畜牧令設亭徼故民得畜牧也

官假

馬母三歲而歸及息什一以除告緡用充仞新秦中

集解

李奇曰邊有官馬今令民能畜官母馬者滿三歲歸之也及有蕃息與當出緡算者皆復令居新秦中又充仞之也謂與民母馬令得爲馬種令十母馬還官一駒此爲息什一也瓚曰前以邊用不足故設告緡之令設亭徼邊民無警皆得田牧新秦中已充故除告緡不復取於民 既得寶鼎立后土太一

祠

集解徐廣曰元鼎四年立后土五年立太時

公卿議封禪事而天下郡國

皆豫治道橋繕故宮及當馳道縣縣治官儲設供具而

望以待幸其明年南越反西羌侵邊爲桀於是天子爲山東不贍赦天下因南方樓船卒二十餘萬人擊南越數萬人發三河以西騎擊西羌又數萬人渡河築令居

緊隱

令音零姚氏音連韋昭云金城縣

初置張掖酒泉郡

集解徐廣曰元鼎六年

而

上郡朔方西河河西開田官斥塞卒

集解如淳曰塞候斥卒

六十

萬人戍田之中國繕道餽糧遠者三千近者千餘里皆仰給大農邊兵不足乃發武庫工官兵器以贍之車騎馬乏絕縣官錢少買馬難得乃著令令封君以下至三百石以上吏以差出牝馬天下亭亭有畜犗馬歲課息齊相卜式上書曰臣聞主憂臣辱南越反臣願父子與

齊習船者往死之天子下詔曰卜式雖躬耕牧不以爲

利有餘輒助縣官之用今天下不幸有急而式奮願父

子死之雖未戰可謂義形於內賜爵關內侯金六十斤

田十頃布告天下天下莫應列侯以百數皆莫求從軍

擊羌越至耐少府省金

集解如淳曰省視諸侯金有輕有重也或曰至當耐飲宗廟時

少府視其金多少也

而列侯坐耐金失侯者百餘人

集解如淳曰漢儀注王子

爲侯侯歲以戶口耐黃金於漢廟皇帝臨受獻金以助祭大祀日飲耐飲耐受金金少不如斤兩色惡王削縣

侯免國緊劉氏云言列侯多以百而數故坐耐金失侯者一百六人也

乃拜式爲御史大

夫

集解徐廣曰元鼎六年

式旣在位見郡國多不便縣官作鹽鐵

鐵器苦惡

集解墳曰謂作鐵器民患苦其不好

賈貴

集解言鹽旣苦而器又惡故買賣貴也苦

又音古言器苦窳不好凡病之器云苦窳窳音庾事見本紀苦如字讀亦通 或彊令民賣買

之而船有算商者少物貴乃因孔僅言船算事上由是

不悅卜式漢連兵三歲誅羌滅南越番禺以西至蜀南

者置初郡十七集解徐廣曰南越爲九郡駟案晉灼曰元鼎六年定越地以爲南海蒼梧鬱林

合浦交趾九真日南珠崖儋耳郡定西南夷以爲武都

零陵益州郡凡十七也且以其故俗治毋賦稅南陽漢中以往郡

各以地比給初郡索隱比音鼻南陽漢中已往之郡各以其地比近給初郡初郡卽西南初

置之吏卒奉食幣物傳車馬被具索隱奉音扶而初郡

郡也時時小反殺吏漢發南方吏卒往誅之間歲萬餘人費

皆仰給大農大農以均輸調鹽鐵助賦故能贍之然兵

所過縣爲以訾給毋乏而已不敢言擅賦法矣

集解徐廣曰擅

一作經經常也唯取用足耳不暇顧經常法則矣

其明年元封元年卜式貶秩

爲太子太傅而桑弘羊爲治粟都尉領大農盡代僅筦

天下鹽鐵弘羊以諸官各自市相與爭物故騰躍而天

下賦輸或不償其僦費

索隱服虔謂載云僦言所輸物不足償其雇載之費也僦音子

就反乃請置大農部丞數十人分部主郡國各往往縣置

均輸鹽鐵官令遠方各以其物貴時商賈所轉販者爲

賦而相灌輸置平準于京師都受天下委輸名工官治

車諸器皆仰給大農大農之諸官盡籠天下之貨物貴

卽賣之賤則買之如此富商大賈無所牟大利

集解如淳曰牟

取也則反本而萬物不得騰踊故抑天下物名曰平準天

子以爲然許之於是天子北至朔方東到太山巡海上
並北邊以歸所過賞賜用帛百餘萬匹錢金以巨萬計

皆取足大農弘羊又請令吏得入粟補官及罪人贖罪

令民能入粟甘泉各有差以復終身不告緡他郡國各

輸急處

索隱謂他郡能入粟輸所在急要之處也

而諸農各致粟山東漕益

歲六百萬石一歲之中太倉甘泉倉滿邊餘穀諸物均

輸帛五百萬匹民不益賦而天下用饒於是弘羊賜爵

左庶長黃金再百斤焉是歲小旱上令官求雨卜式言

曰縣官當食租衣稅而已今弘羊令吏坐市列肆

索隱謂吏

坐市肆行 販物求利亨弘羊天乃雨

太史公曰農工商交易之路通而龜貝金錢刀布之幣

興焉

索隱錢本名泉言貨之流如泉也故周有泉府之官及景王乃鑄大錢布泉者言貨流布故周禮有

三夫之布食貨志貨布長二寸五分首長八分足枝長
八分刀者錢也食貨志有契刀錯刀契刀長二寸直五
百錯刀以黃金錯直五千以其形如刀故曰刀以其利
於人也又古者貨貝寶龜食貨志有十朋五貝皆用爲
貨貝各有多少兩貝爲朋故直二百一十六元
龜十朋故直二千一百六十已下各有差也 所從來

久遠自高辛氏之前尚矣靡得而記云故書道唐虞之

際詩述殷周之世安寧則長庠序先本絀末以禮義防

于利事變多故而亦反是是以物盛則衰時極而轉

徐廣曰時一質一文終始之變也禹貢九州各因其土

一作衰

地所宜人民所多少而納職焉湯武承弊易變使民不

倦各兢兢所以爲治而稍陵遲衰微齊桓公用管仲之

謀通輕重之權

集解管子有輕重之法

微山海之業以朝諸侯用

區區之齊顯成霸名魏用李克盡地力爲彊君自是之

後天下爭於戰國貴詐力而賤仁義先富有而後推讓

故庶人之富者或累巨萬而貧者或不厭糟糠有國疆

者或并羣小以臣諸侯而弱國或絕祀而滅世以至於

秦卒并海內虞夏之幣金爲三品

繫隱卽下或黃或白或赤也黃黃金也白

白銀也赤赤銅也見食貨志

或黃或白或赤或錢或布

集解如淳曰布於民間也

或刀

集解如淳曰名錢爲刀者以其利於民

或龜貝及至秦中一國之幣

爲三等黃金以鎰名

集解孟康曰二十兩爲鎰

爲上幣銅錢識曰半

兩重如其文爲下幣而珠玉龜貝銀錫之屬爲器飾寶藏不爲幣然各隨時而輕重無常於是外攘夷狄內興功業海內之士力耕不足糧饟女子紡績不足衣服古者嘗竭天下之資財以奉其上猶自以爲不足也無異故云事勢之流相激使然曷足怪焉

索隱述贊曰平準之立通貨天下既入縣官或振華夏其名刀布其文龍馬增算告緒哀多益寡弘羊心討卜式長者都內克殷取贖郊野

史記卷三十

史記卷三十考證

平準書物踊騰糶索隱按漢書糶字作躍者謂物踊貴而價起有如物之騰躍而起也然糶者出賣之名故食貨志云大熟則上糶三而舍一是也○臣世駿按作躍則宜屬上句作糶則宜屬下句

布衣屨而牧羊集解韋昭曰屨草也○推尋文義宜云屨草屨也

徒奴婢衆○徒一本作徒

名工官治車諸器○名一本作召

史記卷三十考證